

4-5(397-398)  
28.02.2015  
Հրատարակվում է  
1999թ. սեպտեմբերից

Ճանաչել գիմաստությունն եւ գիտարար, իմանալ զբանս հանճարոյ

# ԼՍԱՐԱՐ

Лусарар

ԳԻՏԱԿՐԹԱԿԱՆ ԹԵՐԻԹ

Lusarar

## ՄԻԱՍՆՈՒԹՅԱՆ ԴԱՏ, ՈՐ ԵՐԲԵՔ ԶԻ ՓՈՒՍՎՈՒՄ

Կան պատմարժեք իրադարձություններ, որոնց ժամանակը ոչ թե հեռացնում է մեզանից, այլ հակառակը՝ ավելի է մոտեցնում: Այն պարզապես դառնում է մեր մշտական ուղեկիցն իր անտրոհելի գաղափարաբանությամբ ու խորհրդով, թոճվելով և ամրապնդվելով՝ փոխանցվում սերնդեսերունդ:

Ավելի քան քառորդ դար է անցել այն բուցաշունչ օրերից, երբ Արցախի ժողովուրդը ոտքի ելավ ու ջարդելով խորհրդային «հին-տերնացիոնալիզմի» տաբուներ՝ ազատության դրոշմ բարձրացրեց: Անկախական, պատմական արդարությունը վերականգնելու ձգտումը և աղբյուրանական տևական լծից ազատվելու մղումը ազատության իսկական պայքար էր, որից վախեցած՝ ԽՍՀՄ կենտրոնական իշխանությունը Աղբյուրանի ղեկավարության հետ միասին նախաձեռնեց պատժիչ գործողություններ Ղարաբաղի ժողովրդի դեմ:

Ինքնորոշման գաղափարը խորհրդային Միության համար անընդունելի էր, քանզի դա կնշանակեր «կանաչ լույս» վառել կայսրությունում բնակվող մյուս ազգերի ու ազգությունների առջև, ինչն իր հերթին նշանակում էր հսկա երկրի աստիճանական փլուզում: Իհարկե, դա այդպես էլ եղավ հետագայում, սակայն այդ գործընթացում ամենաժանր հարվածը տարավ արցախահայությունը:

ԽՍՀՄ Բաղբյուրան ոչ միայն չընդունեց հայկական ինքնավար մարզը Արցախ կազմից հանելու և Հայկական ԽՍՀ կազմի մեջ մտցնելու խնդրի վերաբերյալ ԼՂԻՄ մարզխորհրդի փետրվարի 20-ի նիստի որոշումը, այլ և նույնիսկ դա անվանեց «էքստրեմիստների» ձեռքի գործ: Ենթադրելով հանգեցրեց նրան, որ այդուհետև Լեռնային Ղարաբաղի Ինքնավար Մարզում օրինական իշխանությունը վերացվեց: Փոխարենը ստեղծվեց Հատուկ կառավարման կոմիտե, որը գլխավորում էր Մոսկվայից ուղարկված Արկադի Կոլսկին: Ժամանակավոր կառավարման այդ ձևը, սակայն, չարդարացրեց իրեն, որը հետայդու փոխարինվեց ավելի վատ կառույցով՝ հանրապետական կազմկոմիտեով՝ հայատյաց Վիկտոր Պոլյանիչկոյի ղեկավարությամբ: Թե ինչ բերեց Պոլյանիչկոյի նշանակումը՝ քաջ հայտնի է բոլորիս: Ինեց նրա օրոք սկսեց մեծանալ ճնշումը Արցախյան շարժման ակտիվիստների, և առհասարակ, արցախաբնակ հայերի վրա: Ինքնավար մարզում ծայր առան սաղաթանքները, բռնություններն ու սպանությունները՝ ավելի խորացնելով երկու ազգերի միջև ատելությունը ու թշնամանքը: Այդ ամենի օրինաչափի հետևանքը Ղարաբաղյան պատերազմն էր, ցավոք, հազարավոր մարդկային կորուստներով:

Եթե ժամանակին Մոսկվայում ճիշտ ըմբռնեին ու համարժեք վերաբերմունք դրսևորեին արցախցիների ազատ կամարտահայտությանը, ապա հնարավոր կլիներ խուսափել մեզ համար թանկ մարդկային կորուստներից: Տասնամյակներ են անցել, սակայն հիմնախնդիրը մնում է չլուծված, և տեսանելի ապագայում հազիվ թե այն արդարացի լուծում ստանա: Դարձյալ ստիպված ենք հույսներս դնել մեզ վրա՝ ունենալ ուժեղ պաշտպանական բանակ և հաստատակամորեն կերտել մեր պետականությունը:

88-ի փետրվարը մեզ անփոխարինելի դասեր է տվել, որոնք պարտավոր ենք ուղեմիջ դարձնել: Եվ դրանց մեջ ամենագլխավորը, թերևս, միասնության դասն է, որը երբեք և ոչ մի պարագայում չի փոխվում:

«ԼՍԱՐԱՐ»

## ԼՂՋՈՐԵՆ ՎԵՐԱԲԵՐՎԵԼ ԾՐԱԳՐԻՆ

ԼՂՀ կրթության և գիտության նախարար Սլավա Ասրյանի մոտ տեղի ունեցավ ընդլայնված խորհրդակցություն՝ նախարարության պատասխանատու աշխատողների, կրթության բաժնի վարիչների, «Պետական հանրակրթական ուսումնական հաստատությունների տնօրինություն» նորաստեղծ ՊՈԱԿ-ների տնօրենների մասնակցությամբ:

Օրակարգի առաջին հարցը Հայոց ցեղասպանության 100-րդ տարելիցին նվիրված՝ կրթության և գիտության բնագավառներում իրականացվելիք միջոցառումների մասին էր: Նախարարը նախ տեղեկացրեց պաշտոնական միջոցառումների մասին, որ նախատեսվում են Հայաստանում և Արցախում: Համահայկական այդ իրադարձությունը բարձր մակարդակով կազմակերպելու համար երկու հանրապետություններում ստեղծվել են պետական հանձնաժողովներ: Երևանում կանցկացվի միջազգային գիտաժողով, որին կմասնակցեն ներկայացուցիչներ տարբեր պետություններից: Ապրիլի 23-ին Մայր Աթոռ Սուրբ Էջմիածնում ժամը 16.00-ին կկատարվի Սրբադասման արարողություն: 19.15-ին հայկական եկեղեցիներում կդրվեն զանգերը: Հնչելու է հարյուր գարկ: Հայտարարվելու է լուսության բաժնի, որի ժամանակ կինչի «Հայր մեր»-ը: Ապրիլի 24-ին կկազմակերպվի տարբեր պետությունների պատվիրակությունների և բնակչության երթը դեպի Ծիծեռնակաբերդ:

Արցախում կազմակերպվող միջոցառումների շարքում կանցկացվի միջբուհական գիտաժողով ԱրՊՀ-ում, Ցեղասպանության թանգարանի տրամադրած լուսանկարների ցուցադրություն, համապատասխան մյուսեր կտրամադրվեն

նաև դպրոցներին: Նախատեսվում են գրական-երաժշտական երեկոներ (ցերեկոյեներ) ուսումնական հաստատություններում՝ մանկավարժների և աշակերտների մասնակցությամբ: Պետք է նախապատրաստական լուրջ աշխատանքներ տարվեն, որպեսզի դրանք լինեն հագեցած և նպատակային: Կանցկացվի Հարադրությունների մրցույթ՝ «Հարյուրամյա չափացող վերք» թեմայով: Լավագույնները կտպագրվեն «Լուսարար»-ում, որը նաև հատուկ համար կթողարկի:

Ինչպես հայտնի է, կառավարության որոշմամբ՝ մայրաքաղաքի, ինչպես նաև որոշ դպրոցներ շրջաններում դարձել են ՊՈԱԿ-ներ, իսկ գյուղերի դպրոցները միավորվել են ընդհանուր ՊՈԱԿ-ներում: Կրթության բաժնի վարիչները տեղեկատվություններ կայացրին գործընթացի մասին, պարզաբանվեցին հնարավոր խնդիրները, գործառույթները: Կրթության բաժնիները կզբաղվեն բացառապես կրթական հարցերով, ՊՈԱԿ-ները՝ ֆինանսատնտեսական: Կրթության բաժնիները հանդես կգան որպես լիազոր մարմիններ և կիրականացնեն ընդհանուր վերահսկողություն:

Առարկայական օլիմպիադայի հանրապետական փուլի և ուսուցիչների նախատեսավորման առաջիկա վերապատրաստման մասին հրահանգները ներկայացրեց ԿԳ վարչության պետ Ռ. Սուսայեյանը: Նախարարը հորդորեց այս օրերին ավելի կենտրոնացնել ուսուցիչների ու շաղկապող հանրապետական և եզրափակիչ փուլ անցած երեխաների հետ անհրաժեշտ աշխատանք տանելու և կավագույն արդյունքներ ապահովելու համար:

Փոխնախարար Մ. Համբարձումյանը տեղեկատվություններ

կայացրեց «dasarar.am» ծրագրի ընթացքի մասին: Ինչպես հայտնի է, ցանցին միացած են Արցախի 90 դպրոցներ: Ստեփանակերտի երեք դպրոցներ՝ հ.2, հ.5, հ. 12, ապահովում են 100, 3-րդ, 6-րդ, 10-րդ դպրոցները՝ 80-90 տոկոսյա արդյունքներ, Շուշիի շրջանի Քարինտակի, Քաշաթաղի շրջանի մի քանի դպրոցներում նույնպես առկա է 100 տոկոսյա արդյունք, իսկ մյուս դպրոցներում փոքր կարգով: Փոխնախարարի կարծիքով՝ ընդհանրապես չի կարելի որևէ դպրոցի արդյունք լավ համարել հ. 2 դպրոցի համեմատությամբ, որովհետև վերջինս տեխնիկապես լավ վիճակում է: Եթե այստեղ կարողանում են ապահովել գերազանց արդյունք, ապա ցանցին միացած ցանկացած դպրոց, որը տեխնիկապես հագեցած է, առավել ևս կարող է:

Նախարարը բաժնի վարիչներին խիստ զգուշացրեց դպրոցների նկատմամբ հետևողական լինել այս հարցում: «Սա ուսումնական գործընթացին օժանդակող ծրագիր է, և եթե չի կատարվում, նշանակում է պարտականությունները չեն կատարվում: Ինչու՞ դպրոցների մի մասը ծրագիրը կարողանում է կատարել 100 տոկոսով, իսկ մի մասը՝ ոչ: Սա անպատասխանատու վերաբերմունք է, և պատճառաբանություններն անհիմն են»: Նախարարը մեկ ամիս ժամանակ տվեց՝ գործընթացը կարգավորելու՝ շեշտելով, որ ամենից է հետևելու դրան: Դա հրաման է, և այն չկատարողները պատասխանատվության կենթարկվեն, ընդհուպ՝ կլինեն կարգային փոփոխություններ: Ս. Ասրյանը մի անգամ ևս պարզաբանեց ծրագրի նպատակը. նախ՝ ապահովվում է դպրոց-ծնող կապը: Յուրաքանչյուր դասղեկ պարտավոր է երեխայի ուսումնա-

կան արդյունքների մասին ծնողին տեղեկացնել: Կան դպրոցներ, որոնք դեռևս այդ ցանցի մեջ ընդգրկված չեն: Աստիճանաբար բոլորը կմիանան: Աշակերտների գնահատականները փոխանցելը այդ ծրագրի միայն մի մասն է: Ցանցը նաև ուսումնական ծրագրեր է պարունակում. որոնցից պետք է օգտվել: Ի վերջո, վաղ թե ուշ էլ են կարողանալ միմյանց և ներկայելու համակարգում, և դպրոցների հետ կապը այդ ձևով է իրականացվելու: Սկսածը հիմք է ծառայելու նորագույն տեխնոլոգիաներով հետագա աշխատանքների համար: Ետ մնացողների համար խնդիրների լուծման տարբերակները շարքից դուրս են գալիս:

Օրակարգը ներառում էր նաև այլ հարցեր, մասնավորապես՝ ուժեղացնել դպրոցականների կողմից կատարվող իրավախախտումների կանխարգելման աշխատանքները, ուշադրության կենտրոնում պահել շրջանավարտների մասնագիտական կողմնորոշումը: Մանկավարժական կոլեկտիվներին հանձնարարվեց աշակերտների հետ բացատրական աշխատանք տանել այդ ուղղությամբ, պարզաբանել մեր երկրի առաջնահերթությունները, թե ինչ մասնագետների կարիք կա: Խորհուրդ տվեց հատկապես նրանց խորհրդել կողմնորոշվել մանկավարժական մասնագիտությունների և ռազմական գործի ուղղությամբ, խրախուսել, որ լավ աշակերտները ընտրեն մանկավարժական մասնագիտություններ, ինչպես նաև գնան ռազմական ուսումնարաններ և բուհեր, հատկապես այս վերջինները շատերն ընտրեն, որովհետև մեր երկրի պաշտպանությունը ամենակարևոր հարցն է:

Սեփ.լրատվություն

## ՄԻՐԵԼ ՄԱՅՐԵՆԻՆ՝ ՆՇԱՆԱԿՈՒՄ Ե ՄԻՐԵԼ ՐԱՅՐԵՆԻՔԸ

Մայրենի լեզվի տոնի կապակցությամբ ԼՂՀ կրթության և գիտության նախարարության կողմից հունվարի 21-ից փետրվարի 21-ը ուսումնական հաստատություններում հայտարարվել էր միասնակ: Այդ շրջանակում անց են կացվել բազմաթիվ հետաքրքիր միջոցառումներ. բաց դասեր, պատի թերթերի, շարժարտությունների, ասմունքի, նկարչական մրցույթներ և այլն: Այդ օրերին հայոց լեզվի փառաբանումը, Սեծն Մեսրոպ Մաշտոցի քաղաքական ու մշակութային սխրանքի նշանակությունը հասցվել են մեծից մինչև փոքրի գիտակցությանը: Չորրորդ դարում հայ ժողովրդին պատուհասած մարտահրավերները, որոնց դեմ դուրս եկան Մաշտոցի 36 գիմնորները, այսօր էլ արդիական են և ավելի մեծ իմաստություն են պահանջում յուրաքանչյուրից:

«Լուսարար»-ում ներկայացվող մյուսերը հաստատում են այն բանի, որ մեր դպրանոցներում պատվով շարունակում են Հայերենի առաջին ուսուցիչի վեհ գործը:

## ԽՈՍԵԼ ՉԱՅԵՐԵՆ, ԱՊՐԵԼ ՉԱՅԵՑԻ



Մայրենի միջազգային օրը Արցախի մայր բուհում նշանավորվեց նրա երախտավորներից մեկի՝ Լեզվաբան Կարո Դավթյանի անվան հայոց լեզվի կաթինետի վերաբացումով: Ներկա էին ԼՂՀ կրթության և գիտության նախարար Սլավա Ասրյանը, փոխնախարար

Արմեն Սարգսյանը: Հայոց լեզվի և գրականության, օտար լեզուների ֆակուլտետի ղեկան Էլենոնրա Հայրապետյանը, շնորհավորելով օրվա առթիվ, նշեց, որ հայոց լեզվի և նրա մեթոդիկայի ամբողջ համակարգում մեծ դեր ունի մայրենի լեզվի ուսուցման, զարգացման և պահպանման գործում:

1969թ. երբ բացվեց մանկավարժական ինստիտուտը (հետագայում՝ համալսարան), ուներ երկու բաժին՝ հայոց լեզու և գրականություն ու մաթեմատիկա: Եվ

## ԻՄ ԲԱՐՁՐԱԲԱՌ ՉԱՅՈՑ ԼԵՉՈՒ

Այս խորագիրն էր կրում Ստեփանակերտի Ե. Չարենցի անվան հ. 7 հիմնական դպրոցի 5-րդ «դ» դասարանի ցերեկույթը, որը կազմակերպել էր դպրոցի հայոց լեզվի և գրականության մեթոդիկավորման նախագահ Նելլի



Մկրտչյանը: Ներկա էին մայրաքաղաքի դպրոցների փոխտնօրենները, հյուրեր, ծնողներ:

2

2

ՄԱՅՐԵՆԻ

ԽՈՍԵԼ ՀԱՅԵՐԵՆ, ԱՊՐԵԼ ՀԱՅԵՆԻ

1 Եվ զարմանալի չէ, որ առաջին օրից էլ այստեղ աշխատել են գիտնականներ Գուրգեն Անտոնյանը, Գուրգեն Բաղդասարյանը, Կարո Դավթյանը: Դեռ սկզբից էլ մայր բուհի գլխավոր առաքելությունը եղել է հայերենագիտության ուսումնասիրությունը և զարգացումը: Հայոց լեզվի և գրականության ամբիոնը քառորդ դար ղեկավարած, բանասիրական գիտությունների դոկտոր, պրոֆեսոր Սոկրատ Խանյանի բնորոշմամբ՝ Կարո Դավթյանը նրան ճանաչողների հիշողության և համալսարանի պատմության մեջ կմնա որպես Հայոց եղեռնի սարսափները տեսած, նրա ցավերը, ճիշերը հոգու մեջ առած, մաքառումների միջով դեպի գիտելիքների բարձունքը քայլող գիտնական-մանկավարժի, հայ մարդու, քաղաքացու խտացում: Նրա անունով հայոց լեզվի կաթինետը առաջին հերթին պատիվ է բերում համալսարանին: Բոլորի ցանկությունն էր, որ այդ կաթինետը դառնա և հայերենագիտության կենտրոն, և՛ դասախոսների, ուսանողների համար հաճելի վայր, որի պատերն էլ տրամադրում են ուսումնասիրություններ կատարելու, գիտությամբ զբաղվելու: Մնում է, որ այն հագեցվի ուսումնական նյութերով: Կարո Դավթյանի աշխատությունները նոր ճանապարհ են բացել առանձնապես Ղարաբաղի բարբառի ուսումնասիրության գծով: Նա կազմել է Ղարաբաղի բարբառի քարտեզը, որը նոր էջ է բացել այս ասպարեզում: Ներկաները համոզված էին, որ այժմ էլ ամբիոնը գտնվում է հուսալի ձեռքերում և ունի անհրաժեշտ ներուժ՝ հայերենագիտության զարգացման համար:



այդ սերը կարող է նրա առջև բացել մեր լեզվի անհատնուն ճիտությունը, նրա գեղեցկությունն ու նրբությունը՝ յուրաքանչյուր հայի կարգախոսը պետք է լինեն: Ասվածը, իհարկե, չի նսեմացնում այլ լեզուների իմացության արժեքը. համալսարանում մեծ տեղ է հատկացվում օտար լեզուների իմացությանը, քանզի ինչքան լեզու գիտես՝ այնքան մարդ ես իմաստախոսությունը խիստ արդիական է մեր օրերում, բայց ամեն դեպքում յուրաքանչյուր հայ պարտավոր է մտածել հայերեն, ապրել հայեցի: Իսկ Մայրենիի օրը որպես տոն մշտը կարևորվում է նրանով, որ մեկ անգամ ևս առիթ է լինում խոսելու մեր լեզվի կարևորության, նրա արժանիքների մասին, ինչու չէ՞ նաև արժանապատիվ առկա խնդիրները:

Մ. Մինասյանը պատվոգրերով պարգևատրեց բանասիրական գիտությունների թեկնածու, դոցենտներ Շ. Սարյանին և Ա. Ջաքարյանին: Պարգևատրության արժանացան նաև հայոց լեզվի և գրականության բաժնի ուսանողուհիներ Գ. Բաղդասարյանը, Ա. Բաղդասարյանը և Ա. Հարությունյանը (օտար լեզու):

Այնուհետև հայոց լեզվի և նրա մեթոդիկայի ամբիոնի վարիչ, բանասիրական գիտությունների թեկնածու, դոցենտ Հասմիկ Ղազարյանը ելույթ ունեցավ հայոց լեզվի՝ որպես հայի ինքնության պահպանման և մշտագոյության երաշխիքի և նրա անաղարտ

պահպանման հարցերի արժարժանով: «Ես ուզում եմ, որ մեր ժողովրդի մշակութային ժառանգության ամենամեծ և թանկագին հրաշալիքը՝ հայոց լեզուն, լինի ոչ միայն փառաբանման, գովերգման, հպարտության ու հիացմունքի առարկա, ինչին նա իսկապես արժանի է, այլև ոգեշնչի մեր ժողովրդին ազգային արժանապատվության, հայրենասիրության, հայապաշտության վեհ զգացումներով», -ասաց նա:

Լեզուն, հավատը ազգային ինքնագիտակցության, սեփական արժանապատվության պահպանման իրական ու գործուն դրսևորումներն են: Մեր լեզուն մեր գոյության հիմնասյունը լինելով՝ նաև մեր ազգային միաբանության կարևոր առնվազնային է: Այս գաղափարի օրենսդրական ու իրավական հիմքերը ստեղծվել են մեր անկախ պետության առաջին իսկ օրերից: Սակայն օրենսդրական նորմերի իրավախախտումները, ցավոք, դարձել են համատարած. սովորական են դարձել գրական լեզվի աղավաղումները, որոնք թափանցել են ինչպես լրատվամիջոցների, այնպես էլ հասարակության որոշ շերտերի և որ ավելի ցավալի է, մտավորականության լեզու: Բանախոսի կարծիքով, հարկավոր է գործուն միջոցներով ազդել նրա լեզվական ինքնագիտակցության վրա՝ այդ գործին ծառայեցնելով ողջ կրթական համակարգը, հեռուստահաղորդումների շարքերը, հրատարակային ելույթները, հանդիպումները, տարաբնույթ միջոցառումները: Լեզվի անաղարտության պահպանումը մի խումբ մարդկանց գործ է: Բոլորը պետք է շահագրգռություն ցուցաբերեն այս գործում՝ իրենց օջախներում բարի լույսը սկսելով հայերենով ու բարի գիշերը ավարտելով հայերենով: Եվ միայն այսպես անելու դեպքում հաջողություններ կունենանք հայերենի պաշտպանության, հայերենի իմացության համար պայքարում, որով էլ հասարակության յուրաքանչյուր անդամ իր ներդրումը կունենա հայապահպանության սուրբ գործում. այս գաղափարն էլ միջոցառման ընթացքում արժարժուն թե՛ հայերենի անխոջ մշակը, թե՛ ուսանողները՝ հնչեցնելով հայ և համաշխարհային դեմքերի մտքերը հայոց լեզվի մասին, բանաստեղծություններ, գեղեցիկ երգ ու պար՝ հանդիսատեսին հրապուրելով ոչ միայն մեր լեզվի շքեղությամբ, այլև իրենց հայեցի տեսքով:

Ս. ԽԱԶԱՏՐՅԱՆ

ՀԱՆՂԵՍ ՄԱՆԿԱՊԱՐՏԵԶՈՒՄ

Հայրենյաց պաշտպանի տոնի կապակցությամբ Ստեփանակերտի հ. 1 մանկապարտեզում կազմակերպվեց միջոցառում: Ներկա էին քաղաքապետարանի ԿՍ բաժնի վարիչ Կ. Մարգարյանը, ծնողներ և հյուրեր:

Միջոցառումը բացեց մանկապարտեզի տնօրեն Ժ. Ջաքարյանը՝ Հայրենյաց պաշտպանի օրվա կապակցությամբ շնորհավորանքի խոսքով: Այնուհետև դահլիճ մտան փոքրիկները՝ 3-4 տարիքային խմբի երեխաներ, որոնց մի մասը այս տարի արդեն



կիսաճախի դպրոց: Փոքրիկ եղգարի կոչով ներս բերվեց Արցախի դրոշը: Հնչեց Արցախի հիմնը, և դահլիճը հոտնկայս ձայնակցեց փոքրերին: Մանկապարտեզի սաները անկաշկանդ ու հարենասիրական ոգով արտասանեցին հայրենիքին ու հայրենյաց պաշտպանին նվիրված բանաստեղծություններ, դաշնամուրի նվագակցությամբ երգեցին ու պարեցին՝ երգի տողերում հավաստելով հայ մնալու կարևոր երաշխիքը՝ «Պիտի բարձր պահենք դրոշը հայկական»:

Միջոցառման ընթացքում փոքրիկ Ավետն ու Հայկը հիացրին իրենց գորավարժություններով՝ դրանով արտահայտելով հայ մարտիկի մարտական պատրաստվածությունը ու խիզախության առաքելությունը:

Միջոցառմանը իրենց մասնակցությունն ունեցան նաև ծնողներ Ա. Գրիգորյանն ու Ջ. Աղաբաբյանը, որոնք արագ ու ճիշտ ցուցադրեցին ինքնաձիգի քանդում-հավաքումը:

Միջոցառման ավարտին իրենց ամփոփ խոսքով հանդես եկան ԿՍ բաժնի վարիչ Կ. Մարգարյանը, ծնող Ա. Գրիգորյանը:

Մանկապարտեզի տնօրեն Ժ. Ջաքարյանը մշտ, որ միջոցառումը նպատակ ունի մանկապարտեզի սաների մեջ փոքրուց սերմանել հայրենասիրություն, խիզախություն և ընկերասիրություն: Վերջում նա բարենաղթանքի ջերմ խոսքեր հղեց բոլորին. «Ինքս եղբայր եմ կորցրել պատերազմի ժամանակ, ծնողներս չեն դիմացել այդ ցավին, ուստի կցանկանամ, որ հայ ազգը այլևս կորուստներ չկրի, ապրի խաղաղ ու երջանիկ»:

Հասմիկ ՀԱԿՈՒՅԱՆ

ԻՄ ԲԱՂՑՐԱԲԱՌ ՀԱՅՈՑ ԼԵՂՈՒ

1



Աշակերտները ցուցադրեցին Մաշտոցի ստեղծած երբևէ մեր ունեցած ամենաուժեղ զենքի ուժը, գեղեցկությունը, որը աճող սերնդին փոխանցելու համար ջանք ու եռանդ չեն խնայում հայերենի ուսուցիչները: Երեխաների շուրթերով ինքը իմաստությունն էր խոսում, որը թափանցեց բոլորի հոգիները՝ ներարկելով եռանդի լիցքեր, հավատ, հպարտություն: Մեր ժո-

ղովրդի հանճարի, հոգևոր գեղեցկությունները նրանք ներկայացրին ասույթների, ասմունքի, երգ ու պարի, փոքրիկ բեմականացման միջոցով:

Դպրոցի տնօրեն Անահիտ Պողոսյանը շնորհակալություն հայտնեց դպրոցականներին, միջոցառմանը օժանդակած անձանց, այդ թվում՝ ծնողներին, որոնք նպաստել են, որպեսզի երեխաները կարողանան դարերից եկած ու դեպի դարերը գնացող մեր հայ լեզուն այնքան գեղեցիկ ներկայացնել: Նման ոգով դաստիարակված սերունդը վաղը ավելի է շենացնելու մեր երկիրը, ավելի ամուր պաշտպանելու այն, ինչի առնվազնյան դպրոցում կազմակերպված մեկ այլ ոգեղեն միջոցառումն էր Հայրենյաց պաշտպանի օրվա կապակցությամբ՝ «Փոքրիկ զինվոր եմ հայոց բանակի» վերտառությամբ (բեմագրի հեղինակ՝ 2-րդ դասարանի դասվար Լիանա Սարգսյան): Հատկանշական է, որ այսօրվա մանուկը, համծին իրեն, տեսնում է

ապագա հայրենյաց պաշտպանին: Մեկի համար ոգեշնչման աղբյուր է Մոնթե Մելքոնյանը, մյուսի համար՝ Աշոտ Բեկորը, Պետոն կամ մեկ այլ հերոս, պարզապես՝ իր պապը, հայրը, հարազատը: Վաղվա հայրենյաց պաշտպանները, որոնք սովորում են դպրոցում, գիտակցում են, որ հայրենյաց պաշտպանը նա է, ով իր գիտակցական կյանքը լիովին նվիրում է հայրենիքի



բարգավաճմանը, հայրենի հողի, հայրենի տան շենացմանը, պետականության կայացմանը, իսկ առայժմ իրենց խնդիրն է լավ սովորել, սիրել մայրենին, հայրենիքը:

Տնօրեն Ա. Պողոսյանը շնորհակալություն հայտնեց երեխաներին և ուսուցչուհուն՝ խրոխտ, հպարտություն առաջացնող միջոցառման համար: Իսկ պատվավոր հյուր, դպրոցի շեֆ գործառնախ հրամանատար պարոն Գաբրիելյանն ասաց, որ խոսքեր չի գտնում ասելու երեխաներին, որովհետև դրանք ավելորդ են, քանզի մանուկները իրենց փոխաբերեն ասացին ամեն ինչ՝ ինչ է սերը հայրենիքի նկատմամբ, ով է հայրենյաց պաշտպանը: «Տեսնելով այս մանուկներին՝ կարող եմ հավաստիացնել, որ մեր ժողովուրդը եղել է, կա ու կլինի՝ շնորհիվ այսպիսի սերնդի», - ասաց նա:

Ծնողական կոմիտեի նախագահը շնորհակալություն հայտնեց ուսուցչուհուն՝ իրենց երեխաների մեջ հայրենասիրություն սերմանելու համար:

Ս. ՎԱՐԻՆԵՅԱՆ

ՀԱՐՑԱԶՈՒՅՑ

ԼԵՂՈՒՆ ԵՎ ՄԵՆՔ



Հունվարին լրացավ ԼԴԴ կրթության և գիտության նախարարության լեզվի տեսչության գործունեության տասնամյակը: Արդեն 10 տարի Արցախում գործում է մի տեսչություն, որն իրականացնում է օրենքով իրեն վերապահված վերահսկողական գործառնություններ և կիրառում պատասխանատվության միջոցներ լեզվական քաղաքականության հարցազրույցի հրավիրեցին ԼԴԴ կրթության և գիտության նախարարության լեզվի տեսչության պետ, բանասիրական գիտությունների թեկնածու, դոցենտ Արտակ ԴՈՒՅԱՆԻ:

- Պարոն Դուլյան, նախ թույլ տվեք շնորհավորել Ձեզ՝ Լեզվի տեսչության տասնամյակի, Փետրվարի 21-ի՝ Մայրենի միջազգային օրվա առթիվ, և տալ առաջին հարցը: Գիտե՞մ, որ Լեզվի տեսչության նպատակներն ու խնդիրները շատ են ու բազմազան, սակայն գլխավորներից որո՞նք կառանձնացնե՞իք:

-Կցանկանայի առանձնացնել դրանցից երկուսը. հանրապետությունում լեզվի բնագավառում միասնական քաղաքականության իրականացում և «Լեզվի մասին» ԼԴԴ օրենքի և լեզվական քաղաքականության վերաբերյալ այլ իրավական փաստաթղթերի պահանջների կատարման ապահովում:

Ամեն տարի, համաձայն Կրթության և գիտության նախարարի հաստատած պլանի, տեսչությունը պարբերական ստուգաչիքի միջոցով իրականացնում է պետական կառավարման և տեղական ինքնակառավարման մարմինների կողմից պետական լեզվական քաղաքականությունը, կրթական համակարգում՝ դասավանդման և դաստիարակության լեզվի՝ գրական հայերենի գործածության, միջին և բարձրագույն մասնագիտական ուսումնական հաստատություններում՝ հայոց լեզվի ընդունելության քննության և հայոց լեզվի ուսուցման պարտադիր, գործավարությունը հայերեն կատարելու, ցուցանակները, ձևաթղթերը, դրոշմանիշները, մասնականիշները, կնիքները, միջազգային փոստային ծրարները, գովազդները հայերեն ձևավորելու, իսկ անհրաժեշտության դեպքում՝ դրանք այլ լեզուներով կազմակերպելու, գրական հայերենի կանոնարկումը վերաբերող գերատեսչական

նորմատիվ ակտերի պահանջների կատարումը և այլն:

Տեսչության 10-ամյա գործունեության արդյունավետության մասին գնահատականները թողնենք հասարակությանը, բայց միաժամանակ արժանիք պետք է մատուցել. այսօր հանրապետության տարածքում գործող հիմնարկ-ձեռնարկությունների, ուսումնական հաստատությունների, առևտրային օբյեկտների գործավարության, ցուցանակների, գովազդային վահանակների, տարաբնույթ հայտարարությունների գրական հայերենով ձևավորման գործում մեծ է Լեզվի տեսչության ներդրումը: Միաժամանակ ձեռք ենք բերել տնտեսվարողների և հասարակության տարբեր խավերի ներկայացուցիչների վստահությունը: Նրանցից շատերը տարիներ ի վեր համագործակցում են մեզ հետ, տեսչության հեռախոսային թեժ գիծը հնարավորություն է ընձեռում անընդհատ տալ մեր քաղաքացիների՝ լեզվական խնդիրների կարգավորմանը վերաբերող հարցերի պատասխաններ և այլն:

-Ինչպիսի՞ն կգնահատե՞իք մայրենի պահպանման դրվածքը Արցախում:

- Եթե լեզուն ընդունված է համարել հասարակության հաղորդակցման հիմնական և կարևորագույն միջոց, ապա հայերիս համար լեզուն առաջին հերթին եղել է ինքնուրույն պահպանման գործում: Հայոց լեզուն հայ ազգի հոգեբանությունն է, հայ ցեղի առասպելական պատմությունն ու բազմադարյա հարուստ մշակույթը:

Հիշու՞մ եք՝ ինչպես էր բնութագրում հայոց լեզուն Հրանտ Մաթևոսյանը. «Մեր լինելիության, գոյության անժխտելի պայմանն է լեզուն: Աշխարհի քարտեզի վրա ու երկրի հսկա տարածքում գրաված իրենց մի պտտիկ տեղը, դարերի ճակատին գրած հայ ու Հայաստան անունը այս փոքրիկ հողն ու ժողովուրդը նվաճել են լեզվով: Լեզուն ապրելու ձև է, լեզուն աշխարհ է, սնունդ ու պայքարի միջոց, ինքնարտահայտման ու ինքնադրսևորման եղանակ»: Որքան՞ դիպուկ է մասված: Այսօր Արցախում մայրենի ոչ միայն պահպանման, այլև պաշտպանության մասին է անհրաժեշտ խոսել: Երկրի գլխավոր օրենքով՝ Ասիմանդոկությունը, և «Լեզվի մասին» է մայր օրենքներով հանրապետությունում պետական լեզուն հայերենն է, բայց, չգիտես ինչու, ազատ ու անկախ ապրելու իրավունքը նվաճելուց հետո մենք մեր լեզվի հանդեպ չցուցաբերեցինք այն սերն ու հոգատարությունը, ինչը ըստ ամենայնի աղբյուրաբանական 70-ամյա լծի տարիներին յուրաքանչյուր արցախցու երազանքն էր: Միանգամայն իրավացի էր բանաստեղծը. «Լեզուն ազգի հոգին է: Կենդանի է այդ հոգին, կենդանի է ազգը, կենսունակ է առաջինը, ուրեմն կենսունակ է և երկրորդը»:

Հայոց լեզուն Արցախում, հատկապես մեր օրերում, անհրաժեշտ է դիտել որպես հայապահպանության գլխավոր երաշխիք, այն մեր ինքնության ողնաշարն է: Իհարկե, թե դա միայն ԿԳՆ լեզվի տեսչության խնդիրն է: Լեզուն բոլորիս է և յուրաքանչյուրիս, հետևաբար, մեզանից յուրաքանչյուրը պարտավոր է գիտակցել լեզվի դերը իր իսկ կյանքում, պարտավոր է սիրել ու փայլալից մայրենի լեզուն: -Կա՞ն ուսումնասիրություններ, թե որ բնագավառներում են առավել շատ խախտվում «Լեզվի մասին» ԼԴԴ օրենքի պահանջները: -Օրինակ՝ մի քանի ամիս առաջ մայրաքաղաքի ներքաղաքային ավտոբուսներում մեծ տառերով գրված էր. «Ուղևորվարձը՝ 100 դրամ»: Մեր դիտողությունից հետո պատասխանատուները անմիջապես ուղղեցին սխալը, և այսօր արդեն ուղևորները մուծում են ոչ թե ուղևորվարձ, այլ ուղեվարձ: Առաջին հայացքից այնքան էլ մեծ թերություն չէ, սակայն հաշվի առնելով, որ տրանսպորտից ամեն օր, ամեն ժամ օգտվում են հասարակության տարբեր խավերի ներկայացուցիչներ, ինչպես նաև մեծ թվով դպրոցականներ, սխալ բառը սխալ էլ տպավորվում է նրանց հիշողության մեջ, բնականաբար, այս համատեքստում չեն լինում մեծ ու դառ սխալներ: Օրինախախտումը փոստատարված է վերացնելու, հակառակ պարագայում դիմում ենք օրենքով նախատեսված միջոցների:

Հիմնական օրինախախտումները կատարում են տնտեսվարող սուբյեկտները՝ ցուցանակները կամ լուսանկարները ձևավորելով ոչ հայերեն, ինչն էլ, իր հերթին, հիմնականում պայմանավորված է իրավական փաստաթղթերի կամ մայրենի լեզվի չիմացությամբ: Լեզվի տեսչության մասնագետները անընդհատ գործնական աշխատանքներ են տանում տնտեսվարողների հետ, բացատրում, տալիս պարզաբանումներ ոլորտ կարգավորող օրենքների և որոշումների վերաբերյալ: Հայերեն չիմացող քաղաքացիների համար տեսչությունը ամեն տարի կազմակերպում է «Հայերենը՝ ոչ հայախոսների համար» երանման դասընթացները, որոնք, ի դեպ, անվճար են. բոլոր ծախսերը հոգում է կրթության և գիտության նախարարությունը:

-Ինչքանո՞վ է խստապահանջ Լեզվի տեսչությունը: Պատժողական ի՞նչ քաղաքականություն եք վարում խախտողների նկատմամբ: -Փորձը ցույց է տալիս, որ տնտեսվարողների հանդեպ բարոյական ճնշումն ավելի արդյունավետ է, քան ֆինանսական տույժերը: Խանութի սեփականատերը «скупил»-ն փոխելով «զեղչ»-ի, միևնույն է, մնում է «скупил»-ի հարթությունում: Մեր խնդիրը նրան տուգանելը չէ, այլ թույլ չտալ հեռանալ հայի իր ինքնությունից: Մենք

նրան բացատրում ենք, որ մեր լեզուն իր էությանը աստվածային է, որ պետք է սիրել այն և որ մարդու մակարդակը օտարահունչ բառերով խանութ գարդարելով չի որոշվում, և ամենակարևորը, օտարամոլությունը բերում է ստրկամտության, իսկ ստրկամտությունն ոչ ոք չի սիրում: Եվ նրանք վերացնում են սխալը, շտկում թերությունը:

-Բարբառը խանգարում, թե՞ նպաստում է լեզվի ամառադարձության պահպանմանը:

-Եթե խոսքը վերաբերում է Արցախի բարբառին, ապա այն միանշանակ խթանիչ դեր ունի մայրենին ճանաչելու գործում, քանի որ գրաբարի ժառանգորդը լինելու և տարածքի՝ տարբեր ժամանակներում մեկուսացված մնալու հանգամանքներով պայմանավորված՝ այն հավատարիմ է մնացել իր մայր լեզվի ավանդույթներին: Բայց մայրենին աղավաղողը ոչ թե բարբառն է, այլ ժարգոնը, գեղեկաբանությունը, շատերի՝ օտար աղճատված բառերով համեմատված բառապաշարը: Դա, ըստ էության, պետք է հատուկ լիներ միայն ցածր խավի մարդկանց, սակայն հաճախակի ենք լսում նաև ուսանողներից, մուլտիմեդիա մտավորականներից, հեռուստատեսության եթերից, ինչը անթույլատրելի է: Բերենք մի փոքր հատված այդ «բառապաշարից». պացանըս սվերում ա շեստոյ շկոլըմը, պայտոյ կլասումը, պախատ ընթանում, յավաշ-յավաշ, դորրի, նաաբարոտ, սամնիտելնի և այլն: Մեր և երկրի ապագայով մտահոգվածների պայքարը պետք է լինի լեզուն աղավաղողների դեմ, մեր ազնվական լեզուն այս անճոռնիություններից մաքրելու համար:

-Լեզվական խախտումների ամենամեծ հարթակը, թերև, մասնուն է: Պարբերաբար հետևո՞ւմ եք արցախյան տպագիր մամուլի հրապարակումներին ու եթերային թողարկումներին:

-Հետևում ենք: Վերջին տարիներին մամուլում աղավաղող թերություններ չեն արձանագրվել: Լրագրողները, ըստ ամենայնի, տիրապետում են գրական հայերենին: Հիմնական խախտումները կատարում է Արցախի հանրային հեռուստառադիոընկերությունը: Եվ «Լեզվի մասին» և՛ «Հեռուստատեսության ու ռադիոյի մասին» ԼԴԴ օրենքներում հստակ գրված է, որ եթերի լեզուն հայերենն է, սակայն հեռուստատեսության եթերում հաճախակի կարող ենք տեսնել լրագրողի հարցերի ռուսերեն պատասխանող հյուրի, ցուցադրվում են ռուսերեն ֆիլմեր և այլն: Պատասխանատուները խստացել են կարծ ժամկետում վերացնել թերությունները, սակայն դեռևս նրանց կողմից գործնական քայլեր չեն նկատվում:

-Ի՞նչ միջոցառումներ է իրականացնում Լեզվի տեսչությունը Մայրենի օրվա կապակցությամբ: -Ամեն տարի հունվարի 21-ից փետրվարի 21-ը ԿԳՆ լեզվի տեսչությունը հայտարարում է Մայրենի

միանշանակ: Բոլոր ուսումնական հաստատությունները Մայրենի օրվան նախապատրաստվում են յուրովի: Այս տարի Լեզվի տեսչությունը որոշել է «Մայրենին և մենք» թեմայով դասախոսություններով հանդես գալ նախարարությունների և գերատեսչությունների աշխատակիցների առջև: Միայն այս ամսում արդեն հասցրել ենք մեկ տասնյակ հանդիպում ունենալ: Հանդիպումների ընթացքում պարզաբանվում են լեզվական խնդիրների կանոնարկումը ապահովող նորմատիվ փաստաթղթերը, հայոց լեզվի ծագմանն ու զարգացմանը վերաբերող հարցեր, հայերեն բառերի և դարձվածքների ճիշտ գործածության, ուղղախոսության և ուղղագրության հետ կապված խնդիրներ: Մանրամասնվում են նաև գործնական գրությունները ճիշտ ձևակերպելու եղանակները:

Հանրային կյանքի բոլոր ոլորտներում պետք է զգացվի հայերենի ի գերակա դերը:

-Մայրենի օրվա առթիվ ի՞նչ կմարտնչեք մեր ընթերցողներին:

-Ինչպես գիտե՞մ, Մայրենի լեզվի միջազգային օրը հավերժացնում է այն քաղաքական պայքարը, որը մղվել է վաթսուներեք տարի առաջ թեմալեռնա առանձին լեզու ճանաչելու համար: 1952 թվականին Դաքայում ուսուցիչների կրակոցներից սպանվեցին բազմաթիվ ուսանողներ, ովքեր դուրս էին եկել բողոքելու ուրդուն միակ պետական լեզու ճանաչելու կառավարության որոշման դեմ: Ի հիշատակ այդ պայքարի՝ 1999 թվականից ի վեր ՅՈՒՆԵՍԿՕ-ն նշում է Մայրենի լեզվի միջազգային օրը, իսկ 2008 թվականը հռչակել է Լեզուների միջազգային տարի:

Այս պատմությունը շատ բան կարող է հուշել օրվա խորհրդի և նշանակության մասին: Մարդիկ պայքարել են իրենց լեզվի համար, մարդիկ գոհվել են լեզվի համար, որը ցանկանում էին իրենցից խլել: Այսօր ոչ ոք մեզանից չի խլում մեր լեզուն, բայց մենք հոժարական լքում ենք նրան, օտարվում նրանից: Ամեն անգամ հայերեն բառերի փոխարեն օտար բառեր գործածելով՝ մենք անտեսում ենք ինքներս մեզ, մենք նվաստացնում ենք մեզ, տեղ տալով օտար բառին, օտարին՝ հիմքեր ենք ստեղծում՝ հեռանալու ինքներս մեզանից, ստեղծում ենք մեր հայրենիքում մեզ օտար զգալու նախադրյալներ:

Եկեք սիրենք մեր լեզուն, մեր ազնվական լեզուն, որը կատարյալ է, աստվածային մի պարզ և աներևակայելի գաղտնիքներով լեզուն, այն լեզուն, որ մեր անվտանգության գլխավոր երաշխավորն է, գլխավոր Ազգապահպանն ու Հայակերտողը:

Հարցազրույցը վարել է Ալեքսանա ԽԱՉԱՏՐՅԱՆԸ

ՄԵՐ ԼԵՂՈՒՆ ՄԵՐ ԽԻՂՆ Ե ՌԻ ՀԱՅՔ ՄԵՐ ՄԵՂԱՆԻ

Քաղաքադի շրջանի Տիգրանավանի Պ.Ղևոնդյանի անվան միջնակարգ դպրոցում տեղի ունեցավ միջոցառում՝ նվիրված Մայրենի միջազգային օրվան: Դպրոցի հայոց լեզվի և գրականության ուսուցչուհի Մ.Սեդրակյանը կազմակերպել էր գրական-երաժշտական ցերեկույթ՝ Պ.Խաչատրյանի «Ասք Մետրոպ Մաշտոցի» պոեմի նուտիվներով: Դահլիճը ձևավորված էր մայրենի մասին ասույթներով, բանաստեղծական տողերով, հայոց այբուբենի տառերով և, իհարկե, Մեծն Մաշտոցի նկարով: Դահլիճը լեփ-լեցուն էր ուսուցիչներով, ծնողներով, հյուրերով, աշակերտներով: Միջոցառմանը մասնակցում էին դպրոցի 35 աշակերտները և համայնքի 9 նախադպրոցական տարիքի երեխաներ: Միջոցառումն սկսվեց «Առավոտ լուսոյ» պատարագով: Նրա



հնչյունների ներքո ներս մտան Մաշտոցի «36 զինվորները»՝ 36 աշակերտներ՝ իրենց գլխին կրելով հայոց տառերով թագեր: Նրանք Մաշտոցի նկարի մոտ մոմեր վառեցին, որից հետո ավագ դասարանի աշակերտները ծաղիկներ դրեցին մեծ ուսուցչի նկարի մոտ: Ապա 11-րդ դասարանի աշակերտները ամուսնացան: Չորրորդ դարի երկինքը սև Հանկարծ մի պահ ծիածանվեց, Հրաշափայլ հենց այդ պահին Հայոց հողում Մաշտոց ծնվեց: Աշակերտները ներկայացրին Մաշտոցի կյանքն ու գործը, նրան փառաբանեցին մեծ բանաստեղծների խոսքերով: Այնուհետև ներս մտավ «Մաշտոցը», խոսեց իր գավակների հետ, պատվիրաններ տվեց հայոց տառերին:

Ա-Ազատություն դարձիր, կյանքում, Բ-Ղու, բարություն դարձիր, որդիս, Զ-Քերթող դարձիր շնորհաշատ... Այնուհետև բոլորը միասին արտասանեցին այբ, բեն, գիմ-ը և երգեցին «Հայերեն երգենք» երգը: Միջոցառման վերջում ելույթ ունեցավ փոխտնօրեն, հայոց լեզվի և գրականության ուսուցչուհի Մ.Սեդրակյանը և մայրենի լեզուն անադարտ պահելու ու պահպանելու կոչ արեց: Գրադարանավարուհի Յ.Չաթոյանը նախադպրոցական տարիքի երեխաներին հեքիաթների գրքեր նվիրեց, իսկ տնօրեն է.Միլոզյանը թե՛ կազմակերպիչներին և թե՛ մասնակիցներին հայտնեց իր խորին շնորհակալությունը:



ԸՆԹԱՅ

ԱՄՓՈՓՎԵԼ ԵՆ «ՌՈՒՍԱԿԱՆ ԱՐՋՈՒԿ» ԵՎ «ՄԵՂՈՒ» ՄՐՅՈՒՅԹՆԵՐԻ ԱՐԴՅՈՒՆՔՆԵՐԸ

«Այբ» կրթական հիմնադրամը հերթական մրցանակաբաշխությունն անցկացրեց Արցախում: Փետրվարի 13-ին, ժամանակացույցի համաձայն, Ստեփանակերտի Ա. Գրիբոյեդովի անվան հ. 3 միջնակարգ դպրոցում տեղի ունեցավ հիմնադրամի կողմից անցկացվող «Ռուսական արջուկ» և «Մեղու» մրցույթների արդյունքների ամփոփումը և մրցանակների հանձնման արարողությունը, որն իրականացրեց «Այբ»-ի դպրոցական միջազգային մրցույթների ծրագրի ղեկավար Շուշան Կարապետյանը: Դահլիճում հավաքված դպրոցականներին, ուսուցիչներին, ծնողներին ողջունեց ԼԳՀ կրթության և գիտության փոխնախարար Սիջայել Զամբարձունյանը: Ընդհանրապես մրցանակակիր դպրոցականներին՝ նա բարի երթ և հաջողություններ մաղթեց նրանց գիտելիք փնտրելու, գիտելիքին ձգտելու ճանապարհին և լինել միշտ առաջավոր:

Ծրագրի ղեկավար Շուշան Կարապետյանը երեխաներից ոմանց արդեն դեմքով և անուններով է ճանաչում: Եվ դա պատահական չէ: Նրանցից շատերը մասնակցել են նաև «Կենդուրու»-ին, որը «Այբ»-ի առաջին մրցույթներից է և այս տարի 6-րդ անգամ կանցկացվի: «Ռուսական արջուկը» անցկացվեց 4-րդ անգամ, իսկ «Մեղուն»՝ հայերենը բոլորի համար, առաջին անգամ էր: Այս բոլորը միջազգային մրցույթներ են: Ինչպես հայտնի է, դրանք ամեն տարի, հատուկ օր, անցկացվում են տարբեր երկրներում՝ մի քանի միլիոն երեխաների մասնակցությամբ: «Մեղուն», որ տեղական մրցույթ է՝ «Այբ»-ի նախաձեռնությամբ ստեղծված, Շ. Կարապետյանի խոսքով, նույնպես հավակնուն է դառնալ միջազգային: Հիմնադրամի հեռահար ծրագրերում նախատեսված է հնարավորություն տալ այս մրցույթին մասնակցելու նաև արտերկրում ապրող երեխաներին՝ ոչ

միայն հայազգի, այլև հայերեն իմացողներին ու այս այս մրցույթին մասնակցել ցանկացողներին:

Ծրագրի ղեկավարի տեղեկատվությամբ՝ «Այբ»-ը առայժմ 4 մրցույթ է անցկացնում (նաև՝ «Պատանի քիմիկոսներին»), ծրագրում են նաև այլ մրցույթներ՝ նպատակ ունենալով ներգրավել Արցախը: Դրա համար նաև պաշտոնական



համագործակցության համաձայնագիր կա ԼԳՀ կրթության և գիտության նախարարության հետ 2009 թվականից, և Արցախը շատ ակտիվ մասնակցում է «Այբ»-ի մրցույթներին՝ «Կենդուրու», «Ռուսական արջուկ» և արդեն՝ «Մեղու»: Շ. Կարապետյանը հուսով է, որ մի օր Արցախը մեծ հաջողությամբ կմասնակցի նաև «Պատանի քիմիկոսներ» մրցույթին, որն իր ձևաչափով տարբերվում է մյուսներից: Այս թիմային մրցույթ է՝ նախատեսված բարձր դասարաններում սովորողների համար: Մյուսը՝ «Այբաբ» ծրագիրն է, որով հիմնադրամի կողմից ուսումնական առարկայական լաբորատորիաներ են նախա-

գծում և հիմնում տարբեր դպրոցներում: Երևանի ֆիզմաթ դպրոցում են ստեղծել ֆիզիկայի և քիմիայի լաբորատորիաներ, նաև՝ Քաջարանում, Վաղարշապատում, Բերդում:

Շ. Կարապետյանը տեղեկացրեց նաև «Այբ» ավագ դպրոցի մասին, որը մեկնարկել է «Այբ» դպրոցում և բոլորի առաջ դրձերը բաց են՝ անկախ բնակության վայրից, ովքեր կհամապատասխանեն ներկայացվող պահանջներին:

Սնդրադառնալով մրցույթներին՝ Շ. Կարապետյանը նշեց, որ դրանք մեծապես խթանում են երեխաների հետաքրքրությունը և սերը տվյալ առարկաների նկատմամբ: Իսկ այն, որ դրանք անցկացվում են անմիջապես երեխայի դպրոցում՝ նրա համար հարազատ միջավայրում, մրցույթները դարձրել են զանգվածային: «Կենդուրու»-ի և «Մեղու»-ի պարագայում 3-12-րդ դասարանցիները կարող են մասնակցել, իսկ «Ռուսական արջուկ»-ին՝ 2-12-րդ դասարանների երեխաները՝ իհարկե, տարիքային տարբեր խմբերով: Առաջադրանքների լուծումը հիմնականում տրամաբանությամբ է պահանջում: Դրանք օգնում են բացահայտելու երեխաների ներուժը:

«Մեղուն» թեպետ առաջին անգամ էր անցկացվել, մասնակիցների թվով գերազանցեց մյուս մրցույթները: Մասնակցել են 44 411 դպրոցականներ՝ Զայաստանի և Արցախի 961 դպրոցներից:

8010 մասնակից է ունեցել «Ռուսական արջուկը», 290 դպրոց՝ Զայաստանից, 12 դպրոց՝ Արցախից (Ստեփանակերտից): Զիմնականում ընդգրկվել են քաղաքային դպրոցների սովորողները, քանզի կազմակերպչական տեսանկ-

յունից բավական բարդ է աշխարհագրական մեծ տարածքներ ընդգրկելը, սակայն սեփական նախաձեռնությամբ ցանկացողները կարող են միանալ մրցույթին, ինչպես Մարտակերտի շրջանի Առաջաձորի և Քաջաբաղի շրջանի մոտ 10 գյուղական բնակավայրերի դպրոցներն են արել:

«Ռուսական արջուկ»-ի մասնակիցներից 410-ը դարձել են մրցանակակիրներ, որոնցից 146-ը արձանագրել են լավագույն արդյունք: Արցախից կա 14 մրցանակակիր, որոնցից 3-ը (հ. 3 դպրոց)՝ լավագույն արդյունքներով: Շ. Կարապետյանն ակոսասանք հայտնեց, որ 5 տարի է՝ Զայաստանում, 4 տարի՝ Արցախում անց են կացնում «Ռուսական արջուկը», դեռ հաղթող չունեն, բայց վստահ է, որ մի օր կունենան: Նշեց, որ հաղթող են համարվում այն երեխաները, ովքեր բոլոր առաջադրանքները լուծում են ճիշտ:

«Մեղու»-ին Արցախից մասնակցել են 25 դպրոցների սովորողներ, մայրաքաղաքի 13 դպրոցների աշակերտներից բացի՝ ևս 12 կրթօջախների երեխաներ շրջաններից: Ընդհանուր մասնակիցներից 1392-ը դարձել են մրցանակակիրներ, որոնցից 709-ը լավագույն արդյունք են արձանագրել, այսինքն՝ հաղթահարել են նշված շենը: Այս մրցույթում կան երեք հաղթողներ՝ բոլորն էլ Զայաստանից: Իսկ լավագույն արդյունքներ Արցախից դարձյալ ունեն երեք հոգի՝ Ստեփանակերտի հ. 1 հիմնական, հ. 8 ավագ և Բերձորի հ. 1 դպրոցներից: 26 հոգի արժանացել են հատուկ մրցանակի:

Լավագույն արդյունքներով դպրոցականներն արժանացան դիպլոմի և մրցույթի պատկերանշանով նվերների: Բոլոր դպրոցները և մասնակիցները ստացան հավաստագրեր: Զատուկ մրցանակների արժանացան բոլոր դպրոցների ամենաբարձր արդյունքներ ցուցաբերած երեխաները:

Ս.ԽԱԶՄՅԱՆ

«ԸՆՅՐԵՆԱՍԻՐՈՒԹՅՈՒՆԸ ՄԿՍԿՈՒՄ Է...»

Չայրենապաշտական դաստիարակություն. ահա՛ մեր փրկության խարխիլը...

Գարեգին Նժդեհ

Օրերս Մարտունու հ. 1 միջնակարգ հոսքային դպրոցում «Քաղաքացիական նախաձեռնությունների կենտրոն» հասարակական կազմակերպության շրջանի նախաձեռնող խմբի կողմից անցկացվեց «Չայրենասիրությունը սկսվում է...» թեմայի քննարկում, որին մասնակցում էին դպրոցի բարձր դասարանների աշակերտներ, հրավիրված էին կազմակերպության նախագահ Ալբերտ Ոսկանյանը, դպրոցի գինղեկ Արամ Խաչատրյանը: Քննարկումը վարում էր նախաձեռնող խմբի անդամ, նշված դպրոցի պատմության ուսուցչուհի Քնար Բաղդասարյանը:

Այս հանդիպում-քննարկումը պատահականություն չէր: Ժամանակաշրջանն իր հրամայական ունի. այն է՝ ամուր կապերով կառչել մայր հողին և միշտ լինել սեփական ժողովրդի հետ: Բազմաթիվ մեծ ու փոքր փորձությունների ենթարկվող մեր ժողովրդի համար ավելի քան կարևոր է միշտ լինել տոկոս, զգոն և միասնական: Այս ամենի համար ամենակարևորը հայրենասիրությունն է. այն միշտ եղել ու մնում է մեր բոլոր հաղթանակների ու ձեռքբերումների գրավականը: Չայրենիքի հանդեպ սերը մարդու մեջ սերմանվում է իր ծնված օրից, ուստի անչափ կարևոր է, որ այն կազմակերպվի ճիշտ ժամանակին, և շրջապատում լինեն արժանի օրինակներ: Բարեբախտաբար, մեր պարագայում երկուսի առկայությունն էլ կա: Մեր երեխաների հետ տարվող աշխատանքը միայն կարող է լինել վաղվա պատանուության երաշխիք: Զրույցի հիմնական նպատակն էր՝ երեխաներին լսել, իմանալ նրանց կարծիքները, քննարկել թեմա, որի մասին այնքան շատ է խոսվում, բայց միշտ մնում է արդիական և հոգեհարազատ:

Միջոցառման սկզբին Ք.Բաղդասարյանը, հայրենասիրության կարևորությունը ընդգծելով, ասաց. «Չայ մարդու առաջին արժանիքն է հայրենասիրությունը: Իր բազմադարյա ողջ պատմության ընթացքում հայ ժողովուրդը դրսևորել է հայրենասիրության փայլուն օրինակներ՝ սկսած Զայկի ժամանակներից, Ավարայրից, մայիսյան հերոսամարտերից, որոնց մասնակիցները մեկ անգամ ևս պայքարեցին եղեռնագրակ եղած հայ ժողովրդի լինելիության իրավունքը: Եվ, վերջապես, նորոյա ազգային ազատագրական շարժումը Արցախում, երբ դարեր նրիհած, ազատության տենչից ծնված հավատը պարզվեց որպես դրոշ, որի շուրջը համախմբվեց հայ ժողովուրդը, և իրականու-

թյուն դարձավ շքեղ ու հեռավոր մի երագ, որին այն ժամանակ ամենահանդուգն ու խենթ հոգիներն անգամ չէին հավատում: Անկախացավ Արցախը: Փույթ չէ, որ մեզ իրավաբանորեն չեն ճանաչում, իրականում կանք, և հեռու չէ այն պահը, երբ աշխարհը կճանաչի մեզ»:

Քննարկման թեման հայրենասիրությունն էր, մարդկային արժանիք, հատկանիշ, որով Աստված այնքան շռայլորեն օժտել է հայ ժողովրդին, հատկանիշ, որը հայ ժողովուրդը դրսևորեց այս վերջին ամիսներին՝ դարաբաղաարդրեջանական շփման գծում անօրինակ հերոսություն և սխրամբ ցուցաբերելով:

Թեմայի քննարկումը սկսվեց մտղեխյան այս խոսքերով. «Չայրենիքը ապրում է հայրենասիրությամբ և կործանվում դրա պակասից»:

«Երբ գինղըրը զգում է հասարակության սերն ու ուշադրությունը, երբ հասկանում է, որ դիրքում մեմակ չէ, որ ինչ կատարում է, անչափ կարևոր է, այն ավելացնում է նրա ուժն ու եռանդը: Յուրաքանչյուր մարդու մեջ արմատավորված է հայրենիքի հանդեպ սերը, և երբ հասունանում է պահը, այն երևան է գալիս և զգացնում իրեն: Յուրաքանչյուր մարդ, լինի կին թե տղամարդ, փոքր կամ հասուն տարիքի, հայրենիքի պաշտպան է, այդպիսին պիտի իրեն զգա ամեն ոք և պարտավորված լինի իր ներդրումն ունենալ սեփական երկրի, ժողովրդի անկախության, պաշտպանության հարցում»,- նշեց դպրոցի գինղեկը:

Երեխաները թեմայի քննարկմանը բավական ակտիվ էին մասնակցում:

«Չայրենիքի հանդեպ սերը ծնունդ է առնում և զարգանում ընտանիքից: Ինչպես մեք սիրում և դրողում ենք մեր ընտանիքի, մեր մտերիմների և հարազատների համար, այնպես էլ պետք է վերաբերվենք հայրենիքին: Չայրենիքն էլ մնան է մի ընտանիքի. ինչքան այն ամուր է, միասնական, համերաշխ, այնքան հզոր ու կարող է: Մենք պարտավոր ենք լինել մեր հայրենիքի ամրության և անկախության պահպանը, միասնական պայքարել, միասնական ստեղծել մեր ապագա հզոր ու անկախ երկիրը, նպաստել նրա բարգավաճմանը: Ու սերը հայրենիքի հանդեպ միշտ պետք է զարգանա, մեծանա, ավելի ու ավելի մեծ ծավալներ ստանա»,- ասաց Վալենտինան:

Մարատ Արզումանյանի համար հայրենիքը ընդհանուր հոգածության առանցք է: Ինչպես մարդ ստածում, հոգում է իր ընտանիքի և անձի մասին, նույն վերաբերմունքը պիտի դրսևորի

հայրենիքի հանդեպ: Մարատ Սարգսյանի կարծիքով՝ յուրաքանչյուր հայ մարդու պարտքն է հայրենասեր լինել. այն մեր արյան մեջ է, նրա կարևոր բաղադրությունը: «Զինժառանգող» հասկացությունը առաջին հերթին իր մեջ ամփոփում է սեր և նվիրում: Մենք խաղաղապաշտ ժողովուրդ ենք, բայց և միշտ պետք է պատրաստ լինենք պատերազմի, այսինքն՝ պատրաստ հայրենիքի պաշտպանության:



Նարինեն համաձայնեց այն կարծիքին, որ հայրենասիրությունը դաստիարակվում է առաջին հերթին ընտանիքում, բայց չբացառեց նաև հասարակության դերը, ավագների օրինակը: Զասարակությունը կարող է շատ դեպքում օգնել այն դրսևորելու կամ մեղմելու մարդու մեջ: Այդ իսկ պատճառով ավագ սերնդի ներկայացուցիչները պետք է միշտ զգոն և ուշադիր լինեն, օգնեն կողմնորոշվելու և դրսևորվելու երեխաներին:

Նելլիի կարծիքով՝ կարելի է հայրենասեր լինել և անգամ գտնվելով օտար ափերում՝ անձնական ներդրում ունենալ հայրենիքի պաշտպանության և զարգացման գործին: Օրինակ բերվեցին Սփյուռք մեր բարերարների անգնահատելի դերն ու ներդրումները:

Մարիայի համար հայրենասիրությունը բառերով չի կարողանալու, այն երևում է մարդու ապրած կյանքով, անձնական օրինակով: Դատարկախոսությունն այստեղ տեղ չունի: Նշվեց և հանդուրժողականության մասին: Ինչպես մարդ հանդուրժող է սեփական ընտանիքում, նույն հանդուրժողականությունը պիտի դրսևորի նաև ընդհանուր շփումներում, տարբեր նշանակության հարցերի ու խնդիրների լուծման ժամանակ:

Մենք մեր սերն ու նվիրվածությունը պիտի կարողանանք ցուցաբերել միշտ և ամենուր մեր

պահվածքով, նվիրումով. ինչպես ենք ապրում, ինչպես ենք սովորում, գնահատելու ինչպիսի կարողություն ունենք՝ նշեց Գոհարը: Չի կարելի մոռանալ մեզ պատճառած ցավի մասին, բայց կարելի է ընդառաջել, եթե դիմացինը խորապես գիտակցում է իր կողմից կատարված սխալը:

Գոհարի միտքը շարունակում է Նարինը. մենք պարտավոր ենք միշտ հիշել մեր պատմությունը, իրավունք չունենք մոռանալ, թե մեր նախնիների հետ ինչպես վարվեցին:

Նամայի կարծիքով՝ մեզանից յուրաքանչյուրը հայրենիքը սիրում և գնահատում է յուրովի, և այդ սերը ցույց է տալիս յուրովի: Մենք կարող ենք լինել բարձրորակ մասնագետներ, օրինակելի, օրինապաշտ քաղաքացիներ և դրանով օգտակար լինել հայրենիքին, այն դարձնել ավելի զարգացած, ծաղկուն, բարգավաճ: Պիտի գնահատելու կարողություն ունենանք, որն այսօր, իրոք, պակասում է, գնահատել ինչ ունենք և միշտ հիշել այն, ինչ կորցրել ենք:

Ընտանիքի, հասարակության, դպրոցի, ընտրած մասնագիտության կարևորության և դերի մասին իր կարծիքը հայտնեց Գայանեն:

Երեխաները բավականին ակտիվ էին, որոշ տեղերում՝ վերապահումներով: Զգացվում էր, որ նրանք ավելի քան հասուն ու գիտակից են վերաբերվում հայրենասիրությանը: Նրանք արտապայտվում, միաժամանակ մեկնաբանում ու լրացնում էին միմյանց կարծիքները: Ու այն միայն հավատ և ուրախություն էր ներշնչում. ապագան հուսալի ձեռքբերում է:

Թեմայի քննարկմանը ներկա էր նաև դպրոցի նախկին սան, ՀՀ ՊՆ Վ.Սարգսյանի անվան ռազմական ինստիտուտի կուրսանտ Սիեր Գրիգորյանը, ով պատմեց իրենց առօրյայի, կրթական ծրագրերի մասին:

Ա.Ոսկանյանը, իր հերթին շարունակելով երեխաների միտքը, նշեց, որ մարդ, ինչ մասնագիտություն էլ ունենա, երբ գալիս է պահը, կանգնում է հայրենիքի պաշտպանության շարքերում: Այդ իսկ պատճառով յուրաքանչյուրը պետք է պատրաստ լինի հայրենիքի պաշտպանությանը: Եվ մեր երկրի ապագան ինչպիսին կլինի՝ պայմանավորված է մատաղ սերնդի ճիշտ դաստիարակությամբ:

Միջոցառումն արդեն ավարտված էր, իսկ երեխաները հեռանալ չէին կամենում: Զգացվում էր, որ տպավորված էին ու դեռ ասելիք ունեին:

Կարինե ԴԱՂԱՍՅԱՆ

# ԱՐՁԱՓԱՆԸ ԱՆՊՐԱԳՐԶ՝ ՄԻ ՀՐԱՊԱՐԱԿՄԱՆ ԱՌԹԻՎ

«Լուսարարը» պարբերաբար մասնակցում է (հիմնականում՝ մեծ դպրոցների) կրթության պետական տեսչության կողմից իրականացվող համալիր ստուգումներից հետո իրավիճակը մանկավարժական խորհրդի նիստերին, որտեղ ԼՂՀ կրթության և գիտության նախարարի, փոխնախարարի, բաժնի վարիչի կամ այլ պատասխանատուների ներկայությամբ քննարկվում են ստուգումների արդյունքները՝ ըստ տեսչական հանձնաժողովի տեղեկանքի: Զեկուցման, հնչած ելույթների հիման վրա կատարվում է նյութը: Ստուգումը հետևյալն է՝ նախ ընդհանուր գծերով ներկայացվում են դպրոցի հաջողությունները՝ շեշտը դնելով նրանց վրա, որոնք ցայտուն են, շատ թե քիչ՝ առանձնահատուկ և օրինակ կարող են ծառայել մյուս դպրոցների համար: Այնուհետև նշվում են բացթողումները, թերությունները: Դրանք մատնանշվում են ոչ թե տվյալ դպրոցի մանկավարժական կոլեկտիվին նենթացնելու, այլ օգնելու նպատակով, որպեսզի դրանք վերացվեն թե՛ տվյալ, և թե՛ ուրիշ կրթօբյեկտներում, եթե այնտեղ էլ դրանք առկա են: Տեսչությունը ի վիճակի է տարեկան ընդամենը մոտ 4 տասնյակ դպրոցներ համալիր ստուգման ենթարկել, և այդ դեպքում մյուսները իր չափստի՝ սպասեն, թե երբ կգան՝ իրենց թերությունները մատնացույց անելու: Անել է թե՛ թերթն այդով իսկ կատարում է իր գլխավոր առաքելություններից մեկը:

Բայց որքան մեծ եղավ մեր զարմանքը, երբ «Լուսարարը» էլեկտրոնային փոստով «Մի բաց նամակ» ստացավ Ստեփանակերտի Ա. Սախարովի անվան հ. 8 ավագ դպրոցի մանկավարժական կոլեկտիվից, որում վրդովմունք է հայտնվում փաստերը աղավաղելու, միտումնավորությամբ, ոչ ծիշտ լուսաբանելու համար: Մեր ընթերցողներին հիշեցնենք, որ տեսչությունը հ. 8 դպրոցը համալիր ստուգման է ենթարկել տարեկան, և այդ մասին «Լուսարարը» վերլուծություն է գետնտեղել ընթացիկ տարվա առաջին համադրումը:

Չարգելյալ ազատ խոսքի իրավունքը՝ տպագրում ենք հիշյալ նամակը: Անկեղծ ասած՝ կասկածում ենք, որ «Նամակը» քննարկվել է մանկավարժական կոլեկտիվում, բանգի այն ուղարկվել է տառասխալներով: Իհարկե, մենք այդ նամակը չենք տպագրի բնագիր տեսքով, բայց խորհուրդ կտալիք ավելի ուշադիր լինել: Եվ որպեսզի ընթերցողը պատկերացում կազմի, թե ինչի մասին է խոսքը, «Նամակը» տպագրում ենք պարբերություններով՝ զուգարկելով «Լուսարար»-ում տպագրված նյութի համապատասխան հատվածը, հարկ եղած դեպքում՝ նաև տեսչության տեղեկանքից հատվածները՝ մեկնաբանություններ թողնելով ընթերցողներին: Միայն հիշեցնենք, որ մանկավարժական խորհրդի նիստին ներկա էին ԼՂՀ կրթության և գիտության նախարարը, Ստեփանակերտի քաղաքապետարանի կրթության բաժնի վարիչը, որոնք ելույթ են ունեցել, իսկ գեկուցումով հանդես է եկել տեսչապետը: Շուրջ երեք ժամ տևած մանկխորհի ժամանակ առարկումներ չեն եղել տեսչապետի տեղեկանքի շուրջ, ընդհակառակը, դպրոցի փոխտնօրենը և ուսուցիչներն իրենց ելույթներում շնորհակալություն են հայտնել օբյեկտիվ, փոխըմբռնման մթնոլորտում անցկացված ստուգումների համար: Եթե ինչ-որ հարցադրումներ էլ եղել են ուսուցիչների կողմից, դրանց տրվել են սպառիչ պատասխաններ: Թերթը կատարել է իր գործը՝ աշխատելով լինել անաչառ՝ անկախ այն բանից, որ վերլուծությունը ոմանց կարող է դուր չգալ:

**Չարգելյալ «Մի բաց նամակ»-ից.**  
«2015 թվականի հունվարի 20-ին լույս տեսած «Լուսարար» քերթի հերթական համարում տեղ գտած «Դրական միտումը՝ հուսադրող համագամանք» տարօրինակ վերնագրով հոդվածը լուրջ վրդովմունք ու գայլույթ առաջացրեց Ստեփանակերտի հ. 8 ավագ դպրոցի մանկավարժական կոլեկտիվում: **Չարգելյալ իր թե՛ լուսաբանվում են՝** կրթության և գիտության նախարարության պետական տեսչության կողմից իրականացված համալիր ստուգման արդյունքները Ստեփանակերտի հ. 8 ավագ դպրոցում (ի դեպ, նշենք որ տեսչավորման արդյունքում դպրոցը 60 ուսուցիչներից 36-ը գնահատվել է «լավ»): Առանց խորանուխ լինելու ստուգման իրական արդյունքների մեջ՝ հոդվածագիրը, ինչ-ինչ նկատումները ելնելով, խեղաթյուրված է ներկայացրել որոշ փաստեր ու տվյալներ՝ տպագրելով միայն տողատակերի բացասականը, մինչդեռ տեսչապետի խոսքում գերակշռողը դրականն էր:

**Չարգելյալ «Լուսարար»-ի հրապարակումից.** «Մանկավարժական հանրություն մեծ թիվ են կազմում ծանաչված և փորձառու ուսուցիչները: Տեսուչների կողմից ստուգված 61 ուսուցիչներից 33-ի (54 %) աշխատանքը գնահատվել է «լավ», մնացած 28-ինը՝ «բավարար»: Այստեղ թվական մի փոքր անհամապատասխանություն կա. պատճառը տեխնիկական է, և կարծում ենք՝ մեծ միտալ չէ:

**Չարգելյալ «Մի բաց նամակ»-ից.**  
«2014 թվականին Ստեփանակերտի հ. 8 ավագ դպրոցը հարթող է ծանաչվել «Տարվա լավագույն դպրոց» մրցույթի քաղաքային փուլում, իսկ հանրապետական փուլում, մանրակրկիտ ստուգումներից հետո, արժանացել է «Արտադասարանական և արտադպրոցական աշխատանքների լավագույն դրվածքի համար» անվանակարգի, ասկային հոդվածագիրը նշում է, թե իբր դպրոցի տնօրինությունն ու մանկավարժական հանրույթն ընդամենը որոշակի աշխատանքներ են կատարել արտադասարանական, արտադպրոցական աշխատանքների դրվածքի բարելավման ուղղությամբ: Չարթ է ծագում՝ ո՞ր ստուգումն էր ճիշտը:  
**Չարգելյալ «Լուսարար»-ի հրապարակումից.** «Նախորդ ստուգումից հետո, որն անցկացվել էր ինձ և տարի առաջ, տեսչապետի ելույթում մասնակցելով, դպրոցում շատ փոփոխություններ են եղել: Զգալի չափով հարստացվել է ուսումնականական բազան, ստեղծվել են նոր առարկայական կաթինետներ: Պատահական չէ, որ դպրոցը, մասնակցելով 2014 թ. «Տարվա լավագույն դպրոց» մրցույթին, հաղթող է ճանաչվել «Արտադասարանական և արտադպրոցական աշխատանքների լավագույն դրվածքի համար» անվանակարգում»: **Չարգելյալ «Տեղեկանք»-ից.** «Միայն 2012-2014 թվականների ընթացքում դպրոցի նյութատեխնիկական բազան հարստացվել է գույքով, որի գումարարքն արժեքը կազմել է մոտ 6 միլիոն 37 դրամ: Այդ թվում՝ 1,5 մլն դրամ արժողությամբ համակարգչային կաբինետ, 462 հազար դրամ արժողությամբ պատույններ, քարտեզներ, ատլասներ, վահանակներ, աշակերտական նստարաններ և այլն: Լուրջ աշխատանքներ են տարվել հիմնական շենքի միջանցք-

մասին: Մանկավարժական կոլեկտիվը համայն չէ այս մտքին, բանի որ ստուգվել է բացակայությունները արձանագրվել են շաբաթ օրը: 3. 8 դպրոցում խրախուսում են շաբաթ օրերի 6-րդ ժամին 85 անհարգելի բացակայությունները:

**Չարգելյալ «Մի բաց նամակ»-ից.**  
«Տեսչական գրավորների արդյունքները բոլոր առարկաներից (բացի մաթեմատիկայից) և առաջադիմությամբ, և՛ որակով «բավարար» են, մինչդեռ հոդվածագիրը նշում է. «Տեսչական գրավորների վերլուծությունը թվային տվյալներով ներկայացնելով Ա. Արզումանյանը այն եզրահանգում էր արել, որ ուսումնառության մակարդակը, որոշ բացառություններով, համարյա բոլոր դասարաններում հեռու է բավարար լինելուց»:

**Ընթերցողների համաբերությունը** ստիպված ենք չարաշահել տոկոսային տվյալներով՝ մինչև հասնենք գլխավոր մտքին:

**Չարգելյալ «Տեղեկանք»-ից.** «Ստորև ներկայացնում ենք տեսչական գրավորների վերլուծությունը:  
Մաթեմատիկայից 7-12-րդ դասարաններում տրված գրավորներին մասնակցել է 461 աշակերտից 413-ը կամ 88,6 %-ը: Միջին առաջադիմությունը կազմել է 40 %, որակը՝ 4 %՝ նախորդ ուստարվա տարեվերջի 100 % և 30 %-ի դիմաց, 5 տարի առաջ տեսչական գրավորների արդյունքներով առաջադիմությունը կազմել է 39 %, որակը՝ 8 %: Ավագ դպրոցի բնագիտական հոսքերում առաջադիմությունը կազմել է 42 %, որակը՝ 6 %, հունամիտար հոսքերում համապատասխանաբար 32 % և 2 %: **Թվերը խոսում են այն մասին, որ ուսումնառության մակարդակը համարյա բոլոր դասարաններում հեռու է բավարար լինելուց:** Համեմատաբար բավարար արդյունք են արձանագրվել <sup>111</sup> դասարանում (քիմիայի ենթահոսք, ուսուցիչ Ա. Առաքելյան)՝ 50 % առաջադիմություն, 25 % որակ, այսինքն՝ 4 աշակերտից 2-ը դրական է ստացել, 2-ը՝ անբավարար, <sup>112</sup> 10-ի և 11-ի դասարաններում (ուսուցիչ՝ Կ. Գասպարյան)՝ 50% առաջադիմություն և 6 % որակ, բնագիտական հոսքերից՝ <sup>113</sup> դասարանում (ուսուցիչ՝ Ա. Հայրապետյան)՝ 52 % և 11 %: Մնացած բոլոր դասարաններում ցածր արդյունքներ են արձանագրվել: Չնայած այդ տխուր պատկերին, հաշվի առնելով ուսուցիչների կրթողությունները՝ բոլորի աշխատանքը և առարկայի դրվածքը գնահատվել են «բավարար»:

**Չարգելյալ «Մի բաց նամակ»-ից.**  
«Մանկավարժական խորհուրդների նիստերում ելույթներով հանդես են գալիս ինչպես դպրոցի տնօրենն ու ուսումնական աշխատանքների գծով տնօրենի տեղակալները, այնպես էլ մանկխորհի անդամները: Բնարկվող հարցերի շուրջ արտահայտվում են ուսուցիչները (ապացույցը՝ մանկխորհի արձանագրությունները): Հարց է ծագում՝ ո՞ր հարցը իրավունք չունի ներկայացնելու տնօրենը:  
Անցած 2013-14 ուստարում դպրոցի տնօրենի և տեղակալների կատարած դասալուծումները գնահատվել են «լավ»։ Նշենք, որ յուրաքանչյուր դասալուծումից հետո կատարվում է դասի վերլուծություն, նշվում ձեռքբերումներն ու բացթողումները, կատարվում

ստում են նորագույն տեխնոլոգիաներին վատ տիրապետելու մասին, նշանակում է լուրջ խնդիրներ կան այստեղ: Ի դեպ, «dasaran.am» ծրագիրը մայրաքաղաքի մի շարք հիմնական դպրոցներում բարձր մակարդակի վրա է, իսկ հ.2-ում, որտեղ տեխնիկական հնարավորությունները անհամեմատ գիշում են ավագ դպրոցին, ամենալավ վիճակն է, էլ չենք ասում, որ գյուղական որոշ դպրոցներում նույնպես վատ չէ, ինչպես, օրինակ՝ վերջերս ստուգված Բերդաշենի դպրոցում, որտեղ ծրագիրն իրականացվում է 100 %-ով: Սա նախարարի հրաման է, որը պետք է կատարել անվերապահորեն:

**Չարգելյալ «Մի բաց նամակ»-ից.**  
«Մինչև 2014թ.-ի դեկտեմբերի 2-ը դպրոցում անց է կացվել 57 ժամ համակարգչային դաս, այսօր՝ փետրվարի 7-ի դրությամբ՝ 126 ժամ, իսկ հոդվածագիրը նշում է, որ այդ դասերի քանակը բավարար չէ: Սա այն դեպքում, երբ ցուցարկվող նյութերը ուսուցիչներն իրենք են հայթայթում:

Այդ առումով միանգամայն անհասկանալի է հետևյալ պարբերությունը. «Նախորդ ուստարում անցկացվել է 140 համակարգչային դաս, այս ուսումնականում՝ ընդամենը 57 ժամ, ընդ որում՝ այդ 197 ժամից 74-ը կամ մոտ 38%-ը՝ հայոց լեզվի և գրականության ուսուցիչների կողմից: Ռուսաց լեզվի ուսուցիչները անցկացրել են ընդամենը 31 ժամ, մաթեմատիկայից՝ 24 ժամ, պատմությունից՝ 27 ժամ, մնացած առարկաներից շատ քիչ քանակով:

**Ի՞նչ է նշանակում հետևյալ պարբերությունը.** «Տնօրենի ու նրա տեղակալների կողմից թույլ է իրականացվում վերահսկողությունը աշակերտների գիտելիքների գնահատման կարգի պահանջների նկատմամբ, ինչի մասին է վկայում օրագրերի վիճակը»: **Ցավոք, կարգ բառը իր ճիշտ տեղում չէ:**

Իհարկե, չենք ժխտում, որ դպրոցում առկա են թերություններ ու բացթողումներ, ինչպես բոլոր դպրոցներում: Ինչպես ասում են՝ «Որտեղ՝ աշխատանք՝ այնտեղ թերություն»: Առկա է նաև ծխելու արատավոր երևույթը, սակայն դպրոցի որոշ ուսուցչական կոլեկտիվ ջանք չի խնայում վերացնելու բացթողումները ուսուցման և դաստիարակության բնագավառում, հասնել բարձր ցուցանիշներին:

**«Լուսարարը»** ներկայացրել է մինչև համալիր ստուգման ժամանակ անցկացված համակարգչային դասերի քանակը՝ 57 ժամ: Եթե դրանից հետո մինչև փետրվարի 7-ը, մեկ ամսվա ընթացքում այդ թիվը կրկնապատկվել է, գերազանց է, եթե, իհարկե, դրանք եղել են նպատակային դասեր: Նույն այդ մանկխորհի նիստում նախարար Ա. Արզումանյանն ասել է. «Իհարկե, չի նշանակում, որ պետք է բոլոր դասերն անցկացնել համակարգչային կաբինետում, եթե դրանք լինելու են մանրադասակներ: Այդ դասերը պետք է սկզբունքորեն տարբերվեն մյուսներից իրենց որակական աստիճանով»:

Մենք էլ ենք ցավում, որ հ. 8 ավագ դպրոցում մինչև իման չգիտենք, որ գոյություն ունի նորամտավորային այսպիսի փաստաթուղթ. «Չարժանարժեքային ուսումնական հաստատության սովորողի ուսումնական առաջադիմության գնահատման երաշխավորությունների կարգ», որը տպագրվել է «Լուսարար»-ում, «Տեղեկագրում» և պետք է լինի յուրաքանչյուր ուսուցիչի ձեռքի տակ:

Այդքանով հանդերձ՝ ուզում ենք մեր գոհունակությունը հայտնել հ. 8 ավագ դպրոցի մանկավարժական կոլեկտիվին այն բանի համար, որ նրանք իրապարակային խոսքի հանդես անտարբերություն չեն ցուցաբերել: Այն, ինչի մասին տպագրվել է թերթում, ամենաբարձր մակարդակով հնչեցվել է մանկավարժական խորհրդի նիստում, սակայն, կրկնում ենք, առարկումներ չեն եղել: Բայց այդ Գույնը, երբ հրապարակվել է, այլ կերպ է ընկալվել: Հայտնի խոսք է՝ մշտարտությունը առողջ վիճաբանությունից է ծնվում: Համոզված ենք, որ հ. 8 ավագ դպրոցի լավ գործերի, բարձր առաջադիմության և ուսման որակի մասին «Լուսարարը» հրապարակելու դեռ շատ առիթներ կունենա:

**«ԼՈՒՍԱՐԱՐ»**

Եթե հ. 8 ավագ դպրոցում դեռ խոսք

ՕՐԻՆԱԿԵԼԻ

ՆՈՒՌ Ը ԴՐԱՄԱԿԱՆ ՆԵՐՊՐՈՒՄ Է ԱՊԱԿԱ ՍԵՐՈՒՆԳՆԵՐԻ ՀԱՄԱՐ

2011թ. հունվարին ԼՂՀ վարչապետ Արայիկ Չարությունյանը և արգենտինահայ բարերար Էդուարդո Էռնեսկյանը ստորագրեցին փոխընթերցման հուշագիր՝ հայտարարելով Արցախում Յուրաբանչյուր երեխայի՝ մեկ համակարգիչ ծրագրի՝ ՆՈՒՐ նախագծի ներդրման մասին:

Տիար Էռնեսկյանը ընդգծեց, որ համաշխարհային հանրությունը պարտավոր է ապահովել կրթության և տեղեկությունների հասանելիությունը աշխարհի բոլոր երեխաների համար: Նա հատուկ շեշտեց, որ հայերն ամբողջ աշխարհում անձնապես կան կազմակերպությունների միջոցով պետք է օժանդակեն ապագա սերունդների կրթությանը ու իրենց լուծման ներդրեն այդ գործում: «Այսօր ես փորձում եմ ցանկն ԼՂՀ երեխաներին համաշխարհային հանրության մեջ ընդգրկելու միջազգային ջանքերի սերմերը: Երանք արժանի են համապատասխան կրթություն ստանալու և տեղեկատվության աշխարհի մուտք ունենալու»,- ասել է բարերարը:

ՆՈՒՐ-ի նպատակն է՝ աջակցել թվային համակարգերի ներդրմանը, բոլորին հասանելի դարձնել մշակույթն ու լավագույն կրթությունը:

Ուրեմն՝ ծրագիրը հիմնված է լիարժեք ու ավարտուն համակարգի վրա, որն ընդգրկում է տեխնոլոգիական միջոցներ, ուսուցիչների վերապատրաստում, համապատասխան բովանդակության մշակում, ինչպես նաև՝ ընտանիքի և հասարակության մասնակցություն:

Այս ծրագրի որդեգրած ռազմավարության սկզբունքները հետևյալն են՝ արդարություն, հավասար հնարավորություններ բոլոր երեխաների համար, գիտելիքների համապարփակ հասանելիություն, ժողովրդականացում և ուսուցման միջոցների առկայություն, որը ոչ միայն վերաբերում է դպրոցական ուսուցմանը, այլև ինքնուսուցմանը՝ սեփական տեխնոլոգիական միջոցների կիրառմամբ:

Ինչպես գիտենք, այս ուսումնական տարում ՆՈՒՐ ծրագրում կատարվել է որակական առաջընթաց. Ստեփանակերտի և Շուշիի դպրոցների 6-րդ դասարանցիներին բաժանվել են ժամանակակից, նոր սերնդի համակարգիչներ: Դրանք աշխարհառջակ Ինտելի արտադրության ClassMate տեսակի համակարգիչներ են, որոնք ունեն արդի պահանջներին համապատասխանող տեխնիկական և ծրագրային ապահովվածություն, այսպես ասած՝ փոքր համակարգիչ՝ մեծ գործերի համար:

Նախկինում տրամադրված XO տեսակի համակարգիչները ունեին անվճար և բաց ծրագրային ապահովում՝ Linux գործողությունների համակարգի հիման վրա:

Սակայն Intel ClassMate-ի համար որոշվեց օգտագործել հայտնի Windows գործողությունների համակարգը, ընդ որում՝ նրա ամենավերջին՝ Windows 8.1 տարբերակը:

Windows 8.1 և Office 2013 արտոնագրված ծրագրերը ձեռք են բերվել Հայաստանի Unicomը կազմակերպության միջոցով, և այս օրերին մեկ մոտ են գտնվում կազմակերպության մասնագետները, որոնք կատարում են այդ ծրագրերի տեղադրման, թարմացման և ակտիվացման աշխատանքները:

Սակայն միայն տեխնոլոգիաների մուտքը դպրոց չի կարող հասցնել ցանկալի նպատակի, եթե չի ուղեկցվում նոր պահանջներին համապատասխանող կրթական համակարգով ընդգրկելով թե՛ աշակերտներին և թե՛ ուսուցիչներին:

Ըստ ժամանակացույցի՝ մայրաքաղաքի հիմնական դպրոցների ուսուցիչները 6-րդ դասարանցիներին հետ շարունակում են կազմակերպել ինտերակտիվ դասեր, որտեղ որպես աշխատանքային գործիք հանդես է գալիս համակարգիչը: Նպատակը ժամանակակից տեխնոլոգիաների մուտքը կրթահամակարգ ավելի սահուն դարձնելն է:

2015թ. հունվար-փետրվար ամիսներին նման դասեր 6-րդ դասարաններում վարել են Մ. Չարությունյանը (Ինֆորմատիկա-«Գործիքների խմբեր»), Ի. Սկրտչյանը (բնագիտություն-«Բջջի կառուցվածք»), Յ. Միքայելյանը (աշխարհագրություն - «Հարավային Ամերիկա: Կլիման, ներքին ջրերը»), Զ. Եսայանը (տեխնոլոգիա- «Օդային մրցակազմ. ինքնաթիռների մասին»), Ն. Վանյանը (մայրենի - «Հայրենի բնաշխարհը. Նոյ նահապետի տապանը Արարատի վրա»), Անահիտ Կասյանը (Հին աշխարհի պատմություն - «Հին աշխարհի մշակույթը»)՝ և 1 դպրոցից, Մ. Համբարձումյանը (ինֆորմատիկա), Ա. Հայրապետյանը (Համաշխարհային պատմություն-«Ալեքսանդր Մակեդոնացի»)՝ Ս.Դադայանը (մայրենի-«Սևանա լիճ»), Ա. Հայրապետյանը (հայոց պատմություն-«Տիգրան Մեծ»), Լ. Օհանյանը (աշխարհագրություն-«Հարավային Ամերիկա»)՝ և 5 դպրոցից, Գ. Զաքարյանը (բնագիտություն - «Չայնի ընկալումը կենդանիների կողմից», Լսողության հիգիենա»)՝ և 7 դպրոցից:

Նպատակն է՝ ԼՂՀ երեխաներին հասանելի դարձնել լավագույն կրթությունը և ճանապարհ բացել դեպի լայն հնարավորություններով պայծառ ապագան:

Մարգարիտա ԳՐԻԳՈՐՅԱՆ  
ՆՈՒՐ ծրագրի արցախյան համակարգող



ՆԿԻՐՎԱՆ ԱՐՑԱՍԻ ՎԵՐԱԾՆՆՊԻՆ ԵՎ ՄԱՅՐԵՆԻԻ ՕՐԿԱՆ

Փետրվարի 20-ին ինչպես հանրակրթական բոլոր դպրոցներում, այնպես էլ Զ. Իվանյանի անվան ռազմամարզական վարժարանում կազմակերպվել էր միջոցառում՝ նվիրված Արցախի վերածննդին ու Մայրենիի օրվան: Սակայն այս միջոցառումը հարկ է առանձնացնել մյուսներից նրանով, որ վերջինիս մասնակիցները մեր ապագա հայրենյաց պաշտպաններն էին՝ իրենց սլացիկ կեցվածքով ու հայրենաշունչ և ազդեցիկ խոսքով:

Միջոցառումը մեկնարկեց ՀՀ հիմնի ներքո, որը միաձայն երգում էին ողջ հրամկազմն ու սաները:

Ելույթներով հանդես եկան ուսումնական մասի դասախոսներ Լուսինե Մովսեսյանն ու Նուրե Սարգսյանը, ովքեր փառաբանեցին հայրենիքն ու մայրենին՝ կոչ անելով բոլորին՝ հար գլուխ խոնարհել որդեկրույս մայրերի, զոհված քաջորդիների շիրիմների առջև:

Այդ ամբողջ ընթացքում ներկաները սլացիկ-շուրիկ վրա ընթերցում էին հայ և օտարազգի մեծերի անմար խոսքերը՝ նվիրված հայոց լեզվին, իսկ ռազմամարզականի տարբեր կուրսերի սաներ բանավոր էին կատարում

մայրենիի փառաբանությունը: Նրանց ձիգ պահվածքում այնքան վստահություն, պարտավորության զգացում կար:

Միանշանակ կարելի է փաստել, որ միջոցառմանը ներկա ծնողների սրտում հուզմունքն ու

և դաստիարակելու, նաև՝ սաների առօրյան հետաքրքիր միջոցառումներով հագեցնելու համար:

Վերջում հանդես եկավ ռազմամարզական վարժարանի գործառնական հրամանատար, փոխգնդապետ Վահրամ Հակոբյանը, ով նախ՝ շնորհավորեց բոլորին՝ փետրվարյան տոների կապակցությամբ, հետո շնորհակալություն հայտնեց միջոցառման կազմակերպիչներին ու սաներին:

«Սա լոկ միջոցառում չէ, այլ յուրօրինակ դասապրոցես, որտեղ միախառնված են հայրենասիրությունն ու հայրենապաշտությունը, ճանաչողությունն ու հոգեկերտվածքի



կարողությունը միախառնվել էին, քանզի նրանք ևս մեկ անգամ համոզվեցին, որ հայրենիքի ապագան իրենց որդիների հուսալի ձեռքերում է:

Նշենք, որ 2-րդ վաշտի 2-րդ դասակի սան Ռոման Զավադյանի կիթառով երգը անչափ հիացրեց ու հուզեց ներկաներին:

Ծնողների անուսից շնորհակալություն հայտնվեց կազմակերպիչներին ու ռազմամարզական վարժարանի ողջ անձնակազմին՝ իրենց երեխաներին հայրենասիրական ոգով կրթելու

կրթական գեղեցիկ ներազդումը, մետրոպոլիտան ոսկեղենի գրեթե ամեն մյուսթեղենից վեր գերազնախառնում և, իհարկե, այդ ամենը՝ դասախոսներ Անուշ Բաբայանի, Հասմիկ Գաբրիելյանի և Նուրե Սարգսյանի մասնագիտական ու մանկավարժամեթոդական ողջ կարողությունների ներդրման շնորհիվ:

Միջոցառումն ավարտվեց ԼՂՀ օրհներգի ներքո՝ կրկին սաների և հրամկազմի միաձայն երգով:

Լիլա ՂԱԼԱՅԱՆ

ԲԱՅ ԴԱՐԱՊՄՈՒՆՔ՝ ՄԱՆԿԱԴԱՐՏԵՉՈՒՄ

Մարտունու Մ. Մելքոնյանի անվան նախադպրոցական հիմնարկը հենակետային մանկապարտեզ է, որտեղ աշխատում են հմուտ դաստիարակներ: Բազմիցս մասնակցել ենք ընդօրինակման պարապմունքներին ու ստացել կայուն մեթոդական օգնություն:

Վերջերս մանկապարտեզում կազմակերպվեց բաց պարապմունք՝ շրջանում գործող մանկապարտեզների և դպրոցների կից գործող նախապատրաստական խմբերի դաստիարակների մասնակցությամբ:

Մանկապարտեզի տնօրեն Իրինա Ղուկասյանի գլխավորությամբ հյուրերը մտան խմբասենյակներ, ծանոթացան պարապմունքների ընթացքին :

Անցկացվեց երկու բաց պարապմունք ավագ խմբերում՝ գրաճանաչությունից ու մաթեմատիկայից:

Պարապմունքները վարում էին դաստիարակներ Կարինե Առստամյանն ու Նարինե Սարգսյանը: Նրանք ցուցադրեցին, թե ինչպես կարելի է խաղառաջադրանքների միջոցով զարգացնել երեխաների պատկերավոր մտածողությունը՝ օգտագործելով համապատասխան դիտողական պարագաներ: Երեխաները տարբերեցին երկրաչափական պատկերները, հաշվեցին, կարողացան հարաբերակցել թվանշանները առարկաների անվանումների հետ: Երեխաները գրատախտակի մոտ խաղամիջոցների միջոցով կազմեցին բառեր, վանկատեցին, կազմեցին նախադասություններ:

Կազմակերպվեց խաղ «Ասա՛ հակառակը», «Տրված նախադասությունները դարձնել բարդ» և այլն: Կատարվեց ֆիզկուլտուրա:

Երեխաների ակտիվությունը հիացրեց ներկաներին: Պարապմունքի մասնակիցները համոզվեցին, որ ընդօրինակելու շատ բան ունեն մեր հարազատ նախադպրոցական օջախից:

Դաստիարակներ Կ.Առստամյանը և Ն.Սարգսյանն ունեին պարապմունքի համառոտագիր:



Տնօրեն Ի.Ղուկասյանը, մեթոդիստ Ի.Ուլուբաբյանը հպարտությամբ են խոսում իրենց դաստիարակների կատարած աշխատանքի մասին: Հետ չեն մնում նաև երաժիշտ-դաստիարակները: Մանկապարտեզն ունի գեղեցիկ ձևավորած երաժշտական դահլիճ:

Ավագ խմբերի երեխաները հանդես եկան հայրենասիրական երգերով ու պարերով:

Դաստիարակները կարողացան պարապմունքներն անցկացնել պատշաճ մակարդակով: Մանկապարտեզի տնօրեն Ի.Ղուկասյանը վերլուծեց պարապմունքի ընթացքը:

Մեթոդիստ Ի. Ուլուբաբյանը խորհուրդներ տվեց պարապմունքների մասնակից դաստիարակներին:

Վերջում Մարտունու շրջվարչակազմի աշխատակազմի կրթության բաժնի մասնագետ Անուշ Հովսեփյանը վերլուծեց դաստիարակներ Կ.Առստամյանի և Ն.Սարգսյանի վարած պարապմունքները, շնորհակալություն հայտնեց մասնակիցներին:

Արմինե ՇԻՆՂՅԱՆ  
Գիշու միջև. դպրոցի  
Նախապատրաստական  
խմբի դաստիարակ

ՏԱՐԱԿԱՐԳ

Գրանցված է՝
Լեռնային Ղարաբաղի Հանրապետության
արդարադատության նախարարության կողմից
2015 թվականի փետրվարի «17»
Պետական գրանցման համարը 1051572
Լեռնային Ղարաբաղի Հանրապետության
արդարադատության նախարար
Ա. Դանիելյան

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐ
Հ Ր Ա Մ Ա Ն

« 30» հունվարի 2015թ.

N 8-Ն

ք.Ստեփանակերտ

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐԻ 2012 ԹՎԱԿԱՆԻ
ՄՊՐԻՆԻ 23-Ի N 62-Ն ՀՐԱՄԱՆՈՒՄ ԼՐԱՅՈՒՄՆԵՐ ԿԱՏԱՐԵԼՈՒ ՄԱՍԻՆ

«Իրավական ակտերի մասին» Լեռնային Ղարաբաղի Հանրապետության օրենքի 71-րդ հոդվածի համապատասխան՝
ՀՐԱՄԱՅՈՒՄ ԵՄ

- 1. Լեռնային Ղարաբաղի Հանրապետության կրթության և գիտության նախարարի 2012 թվականի ապրիլի 23-ի «Հանրակրթական ուսումնական հաստատության ուսուցչի
ատեստավորմանը ներկայացվող փաստաթղթերի ամբողջական ցանկը, ատեստավորման թերթի ձևը, որակավորման տարակարգի բնութագրիչները, որակավորման տարակարգերի
շնորհման համար անհրաժեշտ փաստաթղթերի ցանկերը սահմանելու մասին» N 62-Ն հրամանով հաստատված հավելված 3-ի
1) 2-րդ կետի «դեպքում» բառից հետո լրացնել «, որոնք տարբերվում են որակավորման առաջին աստիճանի տարակարգի բնութագրիչներից» բառերով,
2) 6-րդ կետի 5-րդ ենթակետի «ա» պարբերության՝ «միջազգայնորեն» բառից հետո լրացնել «կամ կրթության ազգային ինստիտուտի կողմից» բառերով:
2.Լեռնային Ղարաբաղի Հանրապետության կրթության և գիտության նախարարության աշխատակազմի կրթության և գիտության վարչությանը՝ սույն հրամանը սահմանված կարգով
ներկայացնել Լեռնային Ղարաբաղի Հանրապետության արդարադատության նախարարություն՝ պետական իրավական փորձաքննության և պետական գրանցման նպատակով:
3. Սույն հրամանն ուժի մեջ է մտնում պաշտոնական հրապարակման օրվան հաջորդող տասներորդ օրը:

Ա. ԱՄՐԱՆ

Հավելված
ԼՂՀ կրթության և գիտության նախարարի
2013 թվականի դեկտեմբերի 9-ի N 241-Ն հրամանի

Հավելված 3
ԼՂՀ կրթության և գիտության նախարարի
2012 թվականի ապրիլի 23-ի N62-Ն հրամանի

ՀԱՆՐԱԿՐԹԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅԱՆ ՈՒՍՈՒՅՉԻ ՈՐԱԿԱՎՈՐՄԱՆ ՏԱՐԱԿԱՐԳԻ ԲՆՈՒԹԱԳՐԻՉՆԵՐԸ,
ԴՐԱՆՅՑ ԸՆՈՐՀՄԱՆ ԶՍՓԱՆԻՇՆԵՐԸ ԵՎ ԱՆՀՐԱՃԵՇՏ ՓԱՍՏԱԹՂԹԵՐԻ ՅԱՆԿԸ

I. ՈՐԱԿԱՎՈՐՄԱՆ ՏԱՐԱԿԱՐԳԻ
ԸՆՈՐՀՄԱՆ ԶՍՓԱՆԻՇՆԵՐԸ ԵՎ ՈՐԱԿԱՎՈՐՄԱՆ
ՏԱՐԱԿԱՐԳԻ ԲՆՈՒԹԱԳՐԻՉՆԵՐԸ
ՀԱՄԱՉԱՓՈՒԹՅՈՒՆԸ

- 1. Հանրակրթական ուսումնական հաստատության ուսուցչի որակավորման առաջին աստիճանի տարակարգ շնորհվում է սույն հավելվածի 6-րդ կետով սահմանված բնութագրիչներից առնվազն 2-ը՝ բացառությամբ 6-րդ կետի 1-ին և 6-րդ ենթակետերով սահմանված բնութագրիչները միաժամանակ ապահովելու դեպքերի:
2. Հանրակրթական ուսումնական հաստատության ուսուցչի որակավորման երկրորդ աստիճանի տարակարգ շնորհվում է սույն հավելվածի երկրորդ գլխում նշված չափանիշներից առնվազն 4-ը ապահովելու դեպքում, որոնք տարբերվում են որակավորման առաջին աստիճանի տարակարգի բնութագրիչներից (խմբագրված է 30.01.2015թ. N 8-Ն հրամանի):
3. Հանրակրթական ուսումնական հաստատության ուսուցչի որակավորման երրորդ աստիճանի տարակարգ շնորհվում է սույն հավելվածի երկրորդ գլխում նշված չափանիշներից առնվազն 6-ը ապահովելու դեպքում:
4. Հանրակրթական ուսումնական հաստատության ուսուցչի որակավորման չորրորդ աստիճանի տարակարգ շնորհվում է սույն հավելվածի երկրորդ գլխում նշված բոլոր չափանիշներն ապահովելու դեպքում:
5. Որակավորման տարակարգի շնորհման և դրա բարձրացման համար ուսուցչի կարող է դիմել հետևյալ համաչափությամբ.
1) երկրորդ աստիճանի որակավորման տարակարգ ստանալու համար՝ առաջին աստիճանի տարակարգ ստանալուց առնվազն երկու տարի հետո.
2) երրորդ աստիճանի որակավորման տարակարգ ստանալու համար՝ երկրորդ աստիճանի տարակարգ ստանալուց առնվազն երեք տարի հետո.

3) չորրորդ աստիճանի որակավորման տարակարգ ստանալու համար՝ երրորդ աստիճանի տարակարգ ստանալուց առնվազն չորս տարի հետո:

II. ՈՐԱԿԱՎՈՐՄԱՆ ՏԱՐԱԿԱՐԳԻ
ԲՆՈՒԹԱԳՐԻՉՆԵՐԸ

- 6. Հանրակրթական ուսումնական հաստատության ուսուցչի որակավորման տարակարգի բնութագրիչներն են՝
1) ուսուցչի վարպետության մակարդակը,
2) դասագրքերի գնահատող հանձնաժողովում ընդգրկվածությունը,
3) Լեռնային Ղարաբաղի Հանրապետության կրթության և գիտության նախարարության կողմից երաշխավորված կազմակերպությունում վերապատրաստման դասընթացի վարումը,
4) վերջին երկու տարվա ընթացքում «Հայկական կրթական միջավայր» կրթական պորտալում առնվազն մեկ մասնագիտական թեմայի վարում կամ ուսուցչիչների վերապատրաստման առնվազն մեկ հեռավար ուսուցման դասընթացի վարումը,
5) վերջին երեք տարվա ընթացքում՝
ա. Հայաստանի Հանրապետության կրթության և գիտության նախարարության աշխատակազմի Բարձրագույն որակավորման հանձնաժողովի կողմից կամ միջազգայնորեն կամ կրթության ազգային ինստիտուտի կողմից (խմբագրված է 30.01.2015թ. N 8-Ն հրամանի) ճանաչված ամսագրերում հրատարակված (կամ վերահրատարակված) առնվազն մեկ գիտական կամ մանկավարժական հոդված կամ՝
բ. Լեռնային Ղարաբաղի Հանրապետության կրթության և գիտության նախարարության կողմից երաշխավորված դասագրքի կամ ուսումնական, ուսումնամեթոդական ձեռնարկի կամ ուսումնաօժանդակ նյութի կամ գիտամանկավար-

- ժական աշխատության հեղինակ կամ համահեղինակ,
6) վերջին 3 տարվա ընթացքում Լեռնային Ղարաբաղի Հանրապետության կրթության և գիտության նախարարության կրթության պետական տեսչության տեսչավորումների կամ արտաքին գնահատման արդյունքում արձանագրած լավագույն ցուցանիշները
7) «Լեռնային Ղարաբաղի Հանրապետության Պետական պարգևների մասին» Լեռնային Ղարաբաղի Հանրապետության և «Հայաստանի Հանրապետության Պետական պարգևների մասին» Հայաստանի Հանրապետության կրթության և գիտության նախարարության կողմից սահմանված Լեռնային Ղարաբաղի Հանրապետության բարձրագույն կոչում, Հայաստանի Հանրապետության բարձրագույն կոչում, Լեռնային Ղարաբաղի Հանրապետության, Հայաստանի Հանրապետության, ինչպես նաև նախկին ԽՍՀՄ շքանշաններ և մեդալներ ունեցող կամ՝
ա. «Լեռնային Ղարաբաղի Հանրապետության Պատվավոր կոչումների մասին» Լեռնային Ղարաբաղի Հանրապետության և «Հայաստանի Հանրապետության Պատվավոր կոչումների մասին» Հայաստանի Հանրապետության օրենքներով սահմանված՝ «Լեռնային Ղարաբաղի Հանրապետության վաստակավոր մանկավարժի» և «Հայաստանի Հանրապետության վաստակավոր մանկավարժի», ինչպես նաև նախկին ԽՍՀՄ, ՀԽՍՀ և Ադրբեյջանի գիտամանկավարժական բնագավառի պատվավոր կոչումներ ունեցող կամ՝
բ. վերջին 5 տարիների ընթացքում Լեռնային Ղարաբաղի Հանրապետության նախագահի և Լեռնային Ղարաբաղի Հանրապետության վարչապետի կողմից հուշամեդալներով, պատվոգրերով կամ շնորհակալագրերով պարգևատրված կամ
գ. Լեռնային Ղարաբաղի Հանրապետության կրթության և գիտության նախարարության կողմից իրականացված հանրապետական մրցույթներում, առարկայական հանրա-

պետական մրցույթներում մրցանակային տեղեր զբաղեցրած:

III. ՈՐԱԿԱՎՈՐՄԱՆ ՏԱՐԱԿԱՐԳԻ
ԸՆՈՐՀՄԱՆ ՀԱՄԱՐ ԱՆՀՐԱՃԵՇՏ ՓԱՍՏԱԹՂԹԵՐԻ ՑԱՆԿ

- 7. Հանրակրթական ուսումնական հաստատության ուսուցչի որակավորման տարակարգի շնորհման համար անհրաժեշտ են հետևյալ փաստաթղթերը՝
1) դիմում՝ ուղղված Լեռնային Ղարաբաղի Հանրապետության կրթության և գիտության նախարարին,
2) անձնագրի պատճենը,
3) զբաղեցրած պաշտոնին համապատասխանելու մասին ատեստավորման ատեստավորման թերթիկի պատճենը,
4) կրթության վերաբերյալ փաստաթղթի (դիպլոմ) պատճենը,
5) աշխատանքային գրքույկի պատճենը,
6) Լեռնային Ղարաբաղի Հանրապետության կրթության և գիտության նախարարության հաստատված ձևին համապատասխան՝ դպրոցի տնօրինության կողմից տրված տեղեկանք՝ ուսուցչի վարպետության առնվազն «լավ» մակարդակի մասին,
7) Լեռնային Ղարաբաղի Հանրապետության կրթության և գիտության նախարարության կրթության պետական տեսչության տեսչավորման կամ արտաքին գնահատման արդյունքում տրված տեղեկանք տվյալ ուսուցչի ցուցանիշների մասին,
8) հեղինակային աշխատությունները:
8. Փաստաթղթերը ներկայացվում են բնօրինակների և պատճենների հետ: Բնօրինակները պատճենների հետ համեմատելուց հետո բնօրինակները վերադարձվում են:

Լեռնային Ղարաբաղի Հանրապետության կրթության և գիտության նախարարության աշխատակազմի ղեկավար՝ Է. Գրիգորյան



ԿԱՐԳ

Գրանցված է՝  
Լեռնային Ղարաբաղի Հանրապետության  
արդարադատության նախարարության կողմից  
2015 թվականի փետրվարի «17»  
Պետական գրանցման համարը 1051571  
Լեռնային Ղարաբաղի Հանրապետության  
արդարադատության նախարար  
Ա. Դանիելյան

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ  
ԿՐԹՈՒԹՅԱՆ ԵՎ ՊԵՏԱԿԱՆ ԿՐԹՈՒԹՅԱՆ ՆԱԽԱՐԱՐ  
Հ Ր Ա Մ Ա Ն**

« 30 » հունվարի 2015թ.

N 7-Ն

ք.Ստեփանակերտ

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՀԱՆՐԱԿՐԹԱԿԱՆ ՀԻՄՆԱԿԱՆ ԾՐԱԳՐԵՐ ԻՐԱԿԱՆԱՅՆՈՂ ՈՒՍՈՒՄՆԱԿԱՆ  
ՀԱՍՏԱՏՈՒԹՅՈՒՆ ՍՈՎՈՐՈՂԻ ԸՆԴՊՐԿՄԱՆ, ՀԱՍՏԱՏՈՒԹՅՈՒՆԻՅ՝ ՍՈՎՈՐՈՂԻ ՏԵՂԱՓՈԽՄԱՆ ԵՎ ԱԶԱՏՄԱՆ, ԻՆՉՊԵՍ ՆԱԵՎ  
ՍԱՀՄԱՆՎԱԾ ԺԱՄԿԵՏԻՅ՝ ՈՒՇ ՀԱՆՐԱԿՐԹՈՒԹՅԱՆ ՄԵՋ ԸՆԴՊՐԿՎՈՂ ԵՐԵՒԱՆԵՐԻ ԿՐԹՈՒԹՅԱՆ ԿԱԶՄԱԿԵՐՊՄԱՆ ԿԱՐԳԸ  
ՀԱՍՏԱՏԵԼՈՒ ԵՎ ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ՊԵՏԱԿԱՆ ԿՐԹՈՒԹՅԱՆ ՆԱԽԱՐԱՐԻ 2011 ԹՎԱԿԱՆԻ  
ՓԵՏՐՎԱՐԻ 25-Ի N 27-Ն ՀՐԱՄԱՆԸ ՈՒՇԸ ԿՈՐՅՐԱԾ ՃԱՆԱՉԵԼՈՒ ՄԱՍԻՆ**

Հիմք ընդունելով «Հանրակրթության մասին» Լեռնային Ղարաբաղի Հանրապետության օրենքի 30-րդ հոդվածի 1-ին մասի 13-րդ, 14-րդ և 17-րդ կետերը և ղեկավարվելով «Իրավական ակտերի մասին» Լեռնային Ղարաբաղի Հանրապետության օրենքի 73-րդ հոդվածի համապատասխան՝

**ՀՐԱՄԱՅՈՒՄ ԵՄ**

1. Հաստատել «Լեռնային Ղարաբաղի Հանրապետության հանրակրթական հիմնական ծրագրեր իրականացնող ուսումնական հաստատություն սովորողի ընդգրկման, հաստատությունից սովորողի տեղափոխման և ազատման, ինչպես նաև սահմանված ժամկետից ուշ հանրակրթության մեջ ընդգրկվող երեխաների կրթության կազմակերպման կարգը»՝ համաձայն հավելվածի
2. Ուժը կորցրած ճանաչել Լեռնային Ղարաբաղի Հանրապետության կրթության և գիտության նախարարի 2011 թվականի փետրվարի 25-ի «Լեռնային Ղարաբաղի Հանրապետության հանրակրթական ուսումնական հաստատության սովորողի ընդունելության, տեղափոխման և ազատման կարգը հաստատելու և Լեռնային Ղարաբաղի Հանրապետության կրթության, մշակույթի և սպորտի նախարարության 2007 թվականի օգոստոսի 24-ի N 60/Ա հրամանն ուժը կորցրած ճանաչելու մասին» N 27-Ն հրամանը:
3. Լեռնային Ղարաբաղի Հանրապետության կրթության և գիտության նախարարության աշխատակազմի կրթության և գիտության վարչությանը՝ սույն հրամանը սահմանված կարգով ներկայացնել Լեռնային Ղարաբաղի Հանրապետության արդարադատության նախարարություն՝ պետական իրավական փորձաքննության և պետական գրանցման նպատակով:
3. Սույն հրամանն ուժի մեջ է մտնում պաշտոնական հրապարակման օրվան հաջորդող տասներորդ օրը:

**Ա. ԱՍՐՅԱՆ**

Հավելված  
Լեռնային Ղարաբաղի Հանրապետության  
կրթության և գիտության նախարարի  
2015 թվականի հունվարի 30-ի  
N 7-Ն հրամանի

**Կ Ա Ր Գ**

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ՀԱՆՐԱԿՐԹԱԿԱՆ ՀԻՄՆԱԿԱՆ ԾՐԱԳՐԵՐ ԻՐԱԿԱՆԱՅՆՈՂ ՈՒՍՈՒՄՆԱԿԱՆ  
ՀԱՍՏԱՏՈՒԹՅՈՒՆ ՍՈՎՈՐՈՂԻ ԸՆԴՊՐԿՄԱՆ, ՀԱՍՏԱՏՈՒԹՅՈՒՆԻՅ՝ ՍՈՎՈՐՈՂԻ ՏԵՂԱՓՈԽՄԱՆ ԵՎ ԱԶԱՏՄԱՆ, ԻՆՉՊԵՍ ՆԱԵՎ  
ՍԱՀՄԱՆՎԱԾ ԺԱՄԿԵՏԻՅ՝ ՈՒՇ ՀԱՆՐԱԿՐԹՈՒԹՅԱՆ ՄԵՋ ԸՆԴՊՐԿՎՈՂ ԵՐԵՒԱՆԵՐԻ ԿՐԹՈՒԹՅԱՆ ԿԱԶՄԱԿԵՐՊՄԱՆ**

**I. ԸՆԴՊՐԿՄԱՆ ԴՐՈՒՅԹՆԵՐ**

1. Սույն կարգով կարգավորվում են դպրոցական տարիքի երեխայի (այսուհետ՝ սովորող)՝ հանրակրթական հիմնական ծրագրեր իրականացնող ուսումնական հաստատություն (այսուհետ՝ դպրոց) ընդգրկման, հաստատությունից տեղափոխման և ազատման, ինչպես նաև սահմանված ժամկետից ուշ հանրակրթության մեջ ընդգրկվող երեխաների կրթության կազմակերպման գործընթացի հետ կապված՝ սովորողի ծնողի (նրա օրինական ներկայացուցչի) և դպրոցի միջև ծագող իրավահարաբերությունները:

**II. ՍՈՎՈՐՈՂԻ ԸՆԴՊՐԿՄԱՆ**

2. Սովորողը հանրակրթության մեջ ընդգրկվում է «Հանրակրթության մասին» Լեռնային Ղարաբաղի Հանրապետության օրենքի պահանջներին համապատասխան:
3. Սովորողի ընդունելությունն ուսումնական հաստատություն իրականացվում է տնօրենի հրամանով՝ դպրոցահասակ երեխայի ծնողի կամ նրա օրինական ներկայացուցչի դիմումի և հաստատության ու ծնողի միջև կնքված պայմանագրի հիման վրա՝ «Հանրակրթության մասին» Լեռնային Ղարաբաղի Հանրապետության օրենքով և ուսումնական հաստատության կանոնադրությամբ սահմանված կարգով:
4. Կրթության առանձնահատուկ պայման-

ների կարիք ունեցող սովորողի կրթությունը, իր զարգացման առանձնահատկություններին և տարիքին համապատասխան, ծնողի ցանկությամբ, կարող է կազմակերպվել հանրակրթական հիմնական ընդհանուր, մասնագիտացված կամ հատուկ ծրագրեր իրականացնող ուսումնական հաստատություններում:

5. Ազգային փոքրամասնությանը պատկանող սովորողի ընդգրկմանը դպրոց կատարվում է սովորողի ազգային (մայրենի) լեզվով ուսուցմամբ կամ այդ լեզվի դասընթաց ունեցող դպրոցում (դասարանում), իսկ դրա բացակայության դեպքում ուսուցման լեզվի ընտրությունը կատարում է սովորողի ծնողը:

6. Օտարերկրյա քաղաքացիները, երկաթաբեկիկները, Լեռնային Ղարաբաղի Հանրապետության քաղաքացիություն չունեցողները (նրանց օրինական ներկայացուցիչը), ինչպես նաև այն դեպքում, երբ ծնողներից մեկը Հայաստանի Հանրապետության կամ Լեռնային Ղարաբաղի Հանրապետության քաղաքացի է, մյուսը՝ սույն կետում նշվածներից որևէ մեկը, իրենց երեխայի ուսուցման լեզվի ընտրությունը կատարում են ինքնուրույն:

Մնացած դեպքերում, երբ սովորողի ծնողները Լեռնային Ղարաբաղի Հանրապետության քաղաքացիներ են, ուսուցման լեզուն հայերենն է: Բացառիկ դեպքերում Լեռնային Ղարաբաղի Հանրապետության քաղաքացիների երեխաները Լեռնային Ղարաբաղի Հան-

րապետության կրթության և գիտության նախարարության հանձնաժողովի թույլտվությամբ կարող են ընդգրկվել ռուսերենով ուսուցմամբ:

**III. ՍՈՎՈՐՈՂԻ ՏԵՂԱՓՈԽՈՒՄ**

7. Լեռնային Ղարաբաղի Հանրապետության տարածքում դպրոցից դպրոց տեղափոխությունը կատարվում է սույն կարգի պահանջներին համապատասխան: Դասարանը որոշվում է սույն կարգի 15-րդ կետով սահմանված փաստաթղթերի հիման վրա:

8. Նախնական (արհեստագործական) կամ միջին մասնագիտական կրթական ծրագրեր իրականացնող ուսումնական հաստատություններից դպրոց սովորողի տեղափոխությունը կատարվում է ամբողջ ուսումնական տարվա ընթացքում՝ 1-ին կուրսից՝ 10-րդ դասարան, 2-րդ կուրսից՝ 11-րդ դասարան, 3-րդ և 4-րդ կուրսերից՝ 12-րդ դասարան՝ բաց թողած ծրագրային մյուսը լրացնելու պայմանով՝ պահպանելով սույն կարգի 15-րդ և 20-րդ կետերի պահանջները:

9. Հատուկ հանրակրթական ծրագրեր իրականացնող ուսումնական հաստատությունից ընդհանուր հանրակրթական ծրագրեր իրականացնող ուսումնական հաստատություն կամ ընդհանուր հանրակրթական ծրագրեր իրականացնող ուսումնական հաստատությունից հատուկ հանրակրթական ծրագրեր իրականացնող ուսումնական հաս-

տատություն սովորողի տեղափոխումը կատարվում է սույն կարգի 15-րդ կետի պահանջներին համապատասխան:

10. Սույն կարգի 15-րդ կետով սահմանված փաստաթղթերի առկայության և կրթական աստիճանների տևողության համապատասխանության դեպքում այլ երկրում ուսումնառությունն ընդհատված և Լեռնային Ղարաբաղի Հանրապետություն վերադարձած սովորողի դասարանը որոշվում է ներկայացված փաստաթղթերի հիման վրա:

Սույն կարգի 15-րդ կետով սահմանված փաստաթղթերի առկայության և կրթական աստիճանների տևողության անհամապատասխանության դեպքում սովորողի ուսումնառությունը կազմակերպվում է մեկ դասարան բարձր (բացառությամբ՝ 9-րդ դասարանի) կամ ցածր (կրթության տևողությունը 12 տարուց ավելի չլինելու դեպքում):

11. Այլ երկրներից Լեռնային Ղարաբաղի Հանրապետություն առանց կրթության վերաբերյալ համապատասխան փաստաթղթերի վերադարձած սովորողի դասարանը որոշվում է սույն կարգի 19-րդ և 20-րդ կետերի պահանջներին համապատասխան:

1-ին և 2-րդ դասարանները այլ երկրներում օտար լեզվով ուսուցմամբ դպրոցներում (դասարանում) սովորած Լեռնային Ղարաբաղի Հանրապետության քաղաքացիների երեխաները Լեռնային Ղարաբաղի Հանրապետություն վերադառնալիս ուսումը շարունա-





ԿԱՐԳ

Հավելված
Լեռնային Ղարաբաղի Հանրապետության
կրթության և գիտության նախարարի
2015 թվականի հունվարի 30-ի
N 9-Ն հրամանի

Հավելված
Լեռնային Ղարաբաղի Հանրապետության
կրթության և գիտության նախարարի
2010 թվականի հոկտեմբերի 29-ի
N 139-Ն հրամանի

Կ Ա Ր Գ

Լեռնային Ղարաբաղի Հանրապետության «ՊԵՏԱԿԱՆ ՀԱՆՐԱՎՐԹԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ» ՊԵՏԱԿԱՆ ՈՉ
ՍՈՒՍԿՐԱԿԱՆ ԿԱԶՄԱԿԵՐՊՈՒԹՅԱՆ ԿՈՆԳՐԱԿԱՆ ԿԱՌԱՎԱՐՄԱՆ ՄԱՐՄՆԻ՝ ԽՈՐՀՐԴԻ ԶԵՎԱՎՈՐՄԱՆ

Սույն կարգով կարգավորվում են Լեռնային
Ղարաբաղի Հանրապետության «Պետական
հանրակրթական ուսումնական հաստատու-
թյուն» պետական ոչ առևտրային կազմակեր-
պության կոլեգիալ կառավարման մարմնի՝
խորհրդի ձևավորման հետ կապված հարաբե-
րությունները:

1. Լեռնային Ղարաբաղի Հանրապետու-
թյան «Պետական հանրակրթական ուսումնա-
կան հաստատություն» պետական ոչ
առևտրային կազմակերպություն (այսուհետ՝
հաստատություն) հիմնվելու դեպքում Լեռնա-
յին Ղարաբաղի Հանրապետության կրթության
և գիտության նախարարը (այսուհետ՝ նախա-
րար), շրջանի վարչակազմը և Ստեփանակեր-
տի քաղաքապետարանը (այսուհետ՝ լիազոր-
ված մարմին) հաստատության հիմնադրման
կամ հաստատության կոլեգիալ կառավարման
մարմնի՝ խորհրդի ձևավորման կարգի փո-
փոխման դեպքերում երեսուցյա ժամկե-
տում, սույն կարգի համաձայն, ըստ ենթակա-
յության՝ կազմակերպում և ապահովում են կո-
լեգիալ կառավարման մարմնի (այսուհետ՝
խորհուրդ) անդամների ընտրության գործըն-
թացը:

2. Հաստատություններում խորհուրդը
կազմվում է ութ անդամից:

3. Խորհրդի անդամներին առաջադրում
են՝

- 1) նախարարը,
2) լիազորված մարմինը,
3) մանկավարժական խորհուրդը,
4) ծնողական խորհուրդը:

4. Լեռնային Ղարաբաղի Հանրապետու-
թյան շրջանի վարչակազմերի և Ստեփանա-
կերտի քաղաքապետարանի ենթակայության
հաստատություններում նախարարը առաջադ-
րում է խորհրդի մեկ անդամ:

5. Լեռնային Ղարաբաղի Հանրապետու-
թյան կրթության և գիտության նախարարու-
թյան (այսուհետ՝ նախարարություն) ենթակա-
յության հաստատություններում նախարարը
առաջադրում է խորհրդի երեք անդամ, Լեռնա-
յին Ղարաբաղի Հանրապետության շրջաննե-
րում և Ստեփանակերտ քաղաքում՝ լիազոր-
ված մարմինը՝ մեկական անդամ:

6. Լեռնային Ղարաբաղի Հանրապետու-
թյան շրջանի վարչակազմի ենթակայության
հաստատություններում վարչակազմի
ղեկավարը առաջադրում է խորհրդի երեք ան-
դամ, որոնց մեկին ներկայացնում է տեղական
ինքնակառավարման մարմնի ղեկավարը:

7. Ստեփանակերտի քաղաքապետարանի
ենթակայության հաստատությունների խոր-
հուրդներում լիազորված մարմինը առաջադ-
րում է երեք անդամ:

8. Հաստատության մանկավարժական
խորհուրդը իր կազմից փակ քվեարկությամբ
տվյալ Հաստատությունում առնվազն երեք
տարվա մանկավարժական գործունեության
ստան ունեցող անդամներից ընտրում է
խորհրդի երկու անդամ:

9. Սույն կարգի 8-րդ կետով սահմանված
ստաժի պայմանը չի գործում երեք տարուց
պակաս գործող հաստատության խորհրդի
անդամ ընտրելիս:

10. Հաստատության ծնողական խորհուր-
դը իր կազմից փակ քվեարկությամբ ընտրում է
հաստատության խորհրդի երկու անդամ:

11. Հաստատության խորհրդի կազմում չի
կարող առաջադրվել այն ծնողը, ով միաժա-
մանակ հանդիսանում է տվյալ հաստատու-
թյան մանկավարժ:

12. Խորհրդի անդամի լիազորությունները,
լիազորությունների դադարեցման հիմքերը,
պարտավորությունները սահմանվում են Լեռ-
նային Ղարաբաղի Հանրապետության օրենք-
ներով և այլ իրավական ակտերով:

13. Հաստատության ենթակայության փո-
փոխության դեպքում լիազորված մարմնի
կողմից առաջադրված խորհրդի անդամների
ընդգրկվածության համամասնությունը համա-
պատասխանեցվում է սույն կարգի 4-րդ, 5-րդ,
6-րդ կամ 7-րդ կետերի պահանջներին:

14. Օրենքով սահմանված դեպքերում՝
խորհրդի անդամի լիազորությունների դադա-
րեցման դեպքում նրան առաջադրող մարմինը
քամուրջա ժամկետում առաջադրում է նոր
թեկնածու՝ համաձայն սույն կարգի:

15. Հաստատության տնօրենը չի կարող
լինել տվյալ հաստատության խորհրդի կազ-
մում:

16. Լիազորված մարմինը, հիմք ընդունե-
լով հաստատության մանկավարժական և ծնո-
ղական խորհուրդների որոշումները, տասնօր-
յա ժամկետում, ըստ ենթակայության՝ հաստա-
տում է խորհրդի անվանական կազմը կամ
սույն կարգի պահանջների խախտման դեպ-
քում՝ մերժում է խորհրդի անվանական կազ-

մում առաջարկված անձի կամ անձանց թեկ-
նածությունը:

17. Խորհրդի առաջին նիստը վարում է
տարիքով ավագ խորհրդի անդամը:

18. Խորհուրդը փակ քվեարկությամբ ընտ-
րում է խորհրդի նախագահ՝ խորհրդի անդամ-
ների ընդհանուր թվի ձայների մեծամասնու-
թյամբ:

Ընտրությունը չկայանալու դեպքում եռօր-
յա ժամկետում անցկացվում է կրկնակի
քվեարկություն: Կրկնակի քվեարկությամբ
ընտրությունը չկայանալու դեպքում ընտրված
է համարվում առավել ձայն ստացած թեկնա-
ծուն:

Այս պայմանի անհնարինության դեպքում
վիճակահանությամբ որոշվում է խորհրդի նա-
խագահը: Վիճակահանությանը մասնակցում
են առավել ձայն ստացած թեկնածուները:

19. Խորհրդի նիստերը գումարվում են
հաստատության կանոնադրությամբ նախա-
տեսված ժամկետներում և դեպքերում՝ ըստ
հաստատված ժամանակացույցի, ինչպես նաև
խորհրդի նախագահի կողմից՝ սեփական նա-
խաձեռնությամբ, լիազորված մարմնի, հաս-
տատության տնօրենի կամ խորհրդի անդամ-
ների մեկ երրորդի նախաձեռնությամբ:

Լեռնային Ղարաբաղի Հանրապետու-
թյան կրթության և գիտության
նախարարության աշխատակազմի
ղեկավար՝ Է. Գրիգորյան

ՂԱՅ ԼԵՋՈՒՆ ՏՈՒՆ Ե ՂԱՅՈՒՆ...

Սուշեղ Իշխանի հայտնի բանաստեղծու-
թյան վերնագիրն էր Շուշիի Գ. Ղազարյանի
անվան երաժշտական մասնագիտացված բա-
րեգործական դպրոցի 6-րդ և 7-րդ դասարան-
ներում կազմակերպված Մայրենիի օրվան
նվիրված դաս-միջոցառման կարգախոսը, որը
նախաձեռնել էր մայրենիի ուսուցչուհի Փա-
ռանձեմ Գաբրիելյանը:

Ուսուցչուհին դասն սկսեց այն խոսքով, որ
աշխարհի բոլոր ժողովուրդներն էլ ունեն
իրենց սեփական լեզուն, և որ բոլոր ազգերի
համար էլ իրենց լեզուն քաղցր է ու զեղեցիկ,
իսկ հայերիս համար՝ առավել ևս: Մեջքերվեց
եղիշեի՝ տարբեր լեզուների մասին բնութագ-
րումը. «Հունարենը մեղմ է, հռոմեական լե-
զուն՝ հզոր, հոմերոսը՝ ահաբեկող, ասորերե-
նը՝ աղերասկան, պարսկերենը՝ պերճ, գոթե-
րենը՝ հեզմական, հայերենը՝ քաղցր, որ միա-
ժամանակ այս բոլոր լեզուների հատկություն-
ներն է ամփոփում իր մեջ»:

Դասը շարունակվեց Վահան Թեքեյանի
«Տաղ հայերեն լեզվին» բանաստեղծությամբ,
որում ամբողջ դասի ոգին էր ամփոփված:

Քեզ, հայ լեզու, կսիրեն մրգաստանի մը
նման...

Ապա իրար հաջորդեցին հայ գրողների՝
հայոց լեզվին նվիրված բանաստեղծություն-
ների արտասանությունները: Աշակերտները
արտասանեցին Ստ. Նազարյանի, Ավ. Իսա-
հակյանի, Ե. Չարենցի, Ն. Չարյանի, Ե. Բազե-
նի, Մ. Իշխանի, Հովհ. Շիրազի, Սարմենի, Մար-
տիրոս Վեսպերի բանաստեղծություններից,
որոնցով աշակերտները բացեցին իրենց սիր-
տը, արտահայտեցին իրենց անհուն սերը մայ-
րենիի հանդեպ: Արտասանած բոլոր բանաս-
տեղծությունները հնչում էին որպես կոչ և
պատվար, որ հայը պիտի սիրի իր լեզուն,
պահպանի ու չմոռանա այն, երկրագործի որ
ծագերում էլ որ ապրի:

Լեզվին նվիրված բանաստեղծությունները
մեր ազգային հայրենասիրական պոեզիայի
հարուստ զանազան մարգարտաշար մի
մեծ շղթա են կազմում: Դժվար թե գտնվի մի
ժողովուրդ, որն իր լեզվին նվիրված այնքան
բանաստեղծություններ ունենա և իր լեզվի

պահպանությանը միտված այնքան պատվե-
րներ ուղղի իր մանուկներին: Այս պատվերը
ծն-
վել է, իհարկե, մեր ժողովրդի պատմության
մութ ու սարսափելի էջերից, մեր լեզվի ու մշա-
կույթի գլխին դամոկլյան սրի պես կախված
բազմաթիվ վտանգների ու կորստի զգացողու-
թյունից: Հազիվ թե աշխարհի մյուս ազգերի
մեջ գտնվի մի մայր, որն իր զավակին, իր որ-
դուն պատգամ հղելիս իբրև հորդոր կամ մաղ-
թանք ասի՝

Թե մորդ անգամ մտքից հանես,
Քո մայր լեզուն չմոռանաս:

Աշակերտները արտասանեցին նաև մեր
սուկերենիկ գրաբարով, արտասանեցին նաև
միջին հայերենով, արևմտահայերեն և վերջա-
պես արևելահայերեն բանաստեղծություննե-
րը՝ ցույց տալու համար մեր լեզվի զարգացման
բոլոր փուլերում էլ իր քաղցրությունն ու քնք-
շությունը պահպանած լեզուն: Հետաքրքիր
էին հնչում հատկապես օտար գրողների ու
արվեստագետների կողմից հայոց լեզվի մա-
սին արտահայտած ասույթները՝ շեշտելու հա-
մար այն փաստը, որ ոչ միայն մենք՝ հայերս
ենք փառաբանում և զովերգում մեր լեզուն,
այլ նաև օտարները, որոնք քիչ թե շատ առնչ-
վել են նրան: Այստեղ ակամայից հիշում են
«Միմինո» կինոնկարը, երբ հայ հերոսը՝ «Ռու-
բիկ ջան»-ը, գրուցելով վրացի իր նորածնոթ
ընկերոջ՝ Միմինոյի հետ, հրավիրում է նրան իր
հայրենի Դիլիջան քաղաք՝ ասելով, որ իրենց
քաղաքի ջուրը աշխարհում երկրորդ տեղն է
գրավում: Միմինոն հեզմախառն և վիրավոր-
ված ասում է, թե գուցե առաջինն էլ երևանում
է: Իսկ ոչ պարծենկոտ ու համեստ խաչիկյանը
պատասխանում է. «Ոչ, Սան Ֆրանցիսկոյում»:

Ինչու՞՝ հիշեցինք կինոնկարի այս դրվագը:
Որոշ օտարազգիների մոտ այն թյուր կարծիքը
կա, որ մենք՝ հայերս, պարծենկոտ ու գլուխ-
գովան ազգ ենք, որ սիրում ենք գովել այն
ամեն-ամենը, ինչ մեզ է պատկանում, այդ
թվում՝ նաև մեր լեզուն: Այդ թյուր կարծիքը
հերքելու համար աշակերտները բազմաթիվ
ասույթներ հիշեցին, որոնք իրենց ժամանակին
տարբեր առիթներով հնչել էին օտարազգինե-
րի կողմից՝ Բայրոնի, Յուլիոսի, Բյուրուսի, Գոր-

կու, Մառի, Ֆեյդիի, այլոց խոսքերը, որոնցից
մի քանիսը հարկ ենք համարում հիշատակել:

«Իմ իմացած լեզուների մեջ հայերենը բա-
ցառիկ է. նախ՝ որպես քարմամալի տրամա-
բանական լեզու, ապա նաև՝ իր ճկունությամբ,
նոր բառեր կազմելու ոյուրություններով»:

(Ֆրեդ Ֆեյդի)
Իսկ իր «Թշվառներ» վեպի թարգմանու-
թյան առիթով Վ. Հյուգոն ասում է. «Ձեր հնամե-
նի լեզուն ես չգիտեմ, բայց սիրում եմ այն, դրա
մեջ Արևելքն են տեսնում, դարերն են նշմարում
այնտեղ»: Իսկ արևելագետ-ազգագրագետ Նի-
կողայոս Մառը հայոց լեզուն բնորոշում է որ-
պես աղոթքի, աստվածային ճոխ ու անմահ
լեզու:

«Ճոխ է հայոց լեզուն, և առատորեն կվար-
ձատրվի նա, ով կուսումնասիրի այն». սա էլ
Ջորջ Բայրոնի եզրահանգումն է, երբ նա, մի
քանի տարի վեներտիկում ապրելով, Ս. Ղազար
կղզու Մայրավանքում հայերեն սովորեց:

Մի քանի ռուպե պոեզիայի աշխարհում
ընկղմվելուց հետո դասալսող ուսուցիչները
ուսնկնդիր դարձան «ստեղծագործական եր-
կունքից ծնունդ առած» բանաստեղծություն-
ների: Աշակերտներին մի քանի ռուպե ժամա-
նակ տրվեց՝ լսած բոլոր բանաստեղծություն-
ներից ստացած մնայուն տպավորությունները
թղթին համծնելու արժակ կամ չափածո: Եվ
դասի ժամանակ մեր աշակերտների կողմից
ծնվեցին մայրենի լեզվին նվիրված մի քանի
ոտանավորներ:

Ոսկեղենիկ իմ հայ լեզու,
Արծիկ պես վսեմ ես դու,
Բազեի պես անվախ ես դու,
Սիխակի պես չքմաղ ես դու,
Սիրոյն ան թեզ,
Իմ երգեցիկ
Հայոց լեզու:

Լեզուն մեր զենքն է,
Լեզուն մեր դեմքն է,
Լեզուն մեր լույսն է,
Համայն աշխարհում:

Լեզուն ես դու իմ մայրենի,
Մեր թշնամուց անպարտելի,

Հպարտ ու ինձ շատ սիրելի,
Զնքուշ, անուշ ու նագելի:
Դաժան օրեր շատ ես տեսել,
Բայց կանգուն ես միշտ մնացել,
Քեզ կսիրեմ ես մինչև նահ
Կփայլայեմ մորս նման:

Աշակերտները չմոռացան նաև իրենց ամե-
նօրյա խոսակցական լեզուն՝ արցախյան բար-
բառը: Չարմամալի աշխուժություն պատեց
երեխաներին, երբ իրենց ընկերները սկսեցին
պատմել հեքիաթ՝ սեփական բարբառով:
Նրանց գոհունակություն և հաճույք պատճա-
ռեց հատկապես Ս. Կապուտիկյանի «Ղարա-
բաղի բարբառը» բանաստեղծության արտա-
սանությունը:

Դասն ամփոփվեց մի հետաքրքիր արարո-
ղությամբ. աշակերտները Մաշտոցի նկարի և
իրենց ձեռքով պատրաստած, մանրանկարչա-
կան արվեստով զարդարված այբուբենի մոտ
երղվեցին:

Երղվում են պահպանել քեզ որպես սերն-
դեսերունդ փոխանցած

Եվ ինձ վստահած տոհմական սրբություն,
Նվիրումով լրացնել քո մատուքանման կո-
րուստները,

Նորոգել քո մագաղաթյա ազնվականու-
թյունը

Նոր ժամանակների հյութ ու ավիշով,
Քեզնով արտասանել միայն արդարության
խոսքեր:

Երղվում են կրել քեզ շնչովս, արյունովս,
այրունովս

Եվ ինձնով տանել-հաղորդել զավակներիս
Քո հավերժական կենդանությունը:

Երղվում են:

Մայրենիի օրվան նախորդած Գիրք նվիրե-
լու օրն էլ աննկատ չանցավ: Այդ օրվա ընթաց-
քում մայրենիից բացառիկ 10 գնահատական
ստացած դպրոցի 4 աշակերտների տնօրինու-
թյունը գեղարվեստական գրքեր նվիրեց:

Գոհար ՄԿՐՏՅԱՆ
Շուշիի Դանիել Ղազարյանի անվան
երաժշտական մասնագիտացված
բարեգործական դպրոցի
ղնթն

ԳՐԱՍԵՐ

ՀԱՐԿԱՎՈՐ Է ՍԹԱՓՎԵԼ ԵՎ ՍԿՍԵԼ ԱՅՆՏԵՂԻՑ, ՈՐՏԵՂԻՑ ՊԵՏՔ Է ՍԿՍԵԼ

Ընթերցանությունը ամեն բանն առաջ դպրոց է, ուսում, կրթություն:

Լ.Շանթ

Հայ ժողովրդի մշակութային ժառանգության հարուստ գանձարանում ամենամեծ և թանկագին հրաշալիքը հայոց լեզուն է: Նա մեզ ծառայում է այսօր նույն հաջողությամբ, ինչպես ծառայում էր 200 տարի սրանից առաջ: Նրանով է ծնունդ առել ու ծաղկել հայ գրականությունը, գրականությունը, որը մեր ազգի հոգևոր գործընկերն է, մեր անկախ պետականության և ազգային միասնության գաղափարական հենարանը, մեր ինքնության դիմագիծն ու նկարագիրը պահողը: Այդ իսկ պատճառով մեր կրթական համակարգի ամուր և արդյունավետ գործունեության համար, որպես գաղափարական պայքարի կարևոր զենքեր, պետք է ծառայեն մեր լեզուն ու մեր գրականությունը:

Մեզ՝ հայերիս, օրի, ցրի պես անհրաժեշտ են այդ զենքերը: Նրանցով զինվելու համար պետք է խորը ուսումնասիրել ու լավ սովորել մեր լեզուն, փրկել այն աղավաղումներից, պահել ու պահպանել, պետք է սիրել գիրքը և շատ կարդալ:

Ես ուզում եմ խոսել մի ցավոտ հարցի մասին, որն այսօր շատ-շատերին է մտահոգում: Դեռևս իր ժամանակին մեծն Պարույր Սևակը, չթաքցնելով իր մտավախությունը, այսպես է ասել. «Մագաղաթից գրականություն, պատմություն կերտած ժողովրդի նոր սերունդը հեռանում է գրքից: Պակասում է հոգևոր հացով սնվող հայերի թիվը: Հոգու երկրաշարժ է, հափրած ուղեղների ու որկրամուկների առատություն: Մի՞թե ոգու սովն է եկել...»:

Ես՝ որպես ուսուցչուհի, մի քանի փոփոխություններ եմ անդրադառնում այս տողերին և այն կարծիքին եմ, որ թե դպրոցը, թե՛ ընտանիքը և թե՛ հասարակությունը պետք է լուրջ աշխատանք տանեն այս ուղղությամբ: Չպետք է թույլ տանք, որ մեր երեխաները ապրեն գրքերից հեռու, ընթերցանությունից կտրված: Այո՛, հարկավոր է սթափվել, սկսել այնտեղից, որտեղից պետք է սկսել: Ընթերցասիրությունը, գրքասիրությունը երեխաների մեջ պետք է պատվաստել դեռ վաղ տարիքից:

Այս կարևոր խնդրի շուրջ անհա թե՛ ինչպես է արտահայտվել հայ մշակութային գրող, մանկավարժ Լևոն Շանթը. «Պետք է ամեն մարդ համակվի այն խորին ծշմարտությամբ, թե ով օրական գրեն 1 ժամ կհատկացնե կանոնա-

վոր, հանգիստ և ընտրովի ընթերցանության, անհկա ոչ միայն իր վայելքին ու բարձրացման կաշխատի, այլև կծառայե ամբողջ մարդկության մարդկայնացմանը, նրբացմանը, ազնվացմանը»: Իսկ անգլիացի գրող, հրապարակախոս Ջոզեֆ Ադինգեր ընթերցանությունը համարել է ամենավաղ դեղամիջոցը մարդու միտքը թարմացնելու և, այսպես ասած, առողջ պահելու համար:

Այո՛, ամեն օր սպորտով զբաղվելով՝ մենք մեր մարմինն ենք աշխատեցնում, կրկնում, իսկ շարունակական ընթերցանությունը հարստացնում է միտքը, զգացումները, հոգին:

Ցավոք, գիտության ու տեխնիկայի այս վերընթաց ժամանակաշրջանում գիրքը կարծես մոլորել է ետնախորշ՝ իր իշխանությունը տալով համակարգչին, որը գիտելիքների յուրօրինակ աղբյուր է դարձել:

Իհարկե, համակարգչի բազում հնարավորություններն ու արժանիքները, այդ տեխնոլոգիային լավ տիրապետելը մենք չենք թերագնահատում, ընդհակառակը, գովում ենք, բայց գրական հարստության աղանաղյա փայլը միայն գիրք ընթերցելիս է շողարձակվում:

Դա կհասկանա միայն նա, ով կարդացել է շատ գրքեր և դեռ շարունակում է կարդալ:

Այս նոր տարում «Ղարաբաղ Տելեկոմ» ընկերությունը Արցախի մանուկներին հետաքրքիր անանկվալ է մատուցել: Մեր գյուղի՝ Մեծ Թաղերի միջնակարգ դպրոցի՝ առաջինից վերջերջ դասարանների բոլոր աշակերտները իրենց Ամանորի նվերների մեջ մի հաճելի գիրք են գտել:

Ոչ միայն երեխաներին, այլև մեզ՝ ուսուցիչներին, դա շատ է ուրախացրել: Չմեռային արձակուրդներից հետո այդ դասարանների աշակերտների հետ հանդիպելով՝ նրանք բոլորին այս հարցն են առաջադրել. «Նվեր-գիրքը կարդացե՞լ եք, հետաքրքիր էր»: Պատասխանները աշխույժ էին ու դրական:

Այս փաստից հետո եկել է այն եզրակացության, որ ծնողը իր դպրոցահասակ երեխայի համար պետք է անպատեն առիթներով փոխանակ տարբեր տեսակի խաղալիքներ գնի, ավելի լավ է մեծ ուշադրություն դարձնի երեխայի տնային ընթերցանության հարցին, նրան գրքեր հաճախակի նվիրի և օրական որոշ ժամանակ հատկացնի երեխայի բարձրանալու ընթերցանությունը ստուգելու, լսելու համար:

Երեխայի համար տիպի է նույն դասանյութը

թը մի քանի անգամ կարդալը: Այդ միօրինակ աշխատանքը նրան ծանծաղույթ է պատճառում, հոգնեցնում: Նոր հեքիաթի կամ պատմվածքի ընթերցումը արդեն հետաքրքիր կլինի, երեխայի մոտ էլ կմշակի ընթերցելու տեխնիկա, կօգնի ուսմանը, բառապաշարի հարստացմանը, իսկ ծնողի ու երեխայի միջև նոր հոգևոր կապ կստեղծվի:

Շատ ողջունելի կլինի, որ բոլոր դպրոցներում ուսուցիչները, առավել ևս գրականության ուսուցիչներն ու դասուղեները, լուրջ ուշադրություն դարձնեն ընթերցասիրության պատվաստման աշխատանքներին: Այն մանկավարժական, դաստիարակչական աշխատանքի մի կարևոր բնագավառ է: Դրա համար էլ պետք է գրքի քննարկումներ, գրական խաղեր, վիկտորինաներ, գրքի շաբաթներ հաճախակի անցկացնեն, հանձնարարեն գրել շարադրություններ կարդացած գրքի, սիրած հերոսի մասին: Սրանք այն կենդանի դրական ազդակներ են, որոնք կնպաստեն երեխաների մեջ ընթերցասիրության ձևավորմանը: Ես դրանում համոզվել եմ սեփական փորձով:

Հիշում եմ՝ իմ նախկին 7-րդ դասարանի աշակերտների հետ անց էի կացրել գրույց «Գիրքը բույսի ման է: Երկուսն էլ թթվածին են արտադրում» հետաքրքիր թեմայով:

Զրույցի ընթացքում երեխաները շատ բան իմացան, ինչպես նաև հասկացան, որ գիրքը ճանապարհ է, որը տանում է դեպի իմացություն, դեպի կատարյալը, որ գիրքը մի հզոր ուժ է, որով օժտվում է կարողացող միայն, իսկ իրենք սահմանափակվում էին միայն օրվա դասերով՝ անտեսելով իրենց ամենահավատարիմ ընկերոջը: Գրքեր քիչ էին ընթերցում ու անմիջապես խոստացան կապվել գրադարանի հետ, իրենց ազատ ժամերը նվիրել ընթերցանությանը:

Քանի դեռ տպավորությունը թարմ էր, գրեցի պատի թերթ «Գիրքը գիտելիքների աղբյուր է» խորագրով: Թերթի առաջին մասում՝ առաջնորդող հոդվածի մեջ, պատմել եմ գրքերի՝ այդ գունագեղ աշխարհի ու նրանց հրաշագործ գրություն մասին, այն գրքերի մասին, որոնք պարտադիր են բոլոր դասարանների աշակերտների համար, գետեղել եմ ասույթներ գրքի մասին, իսկ երկրորդը՝ «Ինչ եմ կարդացել» հատվածում, դասարանի 17 աշակերտների անունով պատի թերթի վրա գրաբանակներ եմ փակցրել ու նրանց մանրամասն բացատրել իմ նպատակը:

Թերթը լույս ընծայելուց հետո դասարան

ում մի յուրօրինակ ընթերցանության մրցույթ էր սկսվել: Աշակերտներից յուրաքանչյուրը ձգտում էր, որ իրեն հատկացված գրապահկում ընթերցած գրքերի ցանկը առավել շատ լինի: Ես իմ անձնական գրքերն էի նրանց տրամադրում, իսկ ազատ կամ արտադասարանական ընթերցանության ժամերին մեծ աշխույժով ինձ հետ կիսվում էին իրենց տպավորություններով, հարցնում էին այն ամենամոտ թաղերի բացատրությունները, որոնք իմաստը չէին հասկացել, ոմանք էլ արտահայտիչ ընթերցում էին իրենց կարդացած գրքի դուր եկած հատվածները, որոնք իմ խորհրդով արտագրել էին գրականության տեսրերում: Պետք է ասեն, որ իմ այս նախաձեռնությունը մի քանի նպատակ էր հետապնդում: Առաջին հերթին ուզում էի աշակերտներին նախապատրաստել ծրագրային նյութերի ուսումնասիրմանը, ընդլայնել ու խորացնել ստացած գիտելիքները, այնուհետև հարստացնել բառապաշարը, զարգացնել ստեղծագործական միտքը և, վերջապես, հասնել այն բանին, որ ընթերցանությունը դառնա նրանց ներքին, հոգեկան պահանջը:

Մեր դպրոցում հունվարի 21-ից մայրենիի միամսյակ էր հայտարարված: Մայրենիի օրվան նվիրված իմ նոր միջոցառումների ու գրույցների ցանկում տեղ է գտել նաև 6-րդ դասարանի «Մայրենի»-ի դասագրքում գետեղված՝ Աղասի Այվազյանի «Գրախանութ» ստեղծագործությունը:

Գրական դատը, որ կազմակերպում եմ այդ դասից քաղած տվյալների հիման վրա, կորած արդարությունը վերականգնելուց բացի ուզում է նաև սեր ներշնչել դեպի գեղարվեստական գիրքը, ընթերցանությունը:

Հույս ունեմ, որ այդ ստեղծագործության գլխավոր հերոսը՝ այն փոքրիկ տղան, դրական վառ օրինակ կծառայի մեր դպրոցի բոլոր աշակերտների համար:

Եկեք մեր երեխաներին, մեր աշակերտներին լավ ու համոզիչ բացատրենք գրքի կարևորությունը և ընթերցասիրության ծիլեր արձակենք նրանց հոգում. չէ՞ որ, իրոք, գիրքը այն օգտակար բույսն է, որ իր արտադրած թթվածնով լուռ ու աննկատ կյանքի գորշությունից մաքրում, պաշտպանում է մարդուն:

**Լաուրա ԱԼԹՈՒՆՅԱՆ**  
**Հարությունի 2րդ. Մեծ Թաղերի Ա.Խանկերյանցի անվ. միջն. դպրոցի հ.լեզվի ու գրականության ուսուցչուհի, ՍՐԱԿ**

Շնորհավորանք

ԱՆՄԱՆՈՐԴ ՆՎԻՐՎԱԾՈՒԹՅԱՄԲ



Նա մեկն է այն մարդկանցից, ովքեր սևակյան բնութագրմամբ, Ընդունում են ու տանում են Ամեն հարված, Բայց մնում են Ելի կյանքին սիրահարված: Ֆիզիկայի լավագույն մասնագետ և փորձառու մանկավարժ, Վանքի Գ.Հայրապետյանի անվան միջնակարգ դպրոցի տնօրեն Վարյա Ավանեսյանի մասին է խոսքը: Կան մարդկային խառնվածքը ամբողջովին ներկայացնող ընդգծված բնորոշիչներ, որոնց օգնությամբ միայն կարելի է թանձր գույներով խտացնել ու կերտել մարդ - ամհատի կերպարը, ինչպիսին նա է: Ծնվել է 1955թ. Մարտակերտի շրջանի Առաջաձոր գյուղում: Ոսկե մեդալով ավարտելով Առաջաձորի միջնակարգ դպրոցը և գերազան-

ցությամբ՝ բուհը, նա տաքուն տեղեր չորոնեց, այլ որոշեց գնալ ամենահեռավոր՝ Շամխորի շրջանի Աթաբեկ հայկական գյուղի և իր գործունեությունը սկսել այնտեղից, ինչպես ինքն է ասում. «Հայրենիքը սկսվում է սահմաններից» կարգախոսով, իսկ հայրենասիրությունը սկիզբ էր առել ծնողներից: Այնուհետև մանկավարժական գործունեությունը շարունակել է Չարդախուր փառահեղ գյուղի Հովհ.Բաղդասյանի անվան միջնակարգ դպրոցում, որտեղ էլ կայացել է որպես ուսուցիչ: Մշտապես նրա հուշերը պտտվել այդ գյուղի խիզախ մարդկանց և մեծ մանկավարժների շուրջ իր գործունեության ողջ ընթացքում:

1986թ. տեղափոխվել է Արցախ և աշխատել Ծմակահողի, Գետավանի, Չափարի, Ստեփանակերտի հ.6 և հ.1 դպրոցներում, ինչպես նաև Կրթության ազգային ինստիտուտի Արցախի մասնաճյուղում՝ որպես ֆիզիկայի մասնագետ:

Տիկին Վարյա Ավանեսյանը աշխատել է դպրոցական գործի բոլոր օղակներում, անսահման սիրուն է իր աշխատանքն ու երեխաներին, հպարտանում է իր լավ աշակերտներով: Նա բազմակողմանի զարգացած ուսուցչուհի է, կիրթ ու կարդացած, նրան հետաքրքրում են ոչ միայն ֆիզիկական, այլև ամեն ինչ՝ իր ամենա-

լայն պարագծով: Քաջատեղյակ է հայ և համաշխարհային գրականությանը, արվեստին, ունի մեծ հետաքրքրություն բոլոր առարկաների նկատմամբ:

Աշխատանքում խիստ պարտաճանաչ, կարգապահ, պատասխանատվության մեծ զգացումով լեցուն Վարյա Ավանեսյանը համալրում է ամենախելոք մանկավարժների, առաքինի և ազնիվ մարդկանց, երկրի արժանավոր քաղաքացիների շարքը:

Երբ սկսվեց Արցախյան շարժումը, նա ամբողջովին նետվեց նրա հորձանուտը: Իր հայրենասիրական ելույթներով և իր գործունեությամբ միշտ ոգևորել և համախմբել է ժողովրդին, հետագայում՝ սատարել կռվողներին ու մինչև այսօր էլ իր մարտական կեցվածքով և գործունեությամբ ծառայում է հայրենիքին, ինչպես հարկն է:

Իր աշակերտներին նա դաստիարակում է ազնվության, արդարության, ընկերասիրության և հայրենիքի պաշտպանության ոգով:

1988թ. ապրիլի 24-ին մի խումբ հայրենասերների հետ Գանձասարում առաջին անգամ կազմակերպել է Հայոց եղեռնին նվիրված միջոցառում:

Իր աշխատանքային տարիներին կազմակերպել է բազմաթիվ և բազմաբնույթ միջոցառումներ:

հաշվի է առնում նաև ուսուցիչների կարծիքը:

Այսօր նա 60 տարեկան է: Մանկավարժի կեցվածքով ու պահվածքով ամեն օր նա հայտնվում է նոր նպատակադրումների խաչադիմերում:

Նրա մոտ ամեն ինչ ասես «հարթ» լինի, աշխատանքում՝ պարկեշտ, օրինապահ, ընկերասեր, օժանդակող, ըմբռնող, «դժվար» կուլեկտիվ համախմբող:

Մեր սիրելի հոբելյարին մաղթենք արևաշատություն, ուժ և ստեղծագործական եռանդի բազմապատում այս շնորհակալ աշխատանքում, քանզի ամեն մի բովանդակալից կենսագրություն իր տեղն ունի արցախահայ պատմության էջերում: Նա հաճախ է հպարտանում իր ընկերներով, բարեկամներով և իր 3 երեխաներով, որոնք արժանավոր քաղաքացիներ են, հարգված մարդիկ:

Շնորհավոր ծնունդդ, սիրելի գործընկեր և տնօրեն, նորամուր բարձունքների նվաճման ճանապարհիդ թող երկար ճառագի արևը, և նրա լույսը լինի Ձեզ ուղեկից:

*Վանքի միջնակարգ դպրոցի մանկավարժական կուլեկտիվ*

ԼԵՉՎԱՍԵՐ

ՆԵՏԵՎՈՐԱԿԱՆ ԱՇԽԱՏԱՆՔ Ե ՊԵՏԲ

Բոլորս պարտավոր ենք խոսել կիրք, մաքուր հայերենով: Երբ այս տեսանկյունից վեր ենք լուծում մեր խոսքը, ապա գոհամալու քիչ բան ենք գտնում, շատ-շատերս ոչ միայն գրագետ չենք խոսում, այլև չենք կարողանում ճիշտ ձևակերպել ասելիքը, թույլ ենք տալիս բազմաթիվ ու բազմատեսակ սխալներ: Խոսում ենք անկիրք, ոչ գրագետ: Եվ այս վիճակի համար շատերը մեղադրում են դպրոցին: Սրա մեջ ճշմարտություն կա, բայց չպետք է մոռանալ, որ կիրք խոսելու հիմքերը դրվում են ամենից առաջ տանը, երբ երեխան սկսում է թրթռվել առաջին բառերը, կազմել առաջին նախադասությունները: Լեզվագործածության կարողությունը մշակվում է տարիների ընթացքում, և որոշիչ դեր են կատարում մի շարք գունարեւիներ՝ պայմանները, հանգամանքները, միջավայրը, որոնցում զարգանում են խոսելու ուսակությունները, մշակվում կիրք խոսքի հմտությունները: Եթե ընդհանրացված ասենք, ապա այդ գունարեւիներն են ընտանիքը, մանկապարտեզը, դպրոցը, հասարակական միջավայրը: Խոսենք այդ գունարեւիներից մեկի՝ ընտանիքի մասին:

Չենք սկզբից շեշտենք, որ կիրք խոսքի կարողությունների մշակման մեջ ամենավճռական դերը պատկանում է մորը:

Երեխան առաջին բառերը լսում և սովորում է ընտանիքում՝ ծնողներից, պապիկից ու տատիկից, քրոջից ու եղբորից, հարազատներից: Նա մեծերին ընդօրինակում է նաև խոսքով: Ընդ որում՝ բավականին արագ է սովորում բառերը, և արդեն երկու տարեկանում իմանում է շուրջ երեք հարյուր, երեք տարեկանում՝ չորս- հինգ անգամ ավելի բառեր: Հասկանալի է՝ դրանք հիմնականում մեզ շրջապատող առարկաների, անձերի, նրանց հատկանիշների, գործողությունների անուններն են, որ լսում է և գործածում: Երեխայից հաճախ կարելի է լսել «Սա ի՞նչ է» հարցը: Եվ ինչ լսեց, այն էլ սովորում է, ինչպես լսեց, այնպես էլ ասում է, դրան է վարժվում: Բայց մի քանի անգամ գործածելը դառնում է սովորություն, իսկ սովորությունը փոխելը շատ դժվար է, շատ ջանքեր, հետևողականություն ու հոգատարություն է պահանջվում: Եթե մայրը գնել է ելակ, և երեխայի հարցին պատասխանում է, որ կլուբմիկ է բերել, ապա երեխան այդպես էլ սովորում է. հաջորդ օրը խնդրում է, որ իր համար կլուբմիկ բերեն, շատ է սիրում: Ինչո՞ւ ծնողը չի ասում հայերենը: Մի՞թե սա անփույթ, անտարբեր,

անպատասխանատու վերաբերմունքի արտահայտությունն է, որ մինչև վերջ էլ ոմանք գործածում են առաջին անգամ ընտանիքում ծնողներից լսած այնպիսի ոչ հայերեն բառեր, ինչպիսիք են՝ կուխնի, պեպեղիցա, չայ, սպիշկա, կարիդոր, գարիդոր, վեդրա, կուբիկ, տետրակ, խալադիկ, վարոտ, պոլ, պատալոկ, սոկ, մաշին, ռուլ և այլն, դրանք խառնում է հայերեն բառերին, աղավաղում լեզուն:

Եկեք միշտ հիշենք, որ ամենամակիրք խոսքը լեզվախառնությունն է: Հիշենք, որ ոչ միայն երեխան, այլև տարիքով մարդը, եթե որևէ առարկայի անուն առաջին անգամ լսում է ոչ հայերեն բառով, հետագայում շատ դժվարությամբ է այդ բառից հրաժարվում, հայերեն համարժեքը գործածում: Այս բանը մեզ պարտավորեցնում է զգույշ լինել, ուշադիր լինել երեխայի ներկայությամբ ասվող ամեն մի բառի, արտահայտության նկատմամբ: Դա ընտանեկան դաստիարակության պարտադիր պայման է: Բոլոր ծնողներն էլ ուզում են, որ երեխան դաստիարակված լինի նաև խոսքի առումով: Ուզում են, այո՛, բայց քիչ բան են անում:

Այնինչ պարտավոր են և կարող են շատ բան անել, մանավանդ մեր օրերում, երբ գրեթե բոլորն ունեն միջնակարգ կրթություն (էլ չենք խոսում բարձրագույն կրթության մասին), դպրոցում անցել են հայոց լեզվի համակարգված դասընթացը, լեզվի հիմնական կանոններն ու օրենքները, դրան գումարած՝ գրքերի, քերթերի ընթերցումը, հեռուստատեսությունը, լեզվին նվիրված հաղորդումները, կինոն, թատրոնը և այլն:

Ինչքան էլ զարմանալի է, մեր օրերում դեռ կան ծնողներ, որոնք ուրախանում են, որ իրենց երեխան խոսում է մեծավարի. գործածում է տարիքին ոչ սազական արտահայտություններ, կոպիտ բառեր է ասում, երբեմն՝ նույնիսկ հայիոյանը: Դրանով նրանք խրախուսում են իրենց երեխաներին, փորձերին:

Այս բնորոշումներն են և խրախուսման պայմաններում է, որ երեխան համարձակվում ու մեծին « Դու դժբո ես, բան չես հասկանում», «Լավ են անում, բա դու ո՞վ ես», «Դա քեզ չի վերաբերում», «Գնա քո տեղը նստիր ու մի խառնվիր իմ գործերին» և էլի ուրիշ վիրավորական բառեր է ասում: Նման դեպքերում ոմանք այսպես են դատում. «Երեխա է, ոչինչ չի հասկանում, կմեծանա, կհասկանա»:

Բայց չէ՞ որ դրանով բնավորություն է ձևավորվում: Գիշտ է, երեխան կարող է դրանց

իմաստը անհրաժեշտ ձևով չհասկանալ, սակայն հասկանալուց հետո էլ հեշտ չի լինի հրաժարվել «սիրած» արտահայտությունից: Լավագույն դեպքում կփոխվի հասցեատեղը՝ ընկերները, հասակակիցները, ուրիշներ: Ինչո՞ւ սովորեցնենք վատը և հետո մտածենք լավի մասին:

Երեխան որտե՞ղ պետք է սովորի մարդկային հարաբերություններում այնքան անհրաժեշտ քաղաքավարական արտահայտությունները, դիմելու կիրք ձևը և դրանք ըստ հարկի գործածելը՝ *ներեցեք, խնդրում եմ, թույլ տվեք, շնորհակալություն* և այլն, և այլն: Մենք այն կարծիքին չենք, որ այդպիսի արտահայտություններով պետք է դիմել ընտանիքի անդամներին, ամենասովորական առիթով, այլապես դրանք կարծեզրկվեն, կդառնան մի տեսակ կեղծ, շինծու, ձևական:

Բարեկամների, ընկերների, հարևանների, անծանոթների հետ շփվելու առիթներ շատ են լինում: Այս պարագայում, այս դեպքերում է, որ պիտի գործածվեն մշակած արտահայտությունները:

Տեղն է մշել, որ «քաղաքավարի» որոշ մարդիկ մոռացել են ողջույնի ու հրաժեշտի ավանդական ձևերը՝ *բարի գիշեր, բարի լույս, մնաք բարով, գնաք բարով, բարի գալուստ, բարով ես եկել* (սրանք նաև մարդասերներ են), և դրանց փոխարեն ամենուր գործածում են *հաջող բառ*, որն այնքան էլ գեղեցիկ չի հմշում: Ընտանիքում գրական լեզվի գեղեցկությունների նկատմամբ սեր ու հարգանք առաջացնելու լավագույն միջոցը ընթերցանությունն է, բացատրական ընթերցանությունը, որոշ բառեր, արտահայտություններ կրկնել տալը, կարդացածը վերաբարդելը, պատմելը՝ ընթացքում ուղղելով սխալները: Պետք է ձգտել այն բանին, որ երեխան անգիրներ շատ սովորի, դրանք հաճախակի արտասանի. սա նույնպես կարևոր հանգամանք է: Չէ՞ որ բանավոր խոսքը ըստ էության գրավորի հիմքն է: Չմոռանանք և այն, որ բոլորս մի քանի անգամ ավելի շատ խոսում ենք, քան գրում: Այստեղից էլ՝ բանավոր խոսքի մշակման, հղկման կարևորությունը: Խոսքը ևս սովորություն է, բնավորություն, որի հիմքը դրվում է ընտանիքում: Ասել է թե՛ յուրաքանչյուրս պարտավոր է հաշիվ տալ ամեն մի բառի, ամեն մի արտահայտության համար, օրինակ ծառայել երեխաներին մեր կիրք, չափած-ձևած խոսքով: Կարծում ենք՝ սա պիտի մտահոգի բոլոր ծնող-

ներին, ուսուցիչներին, դաստիարակներին: Մենք պիտի միշտ հիշենք, որ ընթերցանությունը մի պատուհան է, որի միջով երեխան տեսնում ու ճանաչում է աշխարհը և ինքն իրեն: Նախքան առաջին տողը, առաջին բառը կարդալը՝ երեխան պետք է լսի մեծի՝ ուսուցչի, ծնողի ընթերցանությունը, զգա գեղարվեստական պատկերների գեղեցկությունը: Երեխան չի տեսնի, չի զգա շրջապատող աշխարհի հմայքն ու հրապույրը, եթե չի զգացել գրքում կարդացած բառի գեղեցկությունը: Ասել է թե՛ ծնողը հետամուտ պետք է լինի, որ ընթերցանությունը երեխայի համար դառնա հոգևոր պահանջումը: Միշտ և ամենուր: Գիշտ ընտրել, թե ինչ կարդալ՝ ծնողի, ուսուցչի, դաստիարակի բացառիկ կարևոր խնդիրն է: Ցավոք, ընթերցանության գրքերում բացակայում են գեղարվեստական շատ արժեքներ, որոնք մատչելի են երեխաների ընթերցողությանը: Մի խնդիր ևս: Երեխայի կողմից շրջապատող աշխարհը և ինքն իրեն ճանաչելը չպետք է միակողմանի լինի: Գանաչելով աշխարհն ու ինքն իրեն՝ երեխան պարտավոր է կամաց-կամաց իրեն պատասխանատու զգալ հոգևոր ու նյութական այն արժեքների համար, որ ստեղծել են ավագ սերունդները: Այս ամենին հասնելու համար հետևողական աշխատանք է պետք: Տանը՝ ծնողի, դպրոցում՝ ուսուցչի կողմից: Այս խնդիրն, սակայն, շատ հաճախ պատշած ուշադրություն չի դարձվում: Բանն այն է, որ բոլոր ուսուցիչները չէ, որ իրենց աշխատանքը վերակառուցել են ժամանակի պահանջներին համապատասխան:

Լեզուն կենդանի, անընդհատ փոփոխվող ու զարգացող երևույթ է՝ ապրող, շնչող, իսկ գեղարվեստական գրականությունը դարձել է մեր կյանքի անբաժան մասը: Նույնաբար, լեզվի ու գրականության ուսուցումը չպետք է կտրել կյանքից. այն պետք է դարձնել կենդանի, աշխույժ, գրավիչ: Անհրաժեշտ է գործն այնպես կազմակերպել, որ յուրաքանչյուր աշակերտ անհամբեր սպասի լեզվի և գրականության դասին, համույթ ստանա դրանից: Սա իր հերթին ենթադրում է ուսուցչի վարպետության, պատասխանատվության, տեսական գիտելիքների բարձր մակարդակ, մանկավարժական հմտություն, արվեստ, սրտացավություն:

Միջալել ԲԱՆՍԱՆ

ՇՆՈՐՀԱՎՈՐ ԾՆՈՒՆՊՐ, ԳՈՐԾԵՆԿԵՐ



տել է հայրենի գյուղի դպրոցում, իսկ 1991թ. սեպտեմբերից առայսօր նա իր աշխատանքային գոծունեությունը շարունակում է Ստեփանակերտի հ.6 հիմնական դպրոցում:

Խստապահանջ է, անհանգիստ, պրպտող: Իր աշխատանքային գործունեության ընթացքում կրթել ու դաստիարակել է հարյուրավոր ազնիվ մարդկանց, որոնք այսօր պաշտպանում են մեր հայրենիքի սահմանները, աշխատում են տարբեր ոլորտներում և նպաստում մեր հայրենիքի շենացմանը: Նրա յուրաքանչյուր դաս յուրովի է, հետաքրքիր և ուսանելի: Դասավանդում է ժամանակակից մեթոդներով, ձգտում է ավելի հետաքրքիր և մատչելի դարձնել դասապրոցերը:

Այսօր նա 60 տարեկան է և շարունակում է ոչ պակաս եռանդով ու պատասխանատվությամբ աշխատել:

Միրելի՝ գործընկեր, շնորհավորելով 60-ամյա հոբելյանը, մաղթում ենք առողջություն, մանկավարժական բեղմնավոր գործունեություն և ստեղծագործական նորանոր հաջողություններ՝ ի շահ աճող սերնդի կրթության և դաստիարակության վեհ գործի:

Ստեփանակերտի հ.6 հիմնական դպրոցի մանկավարժական կոլեկտիվ

ԿՐՏՍԵՐ ԴՊՐՈՅԱԿԱՆՆԵՐԻ ԱԳՐԵՍԻՎՈՒԹՅԱՆ ՊԱՏՃԱՌՆԵՐԸ

Վերջին շրջանում մանկական ագրեսիվության թեման հրատապ է դարձել: Մեր հասարակության լարված, անկայուն սոցիալ-տնտեսական դրությունը բերում է տագնապ և հոգևոր ունայնություն: Այդ ամենն էպես անդրադառնում է նաև երեխաների հոգեկան վիճակի վրա՝ հաճախ դառնալով մանկական դաժանության, ագրեսիվության պատճառ: Բացի դրանից, երեխաների ագրեսիվ վարքը ոչ թե պարզապես մանկական չարածիւրության դրսևորում է, այլ միանգամայն լուրջ սոցիալական, մանկավարժական և հոգեբանական խնդիր: Ագրեսիվ երեխաների հարաբերությունները շրջապատողների հետ գրեթե միշտ լարված են լինում: Եվ այս ամենից բացի հարկ է հաշվի առնել, որ ագրեսիվությունը, դառնալով կայուն անձնային գիծ, տարիքային զարգացման հետագա փուլերում բացասաբար է անդրադառնում երեխաների անձնային զարգացման և սոցիալականացման գործընթացի վրա: Կրտսեր դպրոցական տարիքը, ինչպես յուրաքանչյուր փուլ, ունի իր ուրույն դերն անձի ձևավորման և զարգացման գործում: Այն մանկության կարևորագույն շրջաններից է և ընդգրկում է երեխայի կյանքի 6-7 տարեկանից մինչև 9-10 տարեկան հասակը, որը համապատասխանում է նրա ուսուցմանը տարրական (1-4-րդ) դասարաններում:

Մի շարք խնդիրներ առաջանում են ծնողների անտարբերությունից և այսպես ասած, «հավես չունենալուց», ինչը պայթյունավտանգ է նախ՝ իր, սպա՝ հասարակության համար: Կարծում ենք՝ ագրեսիվություն երևույթը չպետք է այնքան հասունմար, սակայն փաստ է, որ այն աճող սերնդի մեջ գլուխ բարձրացրեց մեր նորանկախ ու նորաստեղծ պետության զարգացմանը զուգընթաց: Ինչ խոսք, սա միայն մանկավարժների խնդիրը չէ, այն պահանջում է համակողմանի՝ ծնող-ուսուցիչ-հոգեբան-համայնք, աշխատանք: Առաջին հերթին սովորողը պետք է ունենա կայուն հոգեկան վիճակ, իսկ դա բխում է նրա կեցությունից, ընտանեկան վիճակից, նրա անձի նկատմամբ հարգանքից: Ընտանիքը մեծ դեր ունի ագրեսիվ և ոչ ագրեսիվ վարքի դրսևորման գործում: Եթե սովորողն իր ընտանիքում անընդհատ ակամատես է լինում հրմշտողների, կտտանքների, հայիոյանքների՝ անկախ այն բանից,

թե դա նրան վերաբերում է, թե՛ ոչ, սկսմանից նա նույնպիսի վարք է դրսևորում շրջապատում կամ վախենում է շփվել իր հասակակիցների հետ. սա հոգեբանական մեծ խնդիր է:

Վախը, սթրեսը և ագրեսիան ծնվում են անառողջ միջավայրից: Հաշվի առնելով այն հանգամանքը, որ երեխան իր զարգացման կրտսեր օղակում բառապաշարի որոշակի կուտակում է ձեռք բերում հեռուստատեսությանը ֆիլմեր, մուլտֆիլմեր դիտելուց, ուստի այս պարագայում ևս պետք է հետևողական լինել: Հատկապես կարևոր դեր է գործ ունեն ծնողները:

Ագրեսիվ վարքի շտկման, փոփոխման և ձևավորման հարցում մեծ է ծնողի աշխատանքը: Կարծում ենք՝ գեղարվեստական գրականությանը, հեքիաթների ընթերցանությանը, չարի ու բարու կերպարների վերլուծությանը վեր հանելով այն խնդիրները, որոնք առկա են երեխայի մեջ, համեմատություններ անելով խելացի հարցադրմանը, արդյունքը շոշափելի կլինի (անպայման հաշվի առնելով երեխայի տարիքային անհատական առանձնահատկությունները): Որոշ երեխաներ կհամեմատեն իրենց վարքը հեքիաթի հերոսի հետ, կփորձեն շտկել իրենց, կձգտեն լինել ավելի լավ, առանց կողմնակի խրատների և պատռնալիքների, որ շատ հաճախ են փոխարինում դաստիարակություն ասածին: Այսպիսով, բոլոր այն ծնողները, ովքեր չեն գիտակցում առկա խնդիրը և տրամաբանական տիպի հետևանքները, պետք է լինեն աշակերտ, սթափ դատեն, չմտածեն անտարբերության: չէ՞ որ անտարբերությունը թաքցնում է, օրերից մի՛ օր հաստատ կպայթի: Որպեսզի գերծմանք հնարավոր աղետից, մի տրվեք ժամանակի և ձեր իսկ էզոիստական մոտեցմանը: Գեղեցիկ հագուստ գնելը կամ լավ, շքեղ հեռախոս տրամադրելը դեռևս չի նշանակում ունենալ դաստիարակված երեխա: Ուստի, պետք է անել ամեն հնարավոր՝ բարեկիրք սերունդ և ըստ այդմ՝ բարեկեցիկ ապագա ունենալու համար:

Անուշ ԲԱՍՆԱՆՆԱՆ Մարտիրոս Չոջանի Բարահունջի հիմն.դպրոցի դասավար

Սկզբնական շրջանում աշխատ



# ԵՐԱՆՏԱՎՈՐՆԵՐ ՀԻՇՈՒՄ ԵՆ, ՄԵԾԱՐՈՒՄ

Թշվառ է այն ազգը, որ չի մեծարում ու ապահովում իր ուսուցչին: **Ղ. Աղայան**

Անցյալն ու անցավորներին հիշելը և արժանավորելը գնահատելը լավ սովորություն է, որ ավանդույթ դառնալու միտումով սկիզբ ազդարարվեց ավանդույթներով հարուստ ինստիտուտի միջնակարգ դպրոցում:

Նշվում էր դպրոցի նախկին ուսուցիչ, քիմիայի և կենսաբանության անվանի մասնագետ Վահան Գրիգորյանի ծննդյան 100-ամյակը:

Բացման խոսքով հանդես եկավ դպրոցի տնօրեն Զավեն Բեգլարյանը, որը տարաշերտ լսարանին ներկայացրեց մեծ մանկավարժի անցած լուսառաք ուղին:

Նա ցավով նշեց, որ մեր մանկավարժներից շատերը արժանիորեն գնահատվում են ոչ թե կենդանության օրոք, այլ մահից հետո:

Վահան Գրիգորյանը իր մանկավարժական 60-ամյա գործունեությունը սկսել է 7-րդ դասարանն ավարտելուց հետո (այն ժամանակ կրթությունը յոթնամյա էր): Աչքաբաց պատանու մտածել են դասարան մտնել և ուսուցչություն անել: Իսկ երբ պայթեց Մեծ հայրենականը, նա զինվորագրվեց հայրենիքի փրկության գործին և վիրավոր տուն վերադարձավ՝ կուրծքը շքանշաններով ու մեդալներով զարդարված: Պետք է հատկապես

ընդգծել այն հանգամանքը, որ խորհրդային գերագույն հրամանատարի կողմից այն ժամանակ արժանացել էր 4 բարձր պարգևի՝ Գայրենական մեծ պատերազմում աչքի

րել էր հոր մասնագիտությունը և երկար տարիներ դասավանդել Արցախի մանկավարժական ինստիտուտում: Սաներից ոմանք դարձել են բժիշկներ, որոշներն ընտրել են տարբեր բնագավառներ (գյուղատնտեսություն, կենսաբանություն)՝ ամենուր բարձր պահելով իրենց ուսուցչի անունը:

Բոլոր ելույթ ունեցողները, որ ընկ. Գրիգորյանին են, և հետագայում որպես գործընկեր աշխատել նրա հետ, ընդգծում են հատկապես մեծ մանկավարժի անշարժ և անշահախնդիր բնավորությունը, պայծառ հոգին: Ասկերանի քաղաքա-

կանների այն մեծ աստղաբույլին, որոնք սերունդներ են ճանապարհել դեպի մեծ կյանք:

Կրթության բաժնի ավագ մասնագետ Սվետլանա Ասրյանը առանձնացրեց իր ուսուցչի անսահման բնապաշտությունը: Նա սիրում էր այգեգործությունը և մեծ գործընկերը այգի էր մշակում ու բերք բերեցից բաժին հանում ընկերներին ու հարևաններին:

Կրթության բաժնի վարիչ Շահեն Աղաբաբյանը, գնահատելով այդ միջոցառումը, կարևորեց մի բան. նման հուշ-գերեզմանը գովասանքի արժանի գործ է, քանի որ այդ մեծերը աստղերի են նման, որ լուսավորում են շրջապատը: Ուրեմն՝ նրանց հիշատակը հարգելն ու անմահացնելը ապրողների սուրբ պարտքն է:

ամեն ինչ գիտի իր մոր՝ Կարինե Ասրյանի պատմություններից, որի համար ընկ. Գրիգորյանիսյանը թե՛ պապ, թե՛ հայր է եղել (մեծ ողբերգությունը խլել էր աղջկա և մյուս թոռան կյանքը, և վաղամեռիկ աղջկա կարող էր թոռնուհուց՝ Կարինեից):

Ծոռնիկը շնորհակալություն հայտնեց՝ նման միջոցառում կազմակերպելու համար, որովհետև հենց այսպես պիտի սերունդները մեծարեն արժանի մարդկանց:

Դպրոցի քիմիայի ուսուցչուհի Անահիտ Առուստամյանը խոստովանեց, որ իր սիրելի ուսուցչի հորդորով փոխեց մասնագիտությունը և երախտապարտ է նրան:

Իսկ, ահա, մեծ մանկավարժի փառաբանող իրենց խոսքով հանդես եկան դպրոցականները ու ամբողջացրին միջոցառումը:


Սա մեծ դաս է մանավանդ նոր սերնդի արժեհամակարգը համալրելու գործում:

Շոալ հոգու տեր անձնավորության անունը չպիտի մոռացության փոշով պատվի:

Չոգի քանդակողին միշտ պետք է հիշել ու մեծարել:

Շնորհակալություն առաջին հերթին Կարինե Ասրյանին՝ ընկ. Գրիգորյանի թոռանը, և մյուս բոլոր կազմակերպիչներին ու օժանդակողներին, որոնց անմիջական մասնակցությունը իրողություն դարձավ մեծարման ու գնահատման այս միջոցառումը:

**Սուրյան ՂԱԶԱՐՅԱՆ**



ընկած ծառայության համար:

1934-35 ուստարում մանկավարժական գործունեություն է ծավալել Մարտակերտի շրջանի Վաղուհաս գյուղում, որտեղ էլ հենց իր կյանքի ընկերուհուն է ընտրել: Նա աշխատել է նաև Ասկերանի շրջանի տարբեր գյուղերում, բայց գերակշիռ գործունեությունը նվիրել է հայրենի ինստիտուտ գյուղին՝ դառնալով այն ժամանակ Արցախում հայտնի քիմիայի երկու-երեք մասնագետներից մեկը:

Բարձրագույն կրթություն ստացել է 1948 թվականին:

Ընտանիքում դաստիարակվել են 3 որդի և 1 դուստր: Որդիներից մեկը՝ Արարատ Ներսիսյանը, ընտ-



պետ Ալյոշա Գաբրիելյանը երանույթամբ է հիշում անցյալ դարի 60-ա-

Չորիկ Աբրահամյանի խոսքը. նա, ճիշտ է, չի տեսել պապին, բայց

## ՀՈՐՄ, ՊԱՊԻՄ, ՈՒՍՈՒՅՉԻՄ ՍՈՒՐԲ ՀԻՇՆԱՎԻՆ` 100-ԱՄՅԱԿԻՆ



խոնարհվում են քո վեհության ու վսեմության առաջ, ո՛վ գիտելիքի ու լույսի սերմնացան, բոլորի համար հարգելի ընկեր Գրիգորյան: Վահան Գրիգորյանիսյանը ծնվել է 1914թ. Նավասարդի օրը (եկեղեցական տոն ամեն դեկտեմբեր ամսվա վերջին շաբաթ օր)՝ դեկտեմբերի 27-ին, Ասկերանի շրջանի ինստիտուտ գյուղում՝ գյուղացու ընտանիքում: Սկզբնական կրթությունը ստացել է գյուղում, իսկ միջնակարգը՝ էքստեռն կարգով: Բարձրագույն կրթությունը ստացել է Բաքվում 1948թ.:

Մանկավարժական գործունեությունը սկսել է 1934-35թթ. Մարտակերտի շրջանի Վաղուհաս գյուղում, որտեղ հանդիպել է իր կյանքի անզուգական ընկերուհուն՝ Մարիամ Օհանյանին: Նա աշխատել է շարքային ուսուցչից մինչև փոխտնօրեն: Դեռ նոր էր ամուսնացել, ու երկու մանուկները դեռ նոր էին բարբառում, երբ հայրենի երկնակամարը պատվեց սև ամպերով. սկսվեց Գրիգորյանական մեծ պատերազմը: 1941թ. բյուր հայրորդիների հետ նա մեկնեց ճակատ՝ փրկելու հայրենիքը ֆաշիստական զավթիչներից, դարչնագույն ժանտափտից՝ բարձր պահելու Գրիգորյանի պատիվը, հայի պատիվը: Վ.Գրիգորյանյանը մարտական հարուստ ուղի է անցել, տարբեր ռազմաճակատներում մի քանի անգամ վիրավորվել է, ապաքինվելուց անմիջապես հե-

տո մեկնել է ռազմաճակատ: Նա ծառայել է առաջին Բելոռուսական ճակատում, եղել է ակամանետային դասակի, հետո՝ մարտկոցի հրամանատար: Լեհաստանի մայրաքաղաք Վարշավան ազատագրելու, գերմանացիների պաշտպանությունը ճեղքելու, Բեռլինի վրա հարձակվելու, Բեռլինը գրավելու և վերահսկողության տակ առնելու մարտերին ակտիվ մասնակցելու համար չորս անգամ արժանացել է Գերագույն գլխավոր հրամանատար Ստալինի շնորհակալագրերին, 1945թ. Վարշավայի, ազատագրման, Բեռլինի գրավման, 1941-45թ. Գրիգորյանական մեծ պատերազմում Գերմանիայի նկատմամբ տարած հաղթանակի համար մեդալներով: Ցուցաբերած արիության, տոկունության և խիզախության համար նա արժանացել է Գրիգորյանական պատերազմի առաջին աստիճանի շքանշանի:

Պապս պատմել է, որ մայիսի 5-ին, երբ ազատում էին ռազմագերիներին, հենց Բեռլինի մատույցներում, ծանր վիրավորվել է, և վիրավորների հետ նրանց տեղափոխել են լեռնակայան Կոտլովից քաղաքը, ու 4 օր հետո բաղձալի լուրը՝ մայիսի 9-ի հաղթանակը տոնել են ռազմական հոսպիտալում լաց ու ծիծաղով՝ հիշելով իրենց՝ այդպես էլ հաղթանակը չտեսած արի ընկերներին: Երկու տարի անց Վ.Գրիգորյանյանը գյուղ վերադարձավ գավազանով՝ որպես հերոս հպարտ քայլելով հայրենի հողի վրա:

Չենք ցած դրեց ու նորից վերցրեց գրիչը, անցավ իր սուրբ գործին՝ մանկավարժությանը: Գթասիրտ էր, շատ բարի, ու միշտ մի գեղեցիկ, գողտրիկ ժպիտ կար նրա աչքերում. այսպես է նկարագրել նրան անվանի մանկավարժ Բահատուր Դավթյանը ընկեր Գրիգորյանի 90-ամյակին նվիրված իր հոդվածում, քանի որ աշխատել ու արարել են միասին:

Ես հպարտ եմ, որ պապիս այդպիսի մեծանուն մանկավարժներ են մեծարել, ինչպես օրինակ՝ Նիկոլայ Բաղդասարյանը, որը «Վ.Գրիգորյանիսյանին՝ իր 70 տարիների համար» նամակում գեղեցիկ բարեմաղթանքներ է նվիրել, և ուրիշներ, որոնց ես իմ շնորհակալությունն են հայտնում:

Մեծանուն մարդ, հոգեբան, գերագանց

մասնագետ Գրիգորյանյանը չէր դադարում աշխատել իր մասնագիտական հմտությունների վրա: Նա տպագրել էր մի շարք հոդվածներ, նյութեր, ելույթ էր ունենում շրջանային, մարզային փնջի նիստերում, մեթոդիկական ժողովներում, և նրա անբասիր աշխատանքը անկասկա չմնաց: 1950թ. պարզատարվեց «Աշխատանքային գերազանցության» համար մեդալով, 1955թ. արժանացավ հանրապետության «Լուսավորության աշխատողների գերազանցիկ կրթմանը»: 1984թ. հնամասին միջնակարգ դպրոցում մեծ շուքով կրթության նախարարության ներկայացուցիչների, դպրոցի կոլեկտիվի, աշակերտների և բարձրաստիճան շատ հյուրերի մասնակցությամբ նշվեց Վահան Գրիգորյանի ծննդյան 70-ամյակը:

1970թ. պարզատարվել է «Աշխատանքային արիության համար», 1975թ.՝ «Աշխատանքի վետերան», «ՍՍՄՍ զինված ուժերի ստեղծման 60-ամյա և 70-ամյա հոբելյանական» և շատ այլ մեդալներով: Չմայած թռչակառու էր, սակայն նրան նորից դպրոց էին հրավիրել աշխատելու: Եվ նորից չարաբաստիկ պատերազմը սկսեց. այս անգամ Արցախ աշխարհն էր վտանգված: Չհայտարարված պատերազմը անողորմ էր, անգիշտ՝ իր դառն օրերը բերավ: Նա անցնում էր Արցախ աշխարհով՝ շուրջը սփռելով արյուն, զոհեր, ավերածություններ: Գրիգորյանյան պաշտպանը այդ տարիքում առաջարկեց իր օգնությունը. նա այցելում էր խրամատներ, քաջալերում էր, աջակցում էր իտալասարդներին և նրանց նվիրում իր մարտական հեռադիտակը: Ակամանետների մեծ գիտակը Ստեփանակերտում ռազմական փորձադաշտում դասընթացներ անցկացրեց:

Նա տանջվում էր, երբ լսում էր իր նախկին աշակերտների զոհվելու մասին: Պատերազմը ավարտվեց մեր քաջերի հաղթանակով:

Վ.Գրիգորյանիսյանի տան դիմաց, որ գերեզմանատունն է, ավելացավ մի ծաղկազարդ «բնակավայր», մի լուռ, սակայն փառավոր ու հպարտ անկյուն՝ զոհված քաջերի նկարներով, ովքեր մեր ներկան ու ապագան են, մեր սուրբ պատմության մասունքը: Անվանի մանկավարժը չդիմացավ այս փոր-

ծությանը: Նա ամեն աղամալույսի բարի առավոտ էր մաղթում տղաներին և ամեն մայրամուտի մաղթում բարի՝ բարի՝ գիշեր:

Չդիմացավ մեծ մարդու մեծ սիրտը. այն կանգնեց հավիտյան՝ իր հետ տանելով նաև սեփական զավակների կրթությանը միջոց:

1996թ. փետրվարի 12-ին կյանքից ու մեզանից հեռացավ պապս՝ ընկեր Գրիգորյանիսյանը: Նա չորս զավակ ուներ, չորս սյուն՝ բանիմաց, գրագետ, ովքեր, ցավոք, չկան: Մեծ գերդաստանը մեծ կրողներն ունեցավ:

Ես հպարտ եմ, որ շարունակում եմ պապիս սուրբ գործը: Երդվում են լինել նրա արժանի փոխարինողը:

Շնորհավոր 100-ամյակդ, մեծ մարդ, մեծ մանկավարժ. Ձեր մանկները չեն մահանում, դուք աստղեր եք բյուր աստղաբույլերում, և ապրում եք բոլորի սրտերում ու հուշերում:

### ՆԿԻՐՈՒՄ ԵՄ ՊԱՊԻՄ՝ ՎԱՐՆԱ ԳՐԻԳՈՐՅԱՆԻՍՅԱՆԻՆ

Վճիտ աչքերդ, ու հայացքդ, Անչափ կարևոր ճիշտ խորհուրդներդ, Գրիգորյանյան, ես չեմ մոռանում: Այն, ինչի հասել ու տեսել եմ կյանքում, Նրանց համար քեզ եմ պարտական: Դիմա դու չկաս, լոկ հուշ ես դարձել, Աչքերն են քեզ փնտրել ու արցունքոտվել, Ամեն բարի մարդու մեջ «Գրիգորյան» կանչելով ես քեզ եմ փնտրել, Բարության տիպար, իմ հոգու նշխար: Իմ Աստված, իմ հայր, դու իմ աշխարհ: Մի մարդու մեջ այդքան խիղճ, համբերություն, Մի մարդու մեջ այդքան խելք, իմաստություն եմ անտա՛կ, անեզր բարություն: Երբ գովում եմ քեզ ու փառաբանում ես հիշում եմ, ու տեսնում Աստծուն խոնարհվում ու համբուրում եմ քեզ ու Աստծուն:

**Կարինե ԱՍՐԻՅԱՆ**  
**ԼՂՅ Մարտակերտի շրջ. Կիչանի ե. Դազանցիի Կ.Առաքելյանի անվան միջն. դպրոցի տնօրեն**

ՄԵՆԵՐ

ՀՈՎԱՆՆԵՍ ԹՈՒՄԱՆՅԱՆԸ ԵՎ ՀԱՅՈՑ ՄԵԾ ԵՂԵՌՆԸ

Չուվի.Թումանյանը հայ ժողովրդի քաղաքական ճակատագրին անդրադարձել է իր ամբողջ ստեղծագործական կյանքում: Պատմվածքներում, հրապարակախոսական հոդվածներում, քննադատական մեջ մշտապես քննարկել է իր ժողովրդի ողբերգական ճակատագիրը, փրկության ուղիներ որոնել, ժողովրդին վարակել իր լավատեսությամբ, ծանր օրերին հույս ներշնչել:

Օսմանյան թուրքիայի վարած հայախալած քաղաքականության տարիները հանրային Թումանյանի ստեղծագործական հատուն շրջանին, ինչը պայմանավորեց կարելի է կոչել 1890-1923թթ.:

Այս ծանր ժամանակահատվածում Արևմտյան Հայաստանի հայ բնակչությունը պարբերաբար ենթարկվեց ջարդի ու թալանի, ինչը, բնականաբար, չէր կարող անտարբեր թողնել զգայուն ու ազգամոլ բանաստեղծին:

1895-1896թթ. ջարդերի տպավորության տակ Թումանյանը գրեց «երկու հայր» փոքրածավալ պատմվածքը: Թումանյանը գեղարվեստի հզոր ուժով փոքր ծավալի մեջ կատարել է խտացում, կերտել է հայոց Վեհափառ Հայրապետի ողբերգական կերպարը: Իր սզակիր զավակներին սփռվելու փոխարեն՝ հայոց Հայրապետը օրհնություն է հայցում ընտանիքը կորցրած գյուղական քահանայից:

Պատմվածքում այն տպավորությունն է, որ Թումանյանը հայոց վարդապետի կերպարում տեսել է իրեն՝ կանխազգայով գալիք արհավիրքները:

Այն, ինչ կատարվեց հետագայում, իրոք, Թումանյանին դարձրեց տիեզերական վշտի տեր բանաստեղծ է որդեկորույս հայր, ով իր անձնական վիշտը միանույն կամազգային ողբերգությանը և փորձեց սփռված գտնել ստեղծագործ աշխատանքի մեջ՝ անմնացորդ նվիրվելով ժողովրդի փրկության գործին:

1914թ. սկսվեց Առաջին համաշխարհային պատերազմը, որը նոր հույսեր ու ակնկալիքներ բերեց իր հետ: Հայ երիտասարդ մտավորականներից շատերը հավատացած էին Հայաստանի վերջնական փրկության մեջ և այդ հույսով էլ կամավորագրվեցին պատերազմին: Երբ 1914թ. Թումանյանը գրեց «Վերջին տագնապը» բանաստեղծությունը, որով բացում է պատերազմի իրական դեմքը:

Վեր է կացել հին վիշապը նոր թափով, վեր է կացել վերջին մոլի տագնապով Արյունը ռուշտ, ոճիրներով ահավոր, Մահ է շնչում լեռներն ի վեր ալևոր:

Ինչպես երևում է բանաստեղծության տողերից, Թումանյանը հավատացած էր, որ պատերազմը իրականում փրկությունն է և առանձին հույսեր չէր փայտալուս՝ կապված Արևմտյան Հայաստանի հետ, բացառությամբ նրա, որ, գնահատելով Հայաստանի աշխարհագրական դիրքը, քաղաքական տեսանկյունից խոսում էր իր ռուսական կողմնորոշման մասին: 1916թ. հրապարակային մի գրույցում Հ.Թումանյանը գրում է. «Ես կարծում եմ՝ իմ հայրենակիցներն այժմ պետք է շատ ուրախ լինեն, որ իրենց բանաստեղծը պատերազմից տարիներ առաջ էնքան ճիշտ ըմբռնած ու պարզ ասած է եղել՝ գրեթե մանրամասնություններով, էլ անենը, ինչ որ հետագայում կատարվեցին...»:

Իսկ Առաջին համաշխարհային պատերազմը նոր ուժով ու դաժանությամբ հարվածեց հայ ժողովրդին, հորս ցնդեցին փրկության բոլոր հույսերը. Հայաստանը կանգնեց վերջնականապես կործանվելու վտանգի եզրին. Արևմտյան Հայաստանից անընդհատ գալիս էին տագնապալի, հուսահատ լուրեր: Այդ ծանր օրերին բանաստեղծն իր ժողովրդի հետ էր:

Առաջին համաշխարհային պատերազմի տարիներին Թումանյանը երկու անգամ եղավ Արևմտյան Հայաստանում՝ 1914թ. նոյեմբեր-դեկտեմբեր և 1915թ. մայիս-հունիս ամիսներին: Բանաստեղծի դուստր Եվաթը Թումանյանը գրում է. «Նոր էր վերադարձել Տաճկահայաստանից, եղել էր Վլաշկերտի հովտում, Աբաղայի դաշտում տեսել էր նահանջը, գաղթը, Սարիղամիշի խուճապը: Այս դեպքերի տպավորության տակ էր և չէր կարողանում հանգստանալ: Հիասթափված էր, վրդովված, հոգնած, կես հիվանդ: Այդ ուղևորությունների տպավորությունները Թումանյանը ամբողջացրեց հոգվածնե-

րում, բանաստեղծություններում: 1915թ. գրած հոգվածներից մեկը բանաստեղծը վերնագրեց «Ավերակների ու դիակների աշխարհում», «Տաճկահայաստան...Տեսանք...զոհն մի մասը: Թռուցիկ կերպով, բայց թեկուզ թռուցիկ՝ ինչ-որ չի կարելի հասկանալ երկար ու բարակ պատմություններից. նույնիսկ թռուցիկ տեսածը ահավոր էր»:

Գեղարվեստական խտացումներ են 1915-17թթ. գրված «Հայրենիքիս հետ», «Յոզեֆինգիստ», «Բարձրից», «Դոժիքի հանդես» բանաստեղծությունները:

Թեև բանաստեղծի հոգին բռնկված էր տիեզերական առեղծվածների որոնման ու բացահայտման տենչով, թեև նա ձգտում էր հասկանալ ու բացատրել անհիմնալին, սակայն հայրենիքի վիշտը ավելի զորեղ էր տիեզերական խոհերից, և բանաստեղծը ամեն անգամ, երբ դառնում էր դեպի հայրենիքը, նրա սիրտը մղվում էր ցավից: Հայրենիքը դարձել էր «սև ու սուգի մի հովիտ», և «ջարդարար աղմուկներով վայրենի, տրորում էին նրա ծաղկավառ երեսը»:

Սակայն այս համատարած վշտի մեջ բանաստեղծը գտնում է ճշմարիտ ուղին, Հայաստանը վեր է երկրային կյանքից, նա կանգնած է հնի ու նորի սահմանին և խոսք է բացել Աստծո հետ: Եվ Թումանյանը, հավատալով իր հայրենիքի վեր հանելու ուժին, փրկվելու կամքին, բանաստեղծությունը եզրավակում է վեհ ու հպարտ, նոր ու հզոր Հայաստանի կերպարով:

Ավա՛ր, այդ դոժիքային տարիներին չիրականացան Թումանյանի հույսերը. Մեծ եղեռնը ավերակեց պատմական հայրենիքը, յաթաղանից փրկված ժողովրդի բեկորները, բռնած գաղթի ճանապարհը, ցրվեցին աշխարհով մեկ:

Նույնիսկ որբերին հավաքողներ չկային, նույնիսկ որբանոցներ չկային: Հայոց Մեծ եղեռնը շանթախարեց բանաստեղծին, նա գրեց իր ստեղծագործության, թերև, ամենատխուր ու ողբերգական էջը՝ «Յոզեֆինգիստը»: Բանաստեղծության տիեզերական հանդարտությունը ցնցող է, խորապես ողբերգական: Չկա ոչինչ երկրային, որին հենվի բանաստեղծը հոգեհանգիստ կարողալիս. ամեն ինչ մարդուց և մարդկայինից վեր է: Կերտները հայոց երկնահաս լեռներն են, սամուռս երգողները՝ Արաքսն ու Եփրատը, խնկարկրալները՝ հայոց աշխարհի ցողաբեր ամպերը:

Ընթերցողը մտովի անդրադառնում է «երկու հայր» պատմվածքի վեհափառ Հայրապետին, ով ինքն է՝ բանաստեղծը: Նա կամովին հանձն է առել պատարագչի դերը և հոգեհանգիստ է կարդում փռված ու ցրված որբերին. ողջ հայ ժողովուրդն է որբ:

Բանաստեղծը դառն հիասթափությամբ ընդհանրացնում է. քանի դեռ մարդը հեռու է իր կոչումից, մարդը մարդակեր գազան է, ուրեմն՝ «դեռ երկար էսպես կմնա»:

Գրական որոնումներին զուգահեռ՝ Թումանյանը ապրում էր իրական կյանքով և որոշում էր ամեն գնով փրկել հայության ողջ մնացած վերջին բեկորները:

Մեծ եղեռնը Թումանյանին դարձրեց իր ժողովրդի առաջնորդներից մեկը, նրա հույսն ու հեմարանը: Նա իր ընտանիքով նվիրվեց որբերի փրկության գործին. անհրաժեշտ էր հավաքել նրանց, տեղավորել, ստեղծել կառույցներ, որոնք հոգ կտանեին որբերի նախնից:

Նվարդ Թումանյանը հիշում է. «Ժողովրդի անահնջի ու գաղթի լուրը հասավ ամառանոցը, նրա մտքերը նորից փոթորկվեցին, և նույն երեկոյան որոշեց գնալ Էջմիածին՝ գաղթականությանն առաջին օգնություն հասցնելու: Միառժամանակ անց, ես էլ մի քանի ընկերուհիներիս հետ մեկնեցի Էջմիածին՝ գաղթականների մեջ իբրև գթության քույր աշխատելու»:

Էջմիածինը խորացրեց Թումանյանի տառապանքները. «Նա երկար ժամանակ չէր կարողանում գտնել հոգու հավասարակշռությունը»:

Այդ դոժիքում նա մնաց դուստր երկու ամիս: Գերմարդկային ճիգով Թումանյանը մյուս մտավորականների հետ անում էր անհնարինը՝ թշվառներին պատասպարելու, սովից ու ժանտախտի ճիհաններից փրկելու համար:

Էջմիածնում նա նույնիսկ ընդհարվեց վեհափառ Հայրապետի հետ՝ վեհարանի նոր կառուցված շենքը գաղթականներին տրամադրելու համար: Ինքն իրեն կնքեց

Ամենայն հայոց բանաստեղծ և այդ իրավունքով կանգնեց իր ժողովրդի կողքին:

Թումանյանը ապրում էր ծանր հիասթափությունների ու ողբերգությունների շրջան. շուրջը սպանող էր, աշխարհը՝ արյունոտ:

Ու՜մ մոտ գնաս, ծանոթը, ընկերդդ արյունոտ,

Ո՞նց մոռանաս էս աշխարհը արյունոտ, երգ ես լսում՝ լըսած երգդ արյունոտ...

Ցավով գրում է բանաստեղծը: Ցեղասպանության հաջորդ տարիներին ազգային ողբերգությանը միանույն բանաստեղծի անձնական դժբախտությունը: Որբերին հավաքագրելու և տեղավորելու առաքելությամբ իր ընկերների հետ Վան էր մեկնել Արտավազը Թումանյանը:

«Վանի հովտի և Հայոց ձորի միջև ընկած կիրճերում, որտեղ հայկական բունը երկար դիմացավ, վայրենացած երեխաներ էր հավաքում Արտավազը Թումանյանը իր ընկերներով»,- գրում է Սերգեյ Գորոդեցկին: Արտ.Թումանյանը զոհվեց քրդերի կողմից: Բանաստեղծի ընտանիքը անակնկալ տեղեկացավ: «Հորիզոնի» լուրերի բաժնում Թումանյանը կարդաց որդու զոհվելու մասին: Բանաստեղծը չհաշտվեց որդու կորստյան ցավի հետ, Վան գնացողներին խնդրում է տեղեկություններ բերել որդուց: Հոգեկան տագնապների խտացումները դարձան քառյակները.

Բերանն արճուտ Մարդակերն էն անբան Հազար դարուն հագիվ դարձավ Մարդասպան,

Չեղբերն արճուտ գնուն է նա դեռ կանկար,

Ու հեռու է մինչև Մարդը իր ճամփան:

Բոլոր ողբերգությունների պատճառը մարդակեր մարդն է:

Պատերազմը շարունակվում էր, ողբերգությունը հասնում ահեղի չափերի: Թուրքիան, Արևմտյան Հայաստանում գործն ավարտած համարելով, հարձակվեց Հայաստանի վրա: Մնացել էր մի փոքրիկ հողակտոր, կործանման եզրին էր ամբողջ հայ ժողովուրդը: Փախստական հայ ժողովուրդը ապավինել էր Լոռիին: 1918թ. մայիսի 16-ին Թումանյանը կոչով դիմում է իր հայրենակիցներին. «Հավաքվեցե՛ք մեր մութ անտառների նման, կանգնեցե՛ք անսասան մեր սարերի նման, կրակ թափեցե՛ք և գարկեցե՛ք մեր սարերի կայծակների նման: Թող թշնամին էլ տեսնի, իր կարելի է երգումսի վրից էլ անցնել, Ղարսի վրիցն էլ, բայց Լոռու սարերից անցնել չի լինի»: Նա ժողովրդին ոգևորում էր ոչ միայն խոսքով: 1918թ. երբ Հայաստանում շրջում էր մահվան ուրվականը, և ժողովուրդը տեղից տեղ էր քշվում, Թումանյանը իր ընտանիքով գաղթականներին Ղարսիխայից առաջնորդում էր դեպի իր հայրենի Լոռի, ու հույս ունեին փրկվելու ջարդարար թուրքերից:

Անդրադառնալով Թուրքիայի վարած քաղաքականությանը՝ 1920թ. Թումանյանը գրում է. «Վերջին վատություններ» հոդվածը, որով բերողվում է «Տաճկահայրենի» քաղաքականությունը: Ի՞նչ պետք է անեն հարցին բանաստեղծը պատասխանում է. «Մի քիչ քանդեն, մի քիչ կտորեն, բայց ավելի շատ կատաղեցնեն ու կրողվեցնեն»: Թումանյանը այս անգամ ևս մարգարեացավ: Թալանեցին, ջարդեցին, բայց Հայաստանը վերացնել չկարողացան: Թեկուզ վիրավոր, փոքրիկ, բայց Հայաստանը պետություն էր: Կյանքի վերջին տարիներին Թումանյանը իր առաքելությունը կատարեց որպես այդ պետության պատվիրակ:

1921թ. նա մեկնեց Պոլիս՝ եղեռնից փրկված հայ մտավորականությանը հանդիպելու, նրանց միասնական գաղափարի շուրջ համախմբելու, հայ գրականությունն ու մշակույթը միասին զարգացնելու առաջարկով: Դա նպատակ էր՝ հայ մտավորականությանը պետության շուրջ(անկախ պետական ձևից) համախմբելու, պետականորեն գրականությունն ու մշակույթը զարգացնելու, միասնական ջանքերով միակ Հայաստանը հզորացնելու: Միասնական ջանքերով կարելի կլինեի բուժել ցեղասպանության թողած վերքերը, գուցե և կանխելու հայ մտավորականների մնացորդների վերջնական հեռացումը Պոլսից:

**Ն.ԱՌԱՆԵՍԱՆ**  
**Առաջածորի միջակարգ դպրոցի փոփոխ**

**ԶՎԱԿՄԷԻ ԱՄԵՆԱԶՈՒԼԱԸ ԵՎ ԿԱՐԿԱԶՈՒՆ ԱՐՔՅՈՒՐԸ**

Տերյանը սովորեցնում է սիրել, Տերյանը սովորեցնում է կռվել, Տերյանը սովորեցնում է պաշտել մեր սուրբ հողը: Տերյանը մեզ լեզու է նվիրել, որ ասրեմք մեր շքեղ լեզվի հրաշքներով:  
Խոնարհվում են Տերյան ծնած ժողովրդի առջև:

**Հրանտ Մաթևոսյան**



Վերջերս Ստեփանակերտի հ. 6 հիմնական դպրոցում կայացած հերթական միջոցառումը նվիրված էր Վ.Տերյանի ծննդյան 130-ամյակին, որը կազմակերպել էր դպրոցի հայոց լեզվի և գրականության մեթոդ-միավորման ճախագահ Ռիմա Մելքոնյանը: Մայրենիի անխոնջ նվիրյալը ջանք ու եռանդ չի խնայում մատաղ սերունդի ճիշտ ու նպատակասլաց կրթման ու դաստիարակման դժվարին գործում: Առավելապես ոչ միայն բովանդակալից, հետաքրքիր, ստեղծագործական ու գրագետ կազմակերպված դասերն են, այլ նաև տարաբնույթ միջոցառումները՝ նվիրված հայ մեծանուն գրողներին, որոնք միտված են արժևորել ու գնահատել նրանց մեծ ավանդը, սեր և հետաքրքրություն առաջացնել գիր ու գրականության, պոեզիայի հանդեպ:

Այդ օրը օրը կարծես լցված էր Տերյանով, յուրաքանչյուր հանդիսատես մասն էր կազմում այն պոեզիայի, որ ներկայացվում էր:

Անչափ հուզիչ ու պատկերավոր խոսքով հանդես եկավ միջոցառման կազմակերպիչը. «Երբ ասում են՝ Վահան Տերյան, մթնշաղ են պատկերացնում, տխուրաչյա ու միգաթղո աշուն, սև շուշան, ցնորք առջիկ, անանձնական մի թախիծ և սիրտ ազնվաց-նող մի սեր: Ո՞ր հայ պատանին սեր չի շնջացել Տերյանի տողերով, ո՞ր հայ աղջիկը բարձի տակ չի պահել նրա «Մթնշաղի անուրջները»: Երբ ասում են՝ Վ.Տերյան, պատկերացնում են տիրամուր պես խոցված, բայց և փյունիկի պես վերստին հարություն առած երկիր Նաիրին, մեր արթնալից լեզուն, մեր լացի նմանվող երգերն ու սրբազան Արարատ լեռը: Այնպես տերևներով գարդարված գեղեցիկ մի ծառուղու էր նմանվում նրա կյանքը: Մի ամբողջ աշխարհ է Տերյանը, աշխարհում ստեղծված մի ուրույն աշխարհ»:

Վշակերտները ներկայացրին Վ. Տերյանի անցած գրական ուղին, նրան՝ որպես մեր գրականության բացառիկ երևույթի, որպես պետական-հասարակական գործչի և վերջապես, որպես մարդկային բացառիկ ու ողբերգական ճակատագրի:

Տերյանը հայ պոեզիայի ձիթեմիզն է, այսօր էլ ծլարծակում է, վաղը ավելի մեծ կլինի նրա բերքը: Նա խոսքի մեծ վարպետ է, և ոչ միայն: Նրա բանաստեղծական շարքերն ասես գործիքավորված են, որովհետև Վ. Տերյանը հայ բանաստեղծության երաժշտականությունը մերշնչեց: Երբ բերթում են նրա բանաստեղծությունները, երգում է հոգիդ, երգում են և բաները:

Վշակերտների խոսքը ուղեկցվում էր Վ. Տերյանի տողերով գրված մանյաչի ու գերող երգերով, որոնք անսահման սեր, գորով ու բարություն էին ճառագում՝ պարուրելով հանդիսատեսի հոգին:

Տեսանյութը, որը ներկայացվեց միջոցառման վերջում, պատմում էր Վ. Տերյանի ծննդավայրի՝ քը-նաղ Ջավախք աշխարհի անգուգական Փանծա գյուղի, գորղի մանկության, պատանեկության, նրա ընտանիքի, անցած կարճ, բայց իմաստավորված կյանքի մասին:

Հանդիսատեսը մերթ մեկամաղձուտ տխրություն էր ապրում, մերթ ունկնդիր լինում նրա իմաստուն խոսքին, մերթ անսահման ցավ ապրում անցած-գնացած օրերի համար, մերթ լավատեսորեն տրամադրվում հայ ժողովրդի ապագայի հանդեպ:

Կանգնիր, անկյալ ժողովուրդ, էլ հավատու, և տոկա, Կա քո վշտում վեհ խորհուրդ, էլ խաչվածին մահ չկա...

«Մի պահ նույնիսկ սարսափում ես մտածել, թե ինչքան բան պակաս կլինեի մեր բոլորի կյանքում, և ինչքան աղքատ կլինեի մեզանից ամեն մեկը հոգեպես, եթե չլինեին Վ. Տերյանը և այն հարուստ բանաստեղծական աշխարհը, որ նա ստեղծեց այս աշխարհում...»,-ասել է Չևորզ Եմինը:

Այդ օրը Տերյանը բոլորի մեջ էր: Հանդիսատեսը հարստացավ հոգեպես՝ չփվելով բարձրարվեստ պոեզիայի բացառիկ նմուշներին:

**Սուսաննա ՍՏԵՓԱՆՅԱՆ**  
**Սրբեմանակերտի հ.6 հիմնական դպրոցի ուսումնական գծով փոխպնդուն**

ՈՍՏԱՆ

ՀԱՅՐԵՆԻ ԳՅՈՒՂԻ ՆՎԻՐՅԱԼ

Արցախն անառիկ ամրոց է իր դրախտա-  
յին, հիասքանչ բնաշխարհով, հզոր՝ ավագ և  
նոր սերունդների համագործակցությամբ,  
իրար սատարելու մեջ, անպարտ՝ իր նվիրյալ  
զավակներով:

Նվիրյալ զավակներից է հաղորտեցի Աբ-  
րիկ Գրիգորյանը, որն ունի արցախցուն հա-  
տուկ կյանքի ուղի, հարուստ կենսափորձ:

Ծնվել է 1937թ. մարտի 5-ին Արցախի Հա-  
ղորտի գյուղում: Հայրը՝ Ներսես Գրիգորյանը,  
զոհվել է Երկրորդ աշխարհամարտում:

Ա.Գրիգորյանը 1956-ին ավարտել է գյուղի  
միջնակարգը, 1959-ին՝ Ստեփանակերտի  
գյուղտեխնիկումը (այժմ՝ քոլեջ) գերազան-  
ցությամբ: Ավարտելուց հետո գործուղվել է  
հայրենի գյուղ, աշխատել խոշորացված  
կոլտնտեսությունում՝ որպես բրիգադավարի  
օգնական:

1961-ին ընտրվել է Հաղորտու գյուղ-  
խորհրդի գործկոմի նախագահ, աշխատել 9  
տարի: Այդ տարիներին հեռակա կարգով  
ավարտել է հայկական գյուղատնտեսական  
ինստիտուտի տնտեսագիտության բաժինը:

1969-1970թթ. կոլտնտեսության տնտեսա-  
գետն էր, 1970-79թթ.՝ կուսկազմակերպու-  
թյան ազատված քարտուղար: Պատվով է կա-  
տարել իրեն հանձնարարված բոլոր աշխա-  
տանքները, որի համար էլ խրախուսվել է  
պատվոգրերով, գովասանագրերով, շնորհա-  
կալագրերով:

1979-ին ընտրվել է կոլտնտեսության  
վարչության նախագահ, 1982-ին՝ Հաղորտու  
գյուղխորհրդի նախագահ, աշխատել մինչև  
խորհուրդների լուծարումը՝ 1995թ. ապրիլի  
1-ը:

Հաղորտի և Մուշկապատ գյուղերի սո-  
ցիալ-տնտեսական, քաղաքական կյանքի բո-  
լոր բնագավառներում շոշափելի հետք է թո-  
ղել, հարգանք վայելել աշխատավորության  
շրջանում:

Արցախյան շարժման տարիներին մաս-  
նակցել է ստորագրահավաքներին, ելույթներ  
ուճեցել ցույցերում, համաժողովներում, աջակցել  
բնակչության ինքնապաշտպանու-  
թյան հրատապ հարցերի իրականացմանը:

Պոլյանիկո-սաֆոնովյան ռեժիմի տարի-  
ներին ժողովրդին համախմբել է Արցախի  
ազգային-ազատագրական գաղափարների  
շուրջ՝ անտեսելով ամեն տեսակի վտանգ:

Աբրիկ Գրիգորյանն իր ողջ գիտակցական

կյանքի ընթացքում ապրել է  
հայրենի գյուղի հոգսերով,  
ամեն ինչ արել է՝ հերոսական  
Արցախ աշխարհի, աշխա-  
տասեր ու քաջ արցախցու  
ամուսն ու պատիվը բարձր  
պահելու համար: Նա անմա-  
ցորդ պատկառանքով ձգտել  
է Արցախյան պատերազմի  
ողջ համայնապատկերի վրա  
դաժան ու ծանր տարիներին  
հայրենի Հաղորտի գյուղին  
վիճակված փորձությունները,  
իրադարձությունները, մաքա-  
ռումները ներկայացնել «Հաղորտին՝ Գոյա-  
մարտի բովում» գրքով: Այն գրված է տեղին,  
ժամանակին ու նպատակային ձգտումներով,  
հայրենի եզերքին ու նրա անվանի մարդկանց  
փառաբանման նվիրումով: Արցախյան գոյա-  
պայքարի հերոսական ծանապարհին իրենց  
կյանքը, շունչն ու հույսն են տվել գրքում լու-  
սաբանված անվանի հաղորտեցիները: Գիր-  
քը պատմաքաղաքական հնչեղություն ունի:  
Նրա հերոսները նշանավոր դեմքեր են՝ գիտ-  
նականներ, մանկավարժներ, արվեստի ու  
գրականության գործիչներ, բժիշկներ, ազգա-  
յին, պետական, հասարակական, կուսակցա-  
կան գործիչներ, որոնք հայրենի գյուղի այցե-  
քարտն են, վայել նրա փառքին ու անվանը,  
որ նրանց երակներում հաղորտեցու արյուն է  
հոսում:

Ահա հայ ազգային ոգու նահապետ, դա-  
րաբաղյան շարժման մրկակահավ, պատմու-  
թյան արթուն զինվոր, հաղորտեցի 80-ամյա  
Ձորի Բալայանի գնահատականը հայրենի  
գյուղին:

«Հաղորտին հողագնդի այն կետն է, որ  
միշտ եղել է ու կլինի իմ կյանքի իմաստն ու  
էությունը: Իմ կյանքը դասավորվել է այնպես,  
որ ես տեսել եմ ամբողջ աշխարհը: Ես ծայրե-

ծայր կտրել եմ խորհրդային երկրները: Սա-  
կայն հողագնդի այս սրբազան անկյան ամեն  
մի քարը թանկ է ինձ համար՝ որպես հիշողու-  
թյուն հորս՝ Հայկ Բալայանի մասին: Ես  
հիշում եմ մեր բոլոր աղբյուրները, ձորերը,  
արահետները, բոլոր այգինե-  
րը: Ուր էլ լինեմ, Հաղորտին  
ինձ հետ է, հավերժ»:

Հերոսամարտի ժամա-  
նակակից ու ակամատես Աբ-  
րիկ Գրիգորյանը գրեց պատե-  
րազմ ապրած գյուղի, նրա գո-  
հերի, բանտերում դաժանու-  
թյուններ կրած հաղորտեցիներ-  
ի մասին: Հայրենական, Ար-  
ցախյան պատերազմներում  
զոհված հաղորտեցիների հի-  
շատակը հավերժացվեց հու-  
շարձանով և գրքով: Ահա թե

ինչու հեղինակը, շատ իրադարձություններ,  
դեպքեր, անուններ ժամանակի հողվություն  
անհետ չկորչելու համար, գրեց «Հաղորտին՝  
Գոյամարտի բովում» գիրքը, որը անգնահա-  
տելի գործ է, ստույգ տարեգրություն՝ հետա-  
գա սերունդներին փոխանցելու համար:

Գրքի ամեն մի տողն ու դրվագը հաստա-  
տում են հայրենի գյուղի, օջախի, նրա բնաշ-  
խարհի բնակիչների, մի ամբողջ սերնդի ար-  
ցախյան պատումը: Այն մի հուշակոթող է Հա-  
ղորտի և հաղորտեցիների հերոսական սխ-  
րանքների մասին, որոնք անմաքուր նվիրու-  
մով մասնակցեցին Գոյապայքարին՝ փրկելով  
Արցախն ու արցախցուն:

Արյան գնով ազատագրված հող հայրե-  
նի՝ անուշահամ աղբյուրներով, կուսական  
անտառներով, բարձրաբերձ, երկնաքեր լեռ-  
ներով, անդրախոր ձորերով, պատմական  
հուշարձաններով առլեցուն, արիության և  
ոգու դարբնոց է, մեր ժողովրդի միասնության  
խորհրդանիշը, ամենաթանկ պարզև Ար-  
ցախյան պայքարին, հաղթանակին:

Գրքի հերոսների կերպարներով ընթերցո-  
ղը դաստիարակվում է հայրենասիրությամբ,  
ծնողասիրությամբ, անկեղծությամբ, ավան-  
դապաշտությամբ, մարդկային վեհ գաղա-

փարներով:

Հայրենի Հաղորտի գյուղի երիտասարդ-  
ներն անցյալին, իրենց արմատներին արժա-  
նի նվիրյալներ են, գյուղի ճակատագրով ապ-  
րող, նրա լույսերի մեջ իրենց ապագան տես-  
նող արցախցիներ՝ պատրաստ արյամբ ձեռք  
բերածը հարատև պահելու: Հենց դրա մեջ է  
Արցախի ուժն ու բարգավաճելու առեղծվա-  
ծը՝ համակված հպարտության ու հավատի  
ամենաջերմ զգացումներով:

Արցախն անպարտ է իր նվիրյալ զավակ-  
ներով:

Գիրքը հուսադրում և լավատեսություն է  
ներշնչում ապագայի նկատմամբ՝ պատկերե-  
լով ծննդավայրի պատմության էջերը:

Հայտնի է, որ մեր օրերում հանրապետու-  
թյան ռազմավարական քաղաքականության  
հիմքը Արցախի գյուղերի սոցիալ-տնտեսա-  
կան զարգացումն է: Այդ նպատակով «Մեր  
գյուղը» խորագրով հեռուստահաղորդում-  
ները, գյուղական կյանքին նվիրված գրքերը,  
հոդվածներն ու ակնարկներն ավելի ակնա-  
ռու են դառնում և արժանավոր: Պարզ է, որ  
Արցախի գյուղաշխարհի նման լուսաբանում-  
ները խթան կհանդիսանան հայրենի եզերքի,  
օջախի, արմատների ամրապնդմանը, պե-  
տական ռազմավարական քաղաքականու-  
թյան իրագործմանը:

Վերոնշյալների առումով խրախուսելի է  
Աբրիկ Գրիգորյանի «Հաղորտին՝ Գոյամարտի  
բովում» հայրենաշունչ գիրքը, որն օրինակ  
կծառայի շատ նվիրյալների՝ գրելու բազմա-  
բովանդակ հիշողություններ հայրենի գյուղի  
պատմական անցյալի ու ներկայի, կրթամշա-  
կութային կյանքի, ավանդույթների, սովորու-  
թյունների, համագյուղացիների հերոսական  
պայքարի մասին, որպեսզի դրանք՝ որպես  
փաստագրական հարուստ ժառանգություն,  
փոխանցվեն ապագա սերունդներին:

**Ալբերտ ԽԱՉԱՏՐՅԱՆ**  
**ԼՂՀ վաստակավոր մանկավարժ**

Շնորհավորանք



Բնատուր գեղեցիկ և բարետես,  
եռանդով լեցուն, աշխատասեր, իր  
աշխատանքային յուրաքանչյուր օրը  
ստեղծագործությամբ լցնող մարդն ու  
ուսուցիչը Նաիրա Գաբրիելյանն է՝  
Ստեփանակերտի Ա.Ղուլյանի անվան  
հ.2 հիմնական դպրոցի վաստա-  
կաշատ մանկավարժներից մեկը, ով  
արդեն 60-ամյա հոբելյանականով,  
իմաստնացած հայացքով կարող է  
հետ նայել և ի մի բերել իր մանկա-  
վարժական գործունեության բեղուն ու  
նվիրական տարիների արածն ու թո-  
ղածը:

Թյամբ լեցուն քայլերով է մտնում դպ-  
րոցի շենք, որ աշխատում է իր սանե-  
րի ամեն օրը դարձնել հետաքրքիր  
անակնկալ, որ դարձել է ջանասեր ու  
ստեղծագործող լավագույն ուսուցչի  
օրինակ իր շրջապատի, գործընկերու-  
րի համար:

Ն.Գաբրիելյանը ծնվել է 1955թ.  
փետրվարի 11-ին, Մինգչաուր քաղա-  
քում: Հոր վարժաժամ մահից հետո մոր  
հետ վերադառնում է Արցախ, մերվում  
հարազատ հող ու ջրին հոգու ամբողջ  
թելերով: Այստեղ է նա ըմբռնվում  
պատանեկության բերկրանքը, ուսա-  
նողական զվարթ ու բովանդակալից  
տարիներն ու հասուն կյանքի  
խորախորհուրդ ընթացքը:

Ն.Գաբրիելյանը ոչ միայն սիրված,  
հարգված մանկավարժ է, այլ նաև հո-  
գատար մայր, բանիմաց տատիկ ու  
մեծ գերդաստանի օրինակելի հարս:

Նրա իմաստուն խորհուրդներով  
են կյանք մտել սաներն ու զավակնե-  
րը: Տասնյակ սերունդներ է կրթել ու  
դաստիարակել նրբաճաշակ ուսուց-  
չուհին: Շուրջ քառասունամյա իր ման-  
կավարժական գործունեության ըն-  
թացքում չէր կրկնել ինքն իրեն: Նրա  
բոլոր դասերն ու միջոցառումները  
ստեղծագործական մի նոր ժայթքում  
են, յուրաքանչյուր սերնդի հետ քայ-  
լում է ժամանակի շնչով, փորձում գե-  
ղագիտական ճաշակի նուրբ թելերով  
իր սաների մեջ սերմանել բարին ու  
գեղեցիկը: Նրա շուրթերով խոսում է  
մեծ հայրենասերը, հոգատար ու խս-

ԽՈՍՔ Ի ԽՈՐՈՑ ՄՐՏԻ

տահայաց մանկավարժը, պահանջ-  
կոտ ու բարեխիղճ անհատը:

Իր սաների համար նա գիտելիքնե-  
րի անսպառ շտեմարան է, հույզերի  
հորդաբուխ աղբյուր և մեծ հեղինա-  
կություն:

Ն.Գաբրիելյանը նրբանկատ,  
հմուտ հոգեբան է, նա իր խորաթա-  
փանց հայացքով կարողանում է սուզ-  
վել յուրաքանչյուր սանի հոգու խորքը  
և մայրական նուրբ ու քնքուշ ժպիտով  
ու խոսքով հանդարտեցնել հոգու  
խռովքը:

Իր վառ օրինակով նա ուժ ու  
եռանդով վարակել է նաև կրտսեր գոր-  
ծընկերներին: Բարի, անաչառ մարդ է,  
իմաստուն խորհրդատու և անմա-  
ցորդ նվիրումով օժտված հոգու սերմ-  
նացան:

Սիրելի՛ գործընկեր, շնորհավորում  
ենք Ձեր ծննդյան 60-ամյակը, ցանկա-  
նում նորանոր բարձունքներ մատաղ  
սերնդի կրթության ու դաստիարակու-  
թյան գործում: Մաղթում ենք աստղա-  
բույլ երջանկություն, հոգեկան խաղա-  
ղություն և բազում տարիների բեղմ-  
նավոր աշխատանք:

Թող հաջողություններն ուղեկցեն  
Ձեր կյանքում, երկար տարիներ ան-  
հոգ վայելեք Ձեր հարազատների  
բերկրանքն ու սերը:

*Ստեփանակերտի Ա.Ղուլյանի  
անվ. հ. 2 հիմն. դպրոցի  
մանկավարժական  
կոլեկտիվ*

կան մանկավարժը: Մայր եք եղել  
բազում փոքրիկների, Դուք մոր  
պես թանկ եք նրանց համար:  
Մեզ համար Դուք կլինեք այն  
մարդը, ում մեծության և գործի  
առաջ միշտ կխոնարհվենք, քան-  
զի Դուք եք դնում նրանց ուսման  
հիմնաքարը, և մենք համոզված  
ենք, որ այն ամուր կլինի և չի  
խաբխվի: Հիմնական առածն  
ասում է, թե այն երկիրը, որն ու-  
սուցիչներ քիչ ունի, աղքատ է,  
իսկ ուսուցիչն աղքատ է, երբ նրա  
մոտ պակասում է սերը իր գործի  
և երեխաների նկատմամբ:

Սիրելի՛ ընկեր Գաբրիելյան,  
լինեք միշտ այդպես վեհ ու  
բարձր Ձեր կոչումով ու պատվա-  
բեր գործով: Թող բազմապատկ-  
վեն Ձեր ջանքն ու եռանդը, որ-  
պեսզի կարողանաք Ձեր ծով գի-  
տելիքներով զինել մեր մատաղ  
սերնդին: Ձեզ անթիվ օրինանք-  
ներ ու լույսի ցուլեր ենք նվի-  
րում: Ներող կլինեք մեր երեխա-  
ների չարությունների համար:

*Ստեփանակերտի Ա.  
Ղուլյանի անվան հ. 2 հիմն.  
դպրոցի 4-րդ «բ» դաս.  
ծնողական կոմիտե*

ՎԵՐՋԻՆ ԷՋ

ԻՆՔՆԱՅՐՈՒՄՈՎ ԱՊՐԵՅՑ, ՀԵՌԱՅՆԱԿ ԳՄՈՒՍՐԱՅԱԾ

Գործընկերոջս՝ Ռիտա Պողոսյանի անմար հիշատակին

Անհավատալի է, որ գրիչս պետք է վերցնեմ ու հիշատակի խոսք ասեմ մի մարդու մասին, որ դեռ երեկ մեզ հետ էր՝ իր բազում ծրագրերով, մտահղացումներով, անսպառ եռանդով: Մարդ, որ իր գործի նվիրյալն էր. բազմաշնորհ մանկավարժ, սկզբունքային մտավորական, լավ ընկեր, անսահման հայրենասեր, որ իր ետևից թողեց երբևէ չլրացվող դատարկություն: Իմ պատկերացումների ոչ մի սահմանաչեղքում չի տեղավորվում, որ նա չկա այլևս, որովհետև աչքերիս առջևից չի հեռանում իմ գործընկերոջ, Մեծ ուսուցիչ ժպտուն, խոսուն, բարի հայացքը, չի տեղավորվում, քանզի իմ ունկերում նրա բարեհամբույր ծայրն է, այն խրատները, որոնք ինձ օգնեցին բացահայտելու մանկավարժական արվեստի շատ գաղտնիքներ:

...Չորս տասնամյակ աշակերտներին փոխանցելով իր փորձն ու գիտելիքները՝ Ստեփանակերտի Գովհ. Թունանյանի անունը կրող հ.9 հիմնական դպրոցի ուսուցչուհի Ռիտա Պողոսյանը ուրախանում էր սաներից յուրաքանչյուրի հաջողությամբ և ծով համբերությամբ նրանց մեջ հետաքրքրություն էր սերմանում մերսոսյան այրուբերի ամեն մի մասնիկի համդեպ, հայկական մեծ պարսպի, որի հոգևոր դռները արդեն 16 դար է, ինչ բաց են բարեկամի և փակ՝ թշնամու առջև: Արժանապատվորեն ծավալած բազմամյա մանկավարժական գործունեությունը կերտեց իր ոչ միայն աշխատանքային, այլև հոգևոր կենսագրությունը՝ ազնիվ ու շիտակ մտավորականի իսկական նկարագիրը: Նա հայ միտքը ար-

թուն և կենսական պահողի, հայի հոգու միջնաբերդը պահպանողի ու հսկողի առաքելություն ուներ, վասնզի կրել է «շնորհքն ի հոգւոյն»: Այո՛, նա իր էությանը ուսուցիչ էր, որովհետև ուսուցչությունն իր կոչումն էր:

Այս խստահայաց, բայց միևնույն ժամանակ մեղմ, խորաթափանց ուսուցչուհին օժտված էր ոչ միայն գիտելիքը փոխանցելու վարպետությամբ, այլև հոգեբանի բնատուր շնորհով: Տարիների ընթացքում Ռ. Պողոսյանը ունեցել է հարյուրավոր սաներ և սիրած կրթօջախում աճել ու հասունացել է իր սաների հետ միասին: Սատար է եղել նրանց՝ անորոշության, մտքի, կամքի տկարության պահերին և կայացել իբրև մանկավարժ: Նրա ուշադրության կենտրոնում էին ընտանեկան խնդիրների պատճառով անուշադրության մատնված, ինչպես նաև ֆիզիկական արատ ունեցող երեխաները, որոնց հետ նա համակարգված աշխատանք է կատարել՝ փոխանցելով ոչ միայն իր գիտելիքները, այլև հոգու լույսն ու ջերմությունը: Նա կարողանում էր երեխաների մեջ տեսնել այն բյուրեղը, որը պետք է հղկել և հնարավորություն տալ փայլելու: Աշխատասիրությունը դիտարկում էր որպես զարգացման գրավական: Բացառիկ կարևորություն էր տալիս ընթերցանությանը՝ անասելի, պաշտամունքի հասնող սեր տածելով գրքի համդեպ: Չէր հոգնում կրկնելուց. «Ուսուցիչը ոչ միայն պետք է լինի ուսուցանող, այլև ուսանող, քանզի կրում է բոլոր ժամանակների հեշտ ու անասելի դժվար, պարզ ու այնքան բարդ, հասկանալի և անհասկա-

նալի, բոլոր ժամանակների անենաարդիական մասնագիտությունը»:

Տարիներ շարունակ Ռ. Պողոսյանը հաջողությամբ ղեկավարել է կրտսեր օղակի քաղաքային մեթոդավորման աշխատանքները, ձևավորել ավանդույթներ, որոնք քայլ առ քայլ, բայց հետևողականորեն իրականացնում են կրտսեր դպրոցի ուսուցիչները: Նրա մանկավարժական քուրայով են անցել հանրապետության տասնյակ ուսուցիչներ, ովքեր թրծվել ու կոփվել են նրա մասնագիտական արհեստանոցում և սիրով այդ ձեռք բերած փորձը այսօր կիրառում են մանկավարժության մեջ: Նույնիսկ ամենատկար փիճակուն, երբ անգութ հիվանդությունը չէր խնայում նրան և զանել էր անկողնում, Ռ. Պողոսյանը չէր վարանում օժանդակելու խնդրանքով դիմած ուսուցչին, միաժամանակ հորդորում՝ զբաղվել ինքնակրթությամբ և չբավարարվել ձեռք բերածով:

Ռ. Պողոսյանի անձնական արխիվում այսօր խնամքով պահպանվում են մեծ թվով պատվոգրեր, շնորհակալագրեր, պետական գերատեսչական պարգևներ: Չնայած ուսուցիչը համեստորեն սիրում էր պնդել, թե կարևորը մրցանակ չափելը չէ, այլ մրցության մեջ առավել բարձր արվեստ դրսևորելը, սակայն մենք՝ այդ գործի երախտավորներս, շատ լավ գիտենք՝ ինչպիսի ներդրում է պահանջվում նման զնահատանքի արժանանալու համար:

Բազմաթիվ հրապարակումների, գրքույկների կողքին Ռ. Պողոսյանը երագուն էր հրա-

տարակված տեսնել բառարան-ձեռնարկ, որը խիստ անհրաժեշտություն է կրտսեր դպրոցի սաների համար: Ցավոք, մեծ մանկավարժի հեռահար նպատակը մնաց անկատար: Չնայած նա լուռ խոնարհունով գործող համեստ մշակի կենսակերպ էր դավանում, այդուհանդերձ, նրա ապրած կյանքը, ժամանակի անհուն հարահոսքում մնայուն հետագիծ թողեց՝ քչերին վիճակված ազնիվ ու նվիրումի ճանապարհ, ով իր համակերպային կյանքը ի սպաս է դրել բարձրարժեք գործի՝ անմասնորդ ծառայելով մատաղ սերնդի զարգացման դաստիարակությանը:

...Օրերը կբոլորեն, ամիսներ կդառնան, եղանակները կհաջորդեն մեկը մյուսին, նոր գարուններ կգան, սակայն այս ձմեռը ամենից շատ կիշխենք. այն մեզնից տարավ մի թանկ ու արժանավոր մարդու, մի մտավորականի, ու մի դրական լիցք էլ պակասեց չարից ահագնացող մեր երկրային կյանքում: Փոխարենը դողանջեցին զանգերը երկնային, արևն իր գիրկն առավ նրան, որ հետո գիշերային ժամերգության ջքնաղ ժամերին լուսնի ու աստղաբույլերի իշխանությանը հանձնի նրան, որպեսզի մենք՝ ապրողներս, հավերժի մեջ խնկարկենք Ռիտա Պողոսյան մարդու անունն ու հիշատակն անմար:

Լորեդա ԱՐԲԱՍՄՅԱՆ  
Վ. Զհանգիրյանի անվան հ. 11 ավագ դպրոցի պատմության ուսուցիչ

ՐԱՅՏԱՐԱՐՈՒԹՅՈՒՆ

Հայտարարվում է մրցույթ ԼՂՀ Քաղաքապետի շրջանի ներքոնշյալ դպրոցների ուսուցիչների թափուր տեղերի համար

1. Բերձորի հ.1 մ/դ - ֆիզիկա՝ 7 ժամ, մաթեմատիկա՝ 15 ժամ,
2. Քարեգահի մ/դ - ֆիզիկա՝ 10 ժամ,
3. Վարդուտի մ/դ - ռուսաց լեզու՝ 17 ժամ,
4. Ղազարապատի մ/դ - օտար լեզու՝ 10 ժամ, աշխարհագրություն՝ 8 ժամ, պատմություն՝ 15 ժամ,
5. Գանձայի մ/դ - ռուսաց լեզու՝ 8 ժամ,
6. Բազմատուսի մ/դ - հայոց լեզու և գրականություն՝ 6 ժամ,
7. Դրախտաձորի հ/դ - ռուսաց լեզու՝ 11 ժամ, օտար լեզու՝ 10 ժամ,
8. Վաղազի մ/դ - օտար լեզու՝ 8 ժամ, պատմություն՝ 12 ժամ,
9. Արտաշավի մ/դ - հայոց լեզու և գրականություն՝ 22 ժամ,
10. Շալուայի մ/դ - մաթեմատիկա՝ 6 ժամ, ֆիզիկա՝ 6 ժամ,
11. Մովսեսաշենի հ/դ - ռուսաց լեզու՝ 6 ժամ,
12. Սուսի մ/դ - աշխարհագրություն՝ 6 ժամ, պատմություն՝ 15 ժամ,
13. Արվակամի հ/դ - դասվար՝ 2 դրույք, հայոց լեզու և գրականություն՝ 12 ժամ, օտար լեզու՝ 6 ժամ, մաթեմատիկա՝ 13 ժամ,
14. Մշենի մ/դ - օտար լեզու՝ 10 ժամ,
15. Սոնասարի մ/դ - մաթեմատիկա՝ 12 ժամ, օտար լեզու՝ 19 ժամ,
16. Տանձուտի հ/դ - ռուսաց լեզու՝ 11 ժամ, մաթեմատիկա՝ 6 ժամ, ֆիզիկա՝ 5 ժամ,
17. Մոլաթաղի մ/դ - պատմություն՝ 15 ժամ,
18. Միրիկի մ/դ - ռուսաց լեզու՝ 8 ժամ, օտար լե-

- զու՝ 10 ժամ,
19. Աղանուսի մ/դ - հայոց լեզու և գրականություն՝ 9 ժամ, դասվար՝ 1 դրույք,
20. Վուրգավանի մ/դ - մաթեմատիկա՝ 11 ժամ,
21. Ուռեկանի մ/դ - դասվար՝ 1 դրույք, հայոց լեզու և գրականություն՝ 28 ժամ, ֆիզիկա՝ 7 ժամ,
22. Սարատակի մ/դ - աշխարհագրություն՝ 10 ժամ,
23. Տիգրանավանի մ/դ - ֆիզիկա՝ 8 ժամ,
24. Իշխանաձորի մ/դ - մաթեմատիկա՝ 20 ժամ, ռուսաց լեզու՝ 15 ժամ,
25. Արծվաշենի հ/դ - օտար լեզու՝ 8 ժամ,
26. Աղաձորի մ/դ - ռուսաց լեզու՝ 21 ժամ, զինղեկ՝ 1 դրույք, ԶՊՇՊ՝ 0,5 դրույք,
27. Կունայրիի մ/դ - ռուսաց լեզու՝ 22 ժամ,
28. Վանի մ/դ - ռուսաց լեզու՝ 22 ժամ, օտար լեզու՝ 12 ժամ, ինֆորմատիկա՝ 6 ժամ,
29. Դիցմայրիի հ/դ - մաթեմատիկա՝ 15 ժամ, հայոց լեզու և գրականություն՝ 12 ժամ,
30. Ալաշկերտի մ/դ - օտար լեզու՝ 11 ժամ,
31. Ծոբաձորի հ/դ - ռուսաց լեզու՝ 6 ժամ, պատմություն՝ 11 ժամ:

Փաստաթղթերն ընդունվում են սույն հայտարարության հրապարակման օրվանից մինչև մարտի 14-ը ներառյալ, ամեն օր՝ ժամը 09:00-ից 15:00-ը, բացի շաբաթ և կիրակի օրերից՝ համապատասխան դպրոցներում:  
Փաստաթղթերի ընդունումը կանցկացվի ըստ կարգի:  
Մրցույթները տեղի կունենան մարտի 16-ից 20-ը ընկած ժամանակահատվածում:  
Մանրամասն տեղեկությունների համար դիմել համապատասխան դպրոց:

Հայտարարվում է մրցույթ ԼՂՀ Շահումյանի շրջանի ներքոնշյալ դպրոցների ուսուցիչների թափուր տեղերի համար

1. Ալևաբերդի մ/դ - հասարակագիտություն՝ 6 ժամ, ռուսաց լեզու՝ 6 ժամ,
2. Նոր Բրաջուրի մ/դ - զինղեկ՝ 1 դրույք, դասվար՝ 19 ժամ, ֆիզիկա՝ 10 ժամ,
3. Նոր Գետաշենի մ/դ - քիմիա, կենսաբանություն՝ 14 ժամ, պատմություն՝ 11 ժամ, ֆիզկուլտուրա՝ 9 ժամ, օտար լեզու/ անգլերեն/՝ 12 ժամ
4. Դարիվանքի մ/դ - քիմիա, կենսաբանություն՝ 12 ժամ, օտար լեզու/ անգլերեն/՝ 10 ժամ, ֆիզկուլտուրա՝ 12 ժամ,
5. Եղեգնուտի մ/դ - օտար լեզու /անգլերեն/՝ 14 ժամ, աշխարհագրություն՝ 9 ժամ,
6. Զուարի մ/դ - ռուսաց լեզու՝ 9 ժամ,
7. Նոր Էրբեջի մ/դ - հայոց լեզու և գրակ.՝ 10 ժամ, դասվար՝ 20 ժամ, ֆիզկուլտուրա՝ 15 ժամ, քիմիա-կենսաբանություն՝ 14 ժամ, աշխարհագրություն՝ 8 ժամ, զինղեկ՝ 1 դրույք,
8. Նոր հարխափուտի հ/դ - զինղեկ՝ 0,5 դրույք, դասվար՝ 20 ժամ,
9. Ծարի հ/դ - մաթեմատիկա, ֆիզիկա՝ 7 ժամ, աշխարհագրություն, պատմություն՝ 8 ժամ, հայոց լեզու և գրակ.՝ 11 ժամ,
10. Հավաթաղի հ/դ - քիմիա, կենսաբանություն՝ 8 ժամ, օտար լեզու/ անգլերեն/՝ 8 ժամ
11. Նոր Դարաչինարի մ/դ - ֆիզիկա՝ 8 ժամ, մաթեմատիկա՝ 16 ժամ, պատմություն՝ 6 ժամ, ռուսաց լեզու՝ 18 ժամ, հայոց լեզու և գրակ.՝ 24 ժամ,
12. Նոր Մանաշիղի հ/դ - պատմություն՝ 20 ժամ, ռուսաց լեզու՝ 15 ժամ, ֆիզիկա, ինֆորմատիկա՝ 18 ժամ, օտար լեզու / անգլերեն/՝ 12 ժամ, աշխարհագրություն՝ 6 ժամ,
13. Չարեքտարի մ/դ - ֆիզիկա՝ 10 ժամ, դասվար՝ 22 ժամ, օտար լեզու/ անգլերեն/՝ 14 ժամ, ֆիզկուլտուրա՝ 15 ժամ, դասվար՝ 20 ժամ, շախմատ՝ 6 ժամ:

Փաստաթղթերն ընդունվում են սույն հայտարարության հրապարակման օրվանից մինչև մարտի 14-ը ներառյալ, ամեն օր՝ ժամը 09:00-ից 15:00-ը, բացի շաբաթ և կիրակի օրերից՝ համապատասխան դպրոցներում:  
Փաստաթղթերի ընդունումը կանցկացվի ըստ կարգի:  
Մրցույթները տեղի կունենան մարտի 16-ից 20-ը ընկած ժամանակահատվածում:  
Մանրամասն տեղեկությունների համար դիմել համապատասխան դպրոց:

Ուսուցչի պաշտոնի համար նախատեսված վարձատրությունը որոշվում է ըստ դասաբաշխման: Մրցույթի մասնակիցների գիտելիքների և մասնագիտական կարողությունների ստուգումն անցկացվելու է երկու փուլով՝ գրավոր և բանավոր՝ ըստ ԼՂՀ կրթության և գիտության նախարարության կողմից հաստատված հարցաշարերի: Հարցաշարերը հրապարակված են «Լուսարար» պաշտոնաթերթի 2012թ. 25-26, առարկայական հարցաշարերը՝ 2014թ. 23-24 համարներում և տեղադրված է Լեռնային Ղարաբաղի Հանրապետության կրթության և գիտության նախարարության edu.nkr.am կայք էջում:

- Մրցույթին մասնակցելու համար անձը հանձնաժողովին է ներկայացնում՝
1. հանձնաժողովի ամունով գրավոր դիմում՝ նշելով այն աշխատատեղը, որին հավակնում է (Ձև 1),
  2. փաստաթուղթ (դիպլոմ) «Հանրակրթության մասին» ԼՂՀ օրենքի 26-րդ հոդվածի 1-ին

- մասի պահանջին համապատասխան որակավորման վերաբերյալ,
3. անձնագրի պատճենը,
4. ինքնակենսագրություն (Ձև 4),
5. թափուր աշխատատեղը զբաղեցնելու համար մասնագիտական գիտելիքներին և աշխատանքային ունակություններին ներկայացվող պահանջների բավարարումը հավաստող փաստաթղթերի, հավաստագրերի պատճենները (դրանց առկայության դեպքում),
6. մեկ լուսանկար՝ 3x4 չափի,
7. այլ պետությունների քաղաքացիները՝ Լեռնային Ղարաբաղի Հանրապետությունում աշխատելու իրավունք,
8. ԼՂՀ արական սեռի քաղաքացիները ներկայացնում են նաև զինգրքույկ:  
Փաստաթղթերի պատճենները պետք է ներկայացնել բնօրինակների հետ:

<p><b>ԼՈՒՍԱՐԱՐ</b> ԽՄԲԱԳԻՐ՝ Ս. ԽԱԶԱՏՐՅԱՆ</p>	<p>Հիմնադիր՝ «Լուսարար» ՓԲԸ</p>	<p>✉ Ստեփանակերտ, Յ. Թունանյան փ. 111, ☎ 94-38-99, E-mail: gorcert@mail.ru: www.lusarar.info</p>	<p>Մեջբերումների եւ փաստական տվյալների ստուգությունն ապահովում են հեղինակները: Թերթը ընթերցողների հետ զրպարություն վարելու պարտավորություն չի ստանձնում:</p>	<p>Տպագրվում է Ստեփանակերտի «Դիզակ պլոս» ՍՊԸ-ում: Տպաքանակ՝ 3140: Ծավալը՝ տպագրական 4 մամուլ: Ստորագրված է տպագրության՝ 28.02.2015թ.:</p>
--	---	--	--	---

«Լուսարար» թերթը տարածվում է միայն բաժանորդագրությամբ: